


# KA BRISON OLIB



***“Katno nga bieit matlah.....  
..... phin ap Daphne ?”***

**(Page 119)**



# **KA BRISOH OLIB**

*Ka Khanatang ia ki Thma Bakhraw  
jong ka pyrthei  
ha Marathon bad ha Salamis*

*State Central Library  
Meghalaya, Shillong.*

Da ringksai sha ka ktien u Hynniewtrep na

**Ka Novel**

**OLIB GARDEN**

**(J.H. Macklehose)**


**Da u Michael D. Kahit**

Published by

**Mrs. ANABLOSIA B. DHAR**

**Barato - Jaintia Hills**

**Meghalaya**



**© ĩa ka hok tynrai la tyngkai**

**2004 : 1st edition 2000 copies**

**2E 980**

**Don Bosco Press  
Don Bosco Technical School  
Shillong - 793 003**



# *Jingpynkhamti*

*Ia kane ka jingtrei barit  
nga ai ha ki iing-ki-sem  
bad ha ki Samla Shynrang  
bad Kynthei  
ba kin shim nuksa  
na kane ka nobel  
ha ka ban tei Skhem  
ia ka ri u Hynñiewtrep  
ha ka Hok.*

# KI PHANG

		<i>Sla</i>
1.	<b>LAM KHMAT .....</b>	5
	Kyntien na H.L. Pde .....	7
2.	I. Hapoh İew .....	9
3.	II. Ka Brisoh Olib .....	23
4.	III. Marathon .....	36
5.	IV. Pulom ka jingshet kylla.....	45
6.	V. Leit phai sha Athen .....	57
7.	VI. Ha Sparta .....	69
8.	VII. Athen Biang.....	82
9.	VIII. Sha Duriaw .....	97
10.	IX. La lap İa ka jingsiartuh .....	110
11.	X. Ban Rwat İa ki nongshet-kylla .....	120
12.	XI. İla Khap tyngam u sing .....	131
13.	XII. Pyngkhreh ban İakhun bad ki nong Persia .....	146
14.	XIII. Halor ka Herkules.....	161
15.	XIV. Ka kupar jot jong ka Athen .....	172
16.	XV. Ka Thma ha Salamıs .....	186
17.	XVI. Ka jingsdang thymmai .....	199
18.	XVII. Salamıs .....	210

## KA LAM KHMAT

**H**a ka jingim jong ngi ki briew ka don kaet-re-kaet ka jingjia ha ki snem ba la leit jong ngi kaba shonshap sah ha ki khmat jong ka jableng bad ki bor kynmaw jong ka. Long kata ha kano kano ka dur: la bha ne sniew, la pynkmen ne pynpang nud, phin da leh da kumno kumno ruh ban pynklet ia ka phin ym lah koit.

Dei naduh ki snem 1945 sha neng ha ki jingpule ia ki kot synrop (Rapid Reading) jong ka subjek Phareng jong ka matrik la shon shap ha ka jingkynmaw jong nga ia ki jinghikai 'Kamai ia ka Hok' (Moral values) na ka Olib Garden ia kaba nga ring dur mynta sha ka 'Brisoh Olib bad ai ha phi ki nongpule.

Nga tyrwa ia ka ha ki long-iing long-sem bad ha ki khun samla Khyntroo Khyllud u Hynñiewtrep ban kbiat ban kjit na ki Ar Jingleid : leid Ri bad leidsamla baiaineh hakhap ka syier ka ma da ka Hok katkum ka Hukum kaba pasiaw hapoh dohnud jong man uwei pa uwei na ngi. La pynshet nongrim ia kane ka parom 'thawhi' ha ki jingjia histori ba shisha jong ka thma bah pyrthei ha kaba tang da shitroh u pyrton ba bat hukum bad ngeit sneng jong ka Kris u la lah ban pynher krat ia u shipai u swar ba shu kem kuli da ki hajar hajar da ki nong Persia. Da kane ka jingjop la pyllait ia ka pyrthei na kaba shah pynduhjaid ia ka 'Synshar Paidbah' ha sla pyrthei.

Nga la ong Hynñiewtrep : te kata nga la pynrung bun ki ktien bad ki jingong na ki dialek jong kine ki lum jong ngi namarba nga kwah ha ngin pynroi ia ka ktien

jong ngi da kaba shim bad (adapt) pyniadei na kiwei ki jingken jong u paid hynñiewtrep na SHATEI - SHATHIE = MIHNGI = SEPNGI. ban ia kaba shim Than na phareng bad Dkhar.

Naduh mynsiem nga sngewnguh ia ka Department of Higher Education kaba la kyrshan ia nga ban pynmih ia kane ka kot. Da kaba kyrpang nga ainguh ia Ma A. Rymbai, Inspector of School E.K. uba la leh shitom ban pyniyllih (pynjem) ia ka lynti sha Director of Public Instruction.

Ba ar, ngam lah khlem da sngewnguh ia u Rev. J. Cilia sdb uba la shah jynsur mynsiem ia nga ban pyndonkam ia ka type writer ha Guwahati ha ka por ba ka thij ka pyrkhath jong nga ka shong syler ha tmit ka lyhuh. Khublei shibun eh ia phi. Nga dei ban sngewnguh ruh ia i bah H.L. Pde ba la pule bniah ia ka manuskrip bad ai ki jingmut ba pynbha ia ka ktien jong ngi.

Nga ai khublei ia ka Press DB. bad u ia Bro. Valeri na ka bynta ki jinglehshitom ban pynitynnad ia ka kot. Nga ai nguh ruh ia kito kiba la iarap ia nga da kumne kumtai Nga kynmaw ruh ia i bah J.S. Shangplaing iba la pule ia ka manuskrip jong nga la bun snem bynta bad iba la kwah ba kane ka kot kan mih pyrthel na ka bynta ban pynroi ia ka thoh ka tar Khasi jong ngi.

## **KHUBLEI**

**MICHAEL D. KAHIT**  
Barato, Jaintia Hills

Dated: 01-09-2004

## KA BRISOH OLIB

Lada ngam bakla, kane ka jingjia ka la jia ha ki spah  
Lsnem 522-433 B.C. ha ka juk u nongthoh Greek ba  
pawnam, u Pindar uba la im naduh ka snem 518-432  
BC. Ka histori ruh ka kren shaphang ka jingwan hiar  
thma u Xerxes ka Persia, hynrei uba la shah rem ha  
Salamis u snem 480BC.

Kito kiba ju pule, peit ha ki phlim ia ki  
jingiathuhkhana, ka Helen jong ka Troy, ki Spartan, ki  
lah ban mut-dur ia ki jingjia ba don ha kane ka sain-  
khana. U tyngshop ba kham paw eh dei u Kleander bad  
kiwei pat ki tyngshop ki puron kiba naduh ba ki dang  
khynnah la pynkilan ia ki ba kin pynlong doh pynlong  
snam ia ka jingield ri haduh ba ki la lah ban beh krad ia  
u nongwan hiar thma, u Xerxes u khun u Darius I. U  
Kleander ki para bad kumjuh u mraw ki la im ka jingim  
bakhuid ba suba haduh kaba kut ki da ioh ka burom ka  
hormot ha ka shongkha shongman.

Kiba nga bang eh ki long ki ktien kynnoh (imitatives  
or akin words) bad ki kyntien na ri Pnar. Tang mar ia  
plied phin lap ki kyntien 'khlik-khlik khlak-khlak, ka  
khru-khru ru-ru, ka bshem basakar bakylluid rwang.  
Nangta, 'jingshla basngewklat ka pynkriang ia ka lyer'; 'U  
Pheidippedes, jkeng sawsniehdoh' bad bun kiwei kiwei ki  
kyntien ba la ai rong ai rup da u nongpynkylla, u Rangbah  
Michael D. Kahit, Nga kynmaw ia ka jingruwai, 'The brook'  
kaba lada pule ha ka jingjar jar, ngin iohsngew ia ka sur  
kato hi ka wahduid. Kumjuh ruh ia kane ka kot KA  
BRISOH OLIB, lada ngi pule ha ka jingjarjar, ngin lap ia


ka jingshisha ba une u Rangbah Michael D. Kahit, u long uwei pat na ki nongthoh Khasi uba tbit bha ha ka alrong ai rup ia ki ktien (A word painter) Shuh shuh la buh ia ki ktien Khasi ba shisien pule ngin kum pyrkhat ba kito ki briew ha kane ka khana ki kren da ka Khasi.

Kyrmen ba u Rangbah Michael D. Kahit un nang sei shuh shuh na ka thiar jong ka khuin pyrkhat ba la ih bha jong u sa kiwei pat ki buit sha ka thoh ka pule ban kiew rasong ka roi ka par ka ktien Khasi.

**L. H. Pde**

# I

## HAPOH İEW



*Ka iew ha Athen.*

Nalor ka klik-klik klak-klak na ka tangthari, ka khru-khru, ru-ru sharun sha neng, ka kiak kiak kak-kak ki shyoh (ryndang) kynthei ym don eici hapoh ka iing ba shong kyndup jlang marwei ha kyndong, ka surok Apollo. Kum kiwei pat ki iing ha Athen, ka jong u Arkhelaus, u basan ka shnong, ka long ka iingsawdong ba la kynroh muri ia ka phyllaw, ne bshem, ba sakar bakylluid rwang. Ha u rum u neng ka paw tang ka kynroh sada ba la pynpei tang da ka jynkhangbah, hynrei hapoh, ki tyngkong ne kamra baplic sha ka dahari (beranda) ba la ker, ki shai bad ki phalang, ki i-syaid bad i-juh, ki i-shngaiñ de ba la

tawah da ki pyrda suitrong bad siang da ki syngkhien bamom-mom. Hapdeng ka bshem don ka duwan 'leilong'ing. Haphang shathie don ka jaka shong ba da u maw marbyl bad bun ki mula, ki lyngknot ba la pynbeit shriak hapoh syrnglew batngen jong ki tnad bapyiar na u dieng sohjew; sawdong, ki syntiew lynguĩn ha ki bun khap kynroh, ki diengrit ohshrong bad tiewlyngksiar ki plied shylluid phiar-l'phiar ha ki khiew ranei tah rong.

Thik marpyrshah ka khyrdop ba plie sha surok na dahari u Kleander, u khun jong u Arkhelaus, l'ngang u shaniah ha u paĩa. U lah ban iohsngew iĩa ka sur kyrkieh-awri-awra jong i mei lajong, jong ki kynthei bad jong ki mraw hapoh ka iing thainjain.

Teng teng ki para jong u, ka lunis bad ka Klaris, ling ling ki mareh synrud iĩa u, ki iarah iĩa ki song jain-ni ne ki jyndeng kordor ba ki mraw ki dang iathep ha ki kriaah, klaw, da thlien lynga, u peit iĩa ki. U dang khadar snem ka ryta, lymphoiĩn ka maiĩn ka meĩn ba i-ngab, u shĩnjuh kyllaiĩn iakli u pynwan iĩa ka dur sha ki khmat pyllaw bajngum suiĩbneng kiba klum iĩa baroh kat kaba iohi ha ka shisten peit. Ka jain tawah babyrngum jong u ka long da ki saithir nylla, la pyndait da ki pin 'nonglieh na sha tyrpeng bad ka noh pynwan dur jwaiĩn iĩa ki ksangkkti bad kjat baksah, sawsyang ba thang ka sngi.

Ka rengmat ka ran. Dynghang u peit lyngngoh iĩa kane ka khrum-khrum khram-khram, ka lynga, ka lyngngit. Kaci kane ka khih lyngkhum! Ka mang aũu kane ka song ka teh! Balei kane ka kren klak-



klak kum bym laplieng! Imat ym don ba laitti laittat ban pyrwa ãa u. U mraw ba dei ãalam skul ãa u ruh um don, u la leit bad u Arkhelaus shabar te mynta ka sngi ym don jingkhreh kot satia. U iw kaei-re-kaei kaba pher ka ban jia. Ka mariang hi ka ktik pynskuiñ ãa u. Kumno ãa u khun i mei uba la khadar snem yn set lang hangne bad ki kynthei haba ik-bad-ir ha surok ha khim ki hamsaia ki pyndap ãa ka lyer da ka jingsawa ba kynsha.

Jrut u kynthuit la ki tyrpeng, bad syik u syngit la u saipan, u phai ka met sha ka syrngiew batngen jong ka phyllaw bad bloit u mih sha surok. Ym don briew!

Ka sngi Lylur ka thang pynshrang ha ka jingthaba khrek- khrek ãa ki iing balieh jong ka Athen bad, ha shyngkup kynroh, ki syrngiew ki noh ngaw-Ingaw kum u ñlut diengiong. Na sha ki phang ka ãew wan sawa ka huri-hura jong u paidkar, ka shu kie bad lngaid sawa hum-hum ba ker ki kynroh.

Klir-klir shat ki khmat u Kleander. Kane te ka pran bashlan shisha! Ban shu lait-tuh ei shapoh sor khlem uto u Ksanthias ba-i-ngiah bad bud dien kynthep kynthep man ka sngi ba leit skul. Tang shen u sngewshngaiñ ãa ka lynti bad u ãaid biang biang, u klar na ka ktieh bad dien kali, u ryngkang ãa ka synrum synreh bathud tengkhat hakhmat jong u. Katba nangiaid, nangiam ka sur bad, khadduh, haba ka ãew ka plied hakhmat jong u, la i kumba ka Luri Lura ka thnam kynshu biang ãa ka iwtung u ksew.

Ki khmat phoilia jong u khynnah ki peit khling-khlang. Hapoh syrngiew ki paia ba ieng shriak sawdong ka shyngkup iew don kyntoit kyntoit ki kynhun briew, ki khmat jong ki laiñ-laiñ ki sawkyrang da ka jingbitar, don patde ki batyrkhong raw raw da ka pisa-ka-lynga. Kiwei patde shibit shane shibit shatai ki rah khubor, ki wad jingtip; ha ki khmat la thoh phalang ia ka klang pangnud bahar-harrukom, ka khih ka ksar ba phieng ba-i-ngiew.

Na sha ka dong jong ki basa bad ki shlem jong ki kamar ki riew ting-shi-ting ki tyrnem halor ki rynñiang, bsut-shi-bsut pyrhut ki kynwo; ting-ting shane, khar khar dar-dar shatai riew ki tupia nar, ki jymphong shadem, ki waitlam, ki jynsop'ti jynsop'jat; ki shipai arsut artet ki kyrdem bad pynkyrkieh ia ki kamar. Ki nongdie basa hapdeng iew ki i bymñiewkor la ka die ka thied. Don kiba la iehnoh la ki basa, ban ialum sha u paidbah baialang lymbung khlem da pyrwa ia ki ksew makia ne khynnah rit ba shang syntiat ban ap kabu. Don ruh kiba lum bad song kyrkieh ne thep kulmar la ki mar ha shang bad khreh ban khang iew noh.

Sa ba u Kleander un iawot (shimñiat) ia u soh apel ba-ih hoiñ hoiñ na kawei ka basa ha syndah jong u te lap ba patied ki kyrdem kjat ba iaid kadom shipai ka da tyллеp artad ia ka kaw-kaw daw-daw jong u paidbhur iew. Na shaphang ka Akropolis shikynhun shikynhun u pyrton phong-sopnar bad la ka stieh ka wait ha kti u iaid iatur jram kynjram lyngba ka madan iew. Ka sngi ka phalang khlek khlek ia ki wait ki sum jong ki. U paidbhur u pyrkhun shadiang bad shamon ban plaid lynti ia u pyrton hapdeng bad

sa khyrdep biang lien na sha dien kum ka um jong ka duriaw Ejian bajngum kaba tap ia ka dar jong ka lieng Laikyrnah-boitha (laisyrtap) kaba lur ha sla jong ka. Ha ryngkhl jong u pyrton iaïd pyneh khohwah u khynnah, da kaba kyniw, u khawoit sha la u para khynnah skul, u Demetrius.

"Ap, Demetrius, ap" u pyrta ia mareh sha la u paralok.

"Ngam lah ap me" pyrta kylla u Demetrius da kaba, sngewshrai. "Nga dang bud ia kine ki shipai te me!"

"Shaei te ki iaïeit?" kylli u Kleander, katba dang iamareh marshruh. "Bad ka jia aïu? Balei u paidbah kumne thlim?"

"Shuh me, wat pynthlia ia nga," kynhied u Demetrius sa ka lehsa de. "Me dang khunlung ban sngewthuh."

Ka snam u Kleander ka kynroi da ka jingbitar. Hato ymdei tang ar snem ba u Demetrius u shwa ia u hynrei, pynban u kham proh bad kham stad ma u ha skul? Rdin u snoh na ka jaiñ tawah u paralok haduh ba lait sa u pin ba pyndait ha tyrpeng bad u Demetrius um banse ban sangeh ban tam ia u.

"Shuh ho lih, wat pynsalia ia nga," u kynhiet lem bad ka kawut de ia u Kleander, hynrei, u patde ngoit u dem bad u lait artad nangta u sah de sbak, ki ia pyneh artad.

Ha-mar iamut shisha hi te lap ba shah bat noh ha tyrpeng tyrpeng bad da ka sur jai bad jem, "Balei, balei kumne?"

Dang ing hi laiñ-laiñ u Kleander u kren phak phak ãa kaba u la kwah, "Nga kwah ban tip kael kane ka jingkhynwin," u batai, "bad balei u paid baroh u ãakren hynñium-hynñlam kumne, bad shael ki ãaleit kine ki shipai, u Demetrius pat um treh ãathuh." "U dang rit eh ban sngewthuh," leh bakren heh u Demetrius.

U briew baieng hapdeng jong ki u phong ka tupla nar bad ka jynda shadem jong ki shipai riam-nar hynrei um pat khlem rah la ka stieh. Ka khmut ka khmat te rngaiñ hynrei ka ishongkhia, u ñiuhmoh bakdor samup bad ki khmat kbelt shongshan. Haba u phuh sammut patde, ka maiñ bakhor domriang ka jem lhin bad ki khynnah ki sngewbynriew noh.

"Ale shane sha kyndong", u khot, "bad ngan ãathuh ãa phi ãa kaba la ãia."

Da kaba kmen ki khynnah ki bud ãa u sha ka syrngiew jong uwei u paia, ka jingbitar ruh ka la jah noh kumba ka la wan ryngkhat hi.

"Phi la ju ãohsngew shaphang ki Persia?" thaw kylli uta u-riewpher.

"Hooild keiñ," kloilan jubab u Kleander, "ki shong shatai sha shiliang ka durlaw bad ki don u sylem bapawnam ba synshar ãa ki".

"Kaba dei." U kem ktien puhmat;" Hynrei nalar kata don sa kiwei de kiba ong shaphang jong ki. Uta u sylem bakhraw uba synshar ãa ki u dei u sylem ãuhtop amrang. Um ai jinglailtuid ãa la ki raiot, bad un jin da knieh ne tuh ruh ãa ka jinglailtuid jong kiwei pat ki briew. Napdeng kito ãa kiba u la jop ki

don ruh ki jaid ki kynja jong ngi sha shiliang um ha ki nongbah jong ka ïonia."

"Kumta keiñ," knieh ktien u Kleander," nga tip ba ki la ïakiat pyrshah ïa u Darius hynrei u la ñiombor bad u la pyndem ïa ki."

"Kaba dei, thik," jubab u nongwei, naduh kata ka por u Darius jong ka Persia u la sni bad mang ban thombor pyrshah ki nong Athen kum ka kput ba ki la ai jingiarap ïa la ki jaid ki kynja. Man ka sngi, hana ki ong, haba ki mraw ki ïeng hakhmat jong u ki kren pynrhah; "Sylem kynrad, u dusmon u dandia u Athen!" Te kumta u syuh ingytyrkhong lnger-shi-lnger (hala ki por) ïa ngi. Mynnymwei u la wan king shi lyhien ki lieng pyrshah ïa ngi hynrei ki blei ki la don bad ngi. Ka erïong ka la kynting khie dew te baroh kata ka lyhien (kynhun) liengïapom ka la shah kynting sapra-saphret bad jakhom ei. Mynta u pyrshang biang. Ha kane ka pali te ka lyhien ka la lur khlem jingeh shaduh Kris bad ki shipai Persia ki la ïuh kjat ha Marathon."

"Me sngew lih, kata?" la kren heh u Demetrius. "Me tip mynta balei u paid u kulmar thlim bad balei ki shipai ki ïa pynstet sha rud nong Athen. Hynrei un ïalah shael pyrshah ki nong Persia?"

Uba khamrit u shu peit mrong sha u riewphylla.

I pa i ïathuh ba ki nong-Sparta ki long ki shipai bashlurtam ha pyrthel," u kren roh shongshit. "Kim wan mo ban ïarap ïa ngi?"

U nongwei u jyllud la u ñiuhtmaiñ shiphang kum ban khan ban khad shwa ban jubab.

"Ki don la ki jong ki korbar-sorbar," u kren khadduh eh, hynrei kynmaw ia kane khynnah: Ka jinglailtuid ka dei ka jingai ba kor duh ba ai ki blei, hynrei ym ai ia ka khlem kirmit ne jingiakut. Ki briew ki dei ban pynlong ialade ki babiang babit ban ioh ia ka. Kynmaw sa kane putet: haba kawei ka nongbah ka duhnoh la ka jinglailtuid la teh syngit ruh ia ka jinglailtuid jong u paid kyllum. Ia kane ka mat ki Sparta kim pat ia pei satia."

Ki ktien ki ring da ka sur jylliew, bad da kaba khmied u Kleander u iohi liak ia ki khmat ba shai klir-klir bad ka maiñ-ka-meiñ jong u nongwei ka tyrha rhem.

"Uba ialeh na ka bynta ka Athen, u ialeh na ka bynta ka Kris bad ka mynsiem ka sngar jong ka Helas," u kren shit mynsiem, "Un pynsah ka kyrteng, ka nam ha la ka jaid ban pyrto u para-ri".

Mar hangta u samla ba la riam-dap shipai u iaid synlad then-mthen. U bat ia ka ksangkti u paralok ki khynnah bad ring noh ia u na ki.

"Ale noh, Eskhilus," u khot kyrkieh, "don ki kam bah sha khmat. U Peldiphides u la wan phai na Sparta bad u leit ai kaiphod sha ki jeneral. Phi pat hangne phi ia byrngia parom bad arngut ki laitlan."

"Ki dei ban tip, Kinekeiros, ki dei ban sngewthuh," la phai ktien u riewpher da ka bajem jai, "Ki dei ban ieng bad ap mriang ia ka jinglailtuid ynda maphi bad manga ngi la lyngngaid noh sha lyndet."

Da kaba phuhsamrkhie bad khublei u phai, u ieh noh ia ki khynnah ba iaeng hajan paia ban peit shaiñ na shalyndet ba u fald. U Kleander u bat khat ia ka ksangti u paralok.

"Kloi, Demetrius," shi-ir u paslaw," ia ngin ia bud ban peit kan jia aü, ngin lah, tyndi-tynda, ban iohsngew eiei ."

Sia bad sia ki khynnah ki bud dien, ki plaid na khap paidbah ki khyngngoid bad khun na lwiar ki paia, mynta pat, bloit sha ki basa iew bad ki shlem kamar sha basawang ka iew, sak bad sak ki thew sha ka phang iingdorbar kaba don ha syntai u lum ha phud iew. Ki paia ki ker sawdong ia ka tyngkong dorbar bad ki iaeng hangta ha syrngiew jong uwei na ki,

"Hei, la wan ki jeneral," paslaw u Demetrius. "Peit, utai u Melsaides. Iiw, uba la leh hangamei noh teh! Uba ia ong suda ba u la ju long u 'riew lehheh banbeiñ ha ki juk jong u."

"Uei utai, Demetrius?" kylli u Kleander, "utai u baiong shñiuh klaw klaw bad ki khmat klir klir? Peit kumno u kren iarkhie artad. Khlempep utai uwei pat te u dei u lok janpran jong u mo. Peit, peit, u tawah kti ha tyrpeng jong u."

U Demetrius u rkhie kynphuit batip eh. "U lok? maitang, paralok keiñ! Khambun ka iashut ia-aieng. Hynrei u Themistokles u tip kumno ban phur sabuit-saylan ia la ki nongshun ruh ban pynmyllen ia u. I pa i shait ia ban kyntien phawer ba u Themistokles un leh ki kam bah lawei la ar ha Athen. U tel u

rangbah bad u u dei u Aristides. U jaid babha mynsiem ong i pa jong nga."

Pyllaw u pelt ia ang u Kleander sha u Demetrius. Ish, sngewkhain ban ioh parom pariah baithuh kumta shaphang ki riewkhrwl U te, un da kmen tang ban tip ia ki kyrteng jong ki ruh.

"Kumno, Demetrius, "u kylli tohkit, "ba u kpa jong phi u tip u ithuh ia kata baroh?"

"I pa te i ithuh lut kein ia ki trai shnong ka Athen," u la jubab. "Mem tip ba u don shihajar ngut ki mraw ba trei ha ki par rupa ha Laurium? Ki jeneral te ki kmen ba iadei lok bad i bad ban iajuh iajan ruh ha iing jong ngi."

U Kleander u noh mynsiem atnud. U kpa jong u patde uba dang bud hi ia ki Longshwa. U kynshew, u kamai na la ki kper olib bad na ki lieng kiba khaïl pateng kylleng ka Mediterania. Ka spah ka don hynrei, ym ban ia nujor bad uba ri shi hajar ki mraw ha ki par rupa. Ym don Jeneral ba iajuh iajan bad ki. Bad u Kleander u pynhlar mynsiem pihuiñ.

Kyndit kyndit wan tuid u paidbah na shalew. Ka jingsawa jong ka jingkyrdem bad ka jingshla basngewkiat ka pynkriang ia ka lyer ha kaba ki paro ba her rnglew ki swait wlat-wiat bad pynphalang la ki thapniang pyrshah ka suin ba jngum.

"Kael mynta?" kylli u Kleander kumba duh mynsiem hlaw-hlaw. "Pheidippides! Pheidippides" ia kynhoi ia kynkiw u paidbah. Don uba iathew kura sha ka phang ka duriaw, ha kaba, sha kyllep ka dewlynnong Ejina, ki lumbah ka Sparta ki shong



kum u lyoh byrngum ha shyngkup bneng. Kiwei pat ki la khmied dngeng shaphang shatei kum ba apthap ioh ba ha kano-ma-kano ka por, ka khyllipmat ki nong Persia kin krang lyngba ki kynroh jong ka nongbah.

Sha khmat jong u paidbah u iaid u Pheidippides, u nongrah kyrwoh. Jkeng, sawsniehdo, ki kti ki kjat smam ki ksah, ka rynleng ruh khwaiñ i kumba ka mynsiem ieid jinglailuid ka Athen ka wan im kylla. U shñiuh bani u dambit stak ha shyllangmat basngem, ka dew pum-pum ba sop ia u ka paw shynna hapteng ki snuid ka syep batuid na khmat bad na kti na kjat. Khlem da pynsgew ia ka jingkyndoi ne jinglynñiar u paidbah u kam pynbeit stet thiaw bad rung sha iingdorbar ban pynsgew ia ka jubab ia ka kyrwoh.

"Hei, Kleander," pasiaw u Demetrius, "ngan ieng ha syndah ka kynroh, bad, lada men kiew halor tyrpeng jong nga, me lah ban iohsgew ne wat ban iohi ruh. Ale kloi."

U pyneh triang ia ka met bad u tynrong ia u bakhamrit shalor la ki tyrpeng. Da kaba piam ia u paia da baroh ar ki kti u Kleander u pynsylan ia lade (batskhem triang) bad u shem ba u lah ban iohi shapoh ka iing dorbar. Hangtai ki ia shong ki jeneral jong ka konsil-khliehduh bad hakmat jong ki u ieng u Pheidippides; u kren da thew ban ai ka ktien jong ka Sparta halor ka kyrwoh ka Athen.

"La pdiang ia nga da ka burom bad ka akor kum ka dustur," u la ong. Ki nong Sparta ki kular skhem ia ka jingiarap, hynrei, ym shwa u

'naikhadsawsynia un sdang kem khyndew. Ka bat ka niam-ka-blei ia ki bad ymbit ban pynwit ioh thut. Kin phah ia u shipai-u-swar tang lah ka dap-pyllun u bnal."

Kawl mar dep pynbna, ka khih ka ksar ka jing'alang jong kita ki tymmen ki san bakhiathew.

"Kam lah long," shla uwei.

"Sep ei", "kyang sa uwei pat, "kat ba kin da iapoi shane te ngi la da iaiaap lut khoit. Ia ka kmie ki khun bad ki khun ki kti baroh kin shah patom mraw sha Persia. Hato, kam khlehbiej ka Sparta!"

"Kat ba mon hi ki blei." knieh ktien sa uwei;" kim bit pynsang ho ia ki duwan jong ki. Ngin ia leh marwei ki nong Athen".

"Marwei!" shla ki babun, "dngang-l'ngang ban ia ksaid tang ma ngi? Ngì keiñ ki ban shah shohkhariew! Ka Athen marwei ban phlan duman ia ka bor ka Persia! Hato ki khrum ka lawpaw ki thylli katta ban pynrung da ki nong Athen?"

"Kleander, Kleander," hiaw hiaw kylli u Demetrius, "ka jia aü? Ki iaong aü?"

"Mynta ki dang ia pynsngew sha u Milsilades," paslaw dien u Kleander. "U kwah ba kin ia aireng. Oh! ki dei ban sngew ia u, ki dei ban sngap ia u. Ki dei ban ia leh, mynta ki ia noh nusib. Hei, Demetrius, san khieh sha u Milsilades bad san patde pyrshah. Kin mang aü mynta. Ap! Tai..tai rung sa uwei pat u briew, un dei uei utai? U shñiuh ruh byrlih rupa bad ka jaiñ tawah balambyrngiang sawbthuh."

"U Kalimakus," pyntip u Demetrius. "U dei u khlieh jeneral. Un thep sbai khadduh iawai ban ral."

"Hooïd, hooïd u khalai. Hei", pain ia u Milsiades. Ah, ka 'lei Athena ka phah kitbok kit rwiang ia u. Hooïd, baroh ki ia mynjur lang mynta. Wat kito kiba la ieng pyrshah ki ianoh sha ka mân u babun. U Milsiades u ai hukum ban tur sha Marathon."

U Kleander u ryngkoh pjong na tyrpeng ban peit da ki khmat klar klar. U Demetrius pat u kyrbeit, u khyrwait la ka met ba sakhrat bad u syrpuđ ia ki tyrpeng ba tyrsaĩ. Ka khmat patde ngun ngun.

"Kumno ngin lah marwei pyrshah ka Persia?" u kylli mynthi shyndut, "Nga dei ban leit sha iing; u Milsiades u kiew langtylli bad mame ruh."

Ki iaphai ban leit noh hynrei ia tyngkhuu sbuk pyrshah u palwan. U dei u paralok jong ki uba ha iew bad u Kleander u ai khublei shongshit ia u.

"Ko ma," u pynthikna, "phin ialeh na ka bynta ka jinglailuid bad na ka bynta ka Kris? Shish, balei ngam rangbah kloĩ ban ialeit lang manga ruh."

U Eshilus u wait phuhsamrkhie lam sa ka sngewlem de.

"Ka pali jong phi ruh kan poi hep," u kren, "tang, thew la ka dohnud sha ka jinglailuid bad kan lam ia phi shaba phin lah ban shakri janai ia ka jingmang jong ka; poi-khat lehse ngin ia kynduh biang, lymkumta, khublei."

U phai bad u jah noh hapdeng u paidbhur bad u Kleander u ieng thapnger, u nangpynbud ki khmat,

na shakhap ki ummat, ĩa ka tupia nar bashyrtong  
kaba ĩaid kyllaĩñ hapdeng ki khlleh bakhĩh lhien.  
Khadduh ka jah noh.

“La leit, Demetrius,” u kren jylliaw, hynrei haba  
u phai u lap ba u Demetrius ruh u la da leit bad  
dngang u sah marwei.

## II

# KA BRISOH OLIB



*Nongsylla*

**D**a ka ba-i-shongkhia u Kleander u ïald noh na ka ïing dorbar. U pda pawai ki kjat sha ka ïew, u kynjat kynting da ka juti ha sla kjat ïa ka dewshyap dew pum-pum ba lang kynton kynton ha khad jong u.

**KA LA DEI KA NOHSNGI.**

U paidbah ba la ïalum lymbung u la ïapra kylleng: don kiba ïa leit pynjahthaid, don pat kiba leit sha ki pungsum ne sha ka jimnasium, ka jaka kilan met ban kilan la ki kjat ki kti, bad ka met ka phad. Uwei-ar ki 'sew ma kia ki iw shane shatai ha ki dukan ban wad ki tukri tukra. U mraw pat ba phakhet na sha mar pdeng ïew u tynrong ka kria

bad u kàm iaknieh phang bad la ka syrnglew supdok  
kaba kynthih dop-dop ha ki khongdongjat jong u.

U khynnah u noh lyhar ialade ha kyrnit u paia  
ban pyrshang khan ha la ka jingmut: ka kam pran  
kaba ka jong ka step ka la pyndap ia ka khlieh jong  
u da ki har-har rukom ki jingpyrkhat, namarkata u  
dei ban wad khmut wad khmat ia ki. Ki kyntien jong  
u Eskhilus bad jong u Milsiades: Jinglailuid! bad ka  
jingiuhstop! Ka thma bad jingbanbein! Kiei ki jingmut  
jong kine baroh?

Shilyngkhot hangne, shilyngkhot hangtai na ki  
jingiakren ba u kum iohsngew hala iing ba mih na u  
kpa jong u ki wan phai sha u mynta da kawei pat ka  
jingthew jingmut. La don ka sngi, la kumba mynlai  
ne saw sngi mynta ha kaba u Arkhelaus u la wan  
sha iing da kaba kyrjaw hun la ki kti.

"Te kumno, 'pa u Kleander, kylli ka kmie, "ki ai  
jubab kumno ia u nongrah kyrwoh ka Persia?"

"Ki shu shop ia u shapoh byndi kum kiwei pat  
ki nongkam bymman," u jubab. "Ki nong Sparta  
patde, nga sngew, ki la lynshop shapoh pukri ia u  
ba-wan pan baikliar-wait, bad ki dumok ia u ban  
khat um khyndew na sha thie ban leit rah sha la u  
kynrad, u Darius ."

U Kleander, uba dang ialehkai ha phyllaw ha  
kata ka por, u la rkhe iap-ang ha kat kata ka  
thawngang bad un jin da la kwah ban iohi ia kata.  
Mynta u pelphang ba kata ka la long ka jingiapyneh  
ka banyngkong jong ki Krik pyrshah uta u sylem  
bakhrawbor.

"Khlem artatien," u kren pohsah, "lada myn ha kata ki nong Sparta ki la ieng bad ngi, khlem pep kin leh mynta ruh."

Khadei, u kynmaw ba u sylem Persia um mut ban jop ia ka Kris na ka bynta ialade, hynrei ban pynshong khet biang ia u Hippias uba, u kpa jong u u la synshar la mynarpnewsnem ia ka Athen. Hynrei balei kim mon biang ia u Hippias? Kiwei pat ki ktien jong u Arkhelaus ki sawa biang ha ki shkor jong u: ki inger kiba u la kren kthang ngang ngang ia ka jingsynshar iuhtop iuhbein, marshak, kaba ia byrshlaw ia nujor bad ka jingim balaitluid jong ki nong Athen. U Hippias un phot lyngkut ia kane ka jinglailtuid lada un wan phai biang.

Katba u dang ngam ha kine ki dur bad ki sur bym phai shuh kyndit kyndit wan ka sur kren na sha shiliang u paia bad ka kysiew thret ia u Kleander na ka rngai tympang jong u.

"Nga ong ba ka long ka jingblej phngar," ong ka sur, "Ka Persia ka don hynriewspah ki lieng iapom, nador byllai ki lad pynking. Haleh, ngin don tang shihajar khlieh briew. U Milsiadess u biet."

"Hush, jar jar me, bynrap kawei pat ka sur, "kane kam dei ka por ne ka jaka ban kren eiei ia u Milsiadess. Phin da ai buit aiu ia u?"

"Buit?" lynther u banyngkong. "U dei ban iasuk noh bad u Datis ryngkat u Hippias katba dang don por. Ngam artatien ba u Hippias un leh isynei."

"Haba u phud u pyrton ka Persia un dep klun tyllan snep tyllan shyieng ia u shipai u swar jong ngi

kum u sing ba nguid ia ka langbrot te u Hippias un shu rung kynhoi risa shapoh Athen." knieh ktien u ba-ar. "Un don kam ki ophisar. Phin da kwah bniah shuh te, iakynduh ia nga ha ka brisoh Olib ka banyngkong, sha khim jong ka khyrdop ba shatei tang shu mih u bnai. Ngin pynadke ia une u kopsop."

Jynjang ka jar jar. U Kleander u iöhsngew ia ki dienjat kiba sawa iajah sha shiliang ka lypung. Shiphang u shu shong khiar khlem khih, u tieng her ban ksaid ioh dang don mano-re-mano ki ba dang ia jalani ne byrngla hangta bad lap ba u dang ap siar. Ym don jingsawa eiei shuh. Haden nangta, khadduh khadwai u pyneh la ka rngiew triang bad sor sor u iaid-thap sha u paia hajan. Tang mar khyllait sha dien uta u sa sdang mareh bad shen u khun sha ka lynti khim ba leit shabar ka iew.

La ha katta ka por te ka sngi ba noh sharing ka phanang da ki syrnglew bajrong halor ki lyngknep ki surok bad ki madan; bad, shatei ki kliar jong u lum Himetus ki ieng kyndiang pyrshah ka jingjngum jong ka suin bablad.

Sa shiphang kan premmiet, ka jingdum kan kah, bad u bnai un khie, nangta, mar iamih u bnai yn don mano-re-mano u ban ia kynduh ia uno-re-uno u briew ha brisoh olib ban iaslar, ia sylla pyrshah u Milsides bad ki riowiapom jong u.

Ngit-Ingit king ka khlieh u Kleander. Ki ngab ki thang da ka am-riang. Kumno ki shlan pyrshah ia ka mon jong ki rangdajied ka Athen? Haram-jat. Ki nud pyndonkam ia ka kper u kpa jong u na ka bynta



kane ka slar-ka-shut runar jong ki! Dei ban pynsangeh  
ia ki. Ka riam pap jong ki ka dei ban pulom.

Hynrei.. dano?

Hangta u Kleander u kynmaw biang ia ki ktien  
u Eskhilus: "Tang thew la ka dohnud sha ka,  
jinglaitluid bad kan lam ia phi shaba phin lah ban  
shakri janai ia ka jingmang jong ka. "Ynnai da  
kumwei, yn ym don ba lah ban pute ia ka jingslar ki  
nongshetkylla lait tang ma-u hi. U Kleander u pyneh  
ialade da ka jingsngewsarong, u kyreh-kyrbeit la ki  
tyrpeng sawdong, bad ka khlieh de shyeng u pynieng.

Da shisha, mar ias dang hi, ki blei ki la da lah  
plie lynti da kumno un ieng pyneh la ka daw. Bad  
ma-u, u kloi ban shakri.

Ha shwa kane u dei ban leit sha iing ban  
pynkhreh na ka bynta ka jingpran synia bad, u phai  
la ki kjat batain baartatien sha la ka iing. Yn iapoi  
shaei lada u kpa u bitar ba u phet laitlan baroh shi  
sngi khlem u mraw ba synran ia u? Jar jar bad sor  
sor u phlor na khyrdop bad kam khyndiat pruh ka  
dahar sha ka bshem ba rynghang. La jan dei ka por  
bamja miet bad baroh ki ialum ha phyllaw. Ka Akharis  
ka shong shaniah halor maw marbyl, ka Iunis bad  
ka Klaris hapneh jong ka ki iashong kyllain kjat.

Ka Akharis ka dang i samla lymphuin, ka  
baplung bad shai ka sniehdoh sa ki khmat bajngum  
shyl-oif. Ka riam barobor da ki rongblad jyrngum ne  
lam jyrngam naba kine ki rong ki rah kynjang ia ka  
jingphuh ka khmat bad u shniuh ba kyllain ban  
pyniahap dur bad ki jymphong jong ka. Ka Klaris te,  
ka khun i mei: baplung, ba parlah parain, u shniuh

byrtem rong umngap ba la thaiñ bad pynnoh na tyrpeng. Ka lunis, marwei, ka khong kpa. Ka khmat pyllon shyloitiñ ka shong hakhap u shñtuh bakdor khynron uba i kum ban kah syrnglew ia ki khmat pylliaw bashongkhia. Ka long ka 'yiem i pa te ka lah ban pynkohnguh ia u ban shah ia ka ban pule ban thoh wat la ka kmie ka ong ba kane ka pynlong lung-lung leng-leng bad pyntorti ia ka ha ki kam-iling kam-sem. Ka shong peit dngong ia i pa ba u jam sharum shaneng ka phyllaw da ka jinglynga ha ka maiñ jong u.

"Une u la wan, u la wan," pyrtu ki khynnah haba la rung u Kleander. U Arkhelaus u phai bad u kren ha u khynnah shangtuh. "Phi la jah shaei khun?" u kylli, hynrei ka sur, wat la ka sawa shong khia ruh kam dumok khor ne dom. Bad u Kleander u jubab shlur.

"Sha iew phi pa" u ong, "nga la leit ban peit ka la jia aïu hangta. Nga la iohi ia ki shipai ba ki iaid iatur jram jram, bad sa ia u Pheidippides de ba u wan phai na Sparta, nangta sa ki jeneral... bad baroh kiei kiei."

Ki khmat ki shai klir klir da ka jingkmén haba kynmaw lut ia kita baroh ki jingphylla kiba u la iohi mynsngi.

"Mem shym la dei ban mih sha khim khlem u Ksanthias", la mai tynggeh ka Akharis, "mem iohi ba me la dei ban ioh sohram- dieng?" U Kleander u noh ngun ka khlieh bad u sngap jar haduh ba kren pat u kpa.

“Bad me sngewthuh lut ia baroh kaba me la iohi, khun?”

“Hooïd kein pa,” u la kem ktien shisyndon, “nga sngewthuh lut. Ki briew ka Athen ki dei, ki briew balaitluid, hynrei u Hippias u la ialanglok ryngkat ki nong Persia kiban iarap ia u ban knieh noh ia kane ka jinglailtuid na ngi. Hynrei lah kaba ngin iap ban ia kaba long mraw wat lada ki nong Sparta kin ym lah wan ban iarap ia ngi.”

“Me kren ia kaba dei khun,” kohnguh iamynjur u Arkhelaus. “Ka jingim khlem ka jinglailtuid ka shu long mulot. Ngan jin da la kwah ban iohi ba men san men santer sha u rangbah u bashlur, u bathynrang sahnud ban iada ia ka jinglailtuid ka ri la jong, u bahok ha kaba shalai la ka kamram ba ka jinglailtuid ka waprak, te ngan hun ka mynsiem. To ngin ialeit bamja miet noh, me la dei ban thngan katta.”

Ka la kem iongrein kat ba kin da dep iabam iadih. Ki sharak halor ki dieng pynieng ba da ki rnong, ki tbeh, ki shat ka jingshai or-or lyngba ki tyngkong iing. U Kleander um sngewlah bam ba u pisa eh. Ka khlieh ka kyrsia iawaddong wadduh kumno ban mih-siar na iing khlem da shah lap, kumno ban lait said na ki khyrdop ka sor bad ban poi sha ka brisoh Olib shwa ban mih u bnai. Ynda la dep thet u Arkhelaus u ieng ban kih.

“Sa ong ia ki mraw ban ieh khlem dakhang ia ki khyrdop kyrpong na ka bynta jong nga,” u la bthah ha la ka lok. “Ki bun ki kam ban iatalad mynta ka miet te ki lah ban bat slem ia nga.”

Khlek lek-lek kynthih u nud jong u Kleander haba iohsngew ia kata. Ban phet siar te la suk. Um pyntud haba ka kmie ka la phah leit thiah noh ia u. "Ban shang makia sha khim sha surok baroh shisngi shisngi kum u bna-lad," ka la mai ia u, "me la dei ban thaid katta, khie leit thiah noh."

Jaij (Pnar) namarba, na ka daw.. ba dei u khun shynrang marwei, u Kleander u don ka kamra lajong tang ialade, la katta ruh u Ksanthias, u mraw synran, u thiah ha beranda habar ka jynghang. Ha kata pat ka miet u Ksanthias u la ialeit lang bad u Arkhelaus. Mar iapra sha la ki dong ki dong, ka khad ka la lait na ka bynta uba kdiap nongsylla.

Khlem da pynriew eiei u Kleander u tap klup ialade da ka jaiñ iöng bad u mih bloit sha phyllaw. Da kaba pynrit ialade u par syndim na khap nakhap ka kynroh sawdong ka dahari shaba, mar pyrshah ka kamra jong u, ka iing ki mraw bad ka jynghang kyrpong ki iaphai markhmat; ki da plie rynghang. Ki jingiäkren hum-hum bad ki jingiärkhie ba shu ia kbum ki sawa na sha lyndet ki kynroh, hynrei ym don mano mano ruh ba peit, te sak sak u iaid sha ka jynghang. Kyndit kyndit ka pyrda ba ker ia ka phang jong ki mraw ka plied. Sha shiliang ka jingshai u Kleander u iöhi ia ka khmat jong ka khynnah. Ka jingshai ka shat ia ka khmat jong u. Ki mar iapelt shin. Nangta ka pyrda ka hap khlem sawa eiei.

La kumba rah syrngiew shiphang ia u Kleander. U la ithuh ia ka Akte, ka khun u Strepon, u sordar iing. Ka khynnah ka iaryngkat ryta bad u. Ka shait

ïalehkai barobor ryngkat ki lai ngut ki khun u kynrad jong ka.. Khlem artatien ka la ithuh ïa u; jar katta ruh ka long ka khynnah balah ban shaniah, ka bym shukor ïa ka jingïalanglok jong ki. Sa katto katne pruh ei te u la poi sha ka jynkhang kyrpong, bad u jam jar jar sha ka lynti khim ha shiliang. Khliak u poi pyrkhath ba lada u Arkhelaus u poi shwa ïa u te ïa ka jynkhang yn khyrwait tala noh bad yn ym ïohlad shuh ban rung. Toi, kata ai ha ki blei ban peit! U sa ïaid la ka ïaid khlem artatien.

Da kaba ïatyngkhuh ïajynthut ïa ka synrum synreh ha lynti u Kleander u dem ïapar suki sha ka dong. Sa kawei pat ka lynti khim bad nangta ka surok baiar ngiwngiw-ngawngaw ka dum kum ka tyngam suri. Haba kut kata ka surok ba-ar ki ïing ki ïeng kham ñiar bad ka surok baheh ka lam beit sha ka kynroh kut jong ka sor bad ka khyrdop jong ka. Kane kam da dum eh namar ba ki dongmusa hangne hangtai ki dang meh. Hateng hateng shi kynhun ar kynhun ki briew ki ïaidlait, ki dongmusa ha ka kti jong ki ki bà khlek khlek, ki syrnglew ba ïabeh ryngkhi halor ki surok bad ki kynroh ïing ki paw kum ki lama ba kaweh khlek khlek ha ka 'er Synrai. Baroh shi katta u Kleander u ïaid na syrnglew syrnglew bad haba la poi sha khyrdop u par sha lyndet ka pulit apphira.

Ka khyrdop ka khang. Ha khmat jong ka ïeng u shipai ba kieng wait kieng sum. Teng teng u ïa kylliang ktien bad u sontari ba swait ba pahara nalar kynroh. Teng teng u bawan baleit u ïaid shajan jong u ban kren paslaw da i-lynga. Ha ka khynnñluh bad

khikhklang u Kleander u rwad la ka jableng ban shem lad kumno ban lait na khyrdop, hynrei ym iapel. Kyndit kyndit u sontari u pyrta: "U nongmareh," u kynkiw, "u nongrah khubor na ki pyrton, plie ka khyrdop."

Ha kane ka jingkyang shi kynhun ki rangbah ki ia mareh lang bad da ka jingiarap jong ki la lah ban jynrat ia ki snar bakhia na ki kynroh. Suki suki ka khyrdop ka plied.

"Ka khubor, ka khubor," la kyang u nongmareh bad baroh ki iatur sha u, dngong dngong ban iasngap khubor, "Shihajar u rang kiengwait kieng stieh na Platea u iabud lang bad ka jong ngi ban tur sha Marathon."

Hangta hangta hi la mih ka kaw kaw daw daw, bad, kumba da tap da kata ka huri hura u Kleander u mih bloit na jaka rieh bad soit u mareh pynstet shabar ka khyrdop. Ka shadem ka patied tuk tuk da ka jingangnud bad jingkmn. "Shihajar ki nong Platea! ka jingim jong ki ruh, lehse, ka shong ha ka lah-ka iai jong nga pyrshah ki nongslar snlew. "u pyrkhath ia iaid.

Na ka khyrdop shnong sha ka brisoh olib ka duna shiteng mer. U khynnah u ithuh lut ia ki maw pun naba u la mlien ban leit nangta te u iaid pynstet, u thew la ki khat na ka jingshai jong ki khlur. Ka la dei ka aiom ban lum ia ki soh olib. Man ka sngi, haba ka pule kot ka la dep ki khynnah sor ki shalt ia mareh sha kper ban iarap khyrniom ia ki soh jyrngam ba dang jwat rtin. Ka kper jong u Arkhelaus

ka long kaba jan duh na ka nongbah bad ka baheh duh ruh. Katba nangpynstet u pyrkhat lynga kumno ba, ha kat kata ka jingiar jong ka kper, un lap ia ki nongiasylla.

"Ki blei ki la btin ia nga haduh hangne," u kren wei briew, "khlempep kin nangkdew lynti shuh shuh."

Jaij ba la kynton ia ki kynroh da ki maw shynruh shynreh te kam da don jingeh elei ia u khynnah basyntan ban kiew joit joit bad kynthih pjong sha shiliang. Ym don por ban pyntud naba u bnal u la da khyngngoid na mihngi bad u suit rupa ia ka klier jong ki dieng wat la ki lymphen jong ki ki dang ha synrngiew. U kynrong ia ieng bad thaw (thmu) ne mut ban iaaid haba ka sur iakren ka pynsangeh khek ia u. Ha ka jingkyiuh u shantiah sbak ha lymphen u dieng bamarjan.

"Khadduh me la poi," thnum ka sur, "Nga la mut ba men ym wan satia. Me slem lei?"

"Nga la sangeh ban sngap khubor," u la jubab, "U nongmareh na u pyrton u la wan rah ktien jingiakyrsan. Shihajar na Platea ki iakyrshan ia u Milsiadess."

"Shihajar u khiebhur eee," rkhe kyrkoh mynthi u banyngkong, "shijaw ha ka dabor, u rakot ka Persia un shu nguid tylli ia u kluk kumba nguid wieh u khabah."

"To, kaei ka jingmut-kam, ka plan jong me?" la kylli u ba-ar. "Bud bnian bad sngap thik, ki bun ha Athen kiba iohi ia ka jinglongbiet ban ieng pyrshah

ia ka Persia hynrei kim nud angshyntur katba dang sah ki shipai hapoh sor. Mynta te ka lynti ka plie. Baroh kan iald suk. Haba u shipai Athen un ioh peit ia u shipai u swar bad u paidbhur jong ka Persia ba kat ki khlur ka bneng kin artatien bad kin pyntud ia ka thma. Ha ka juh ka por ngin phah briew sha ka kad durlaw Phalerum ban pdiang ia ki lyhlen lleng jong ka Persia katba, khyndiat na ngi, ngin kurup ia ka nongbah ha ka kyrteng u Hipplias. U nongrah khubor u la leit ai ktien ia ka kirmitt jong ngi sha u Datis bad u Hipplias. Te, haba baroh la khreh shrak yn kyntlew ia ka stieh halor u lum Pentelikon ban khawoit ia ki lok jong ngi. Shiteng ki tiar iapom jong ka Persia ka la biang ia ngi ban thwet ia ki langrut jong ngi, bad sa shibbah pat, da kaba king pynklit sha Phalerum kan dakhol ia ka Athen shwa ban khie sa uwei pat u bnai."

"Kane te kaba la thi (Pnar: ring jingmut la pyrkhat bha)," la kynthah u nongsylla ba-ar. "hynrei kael ka bhah jong nga ha kane ka thawngang ne ka kheiñ duh?"


"Ngin ialong lut ki riwdon spah ne ki riw batbit," la jubab jyllud sa u banyngkong. "Ha kano ma ka rukom ngi dei ban pynkhreh ia ka jingpdwang burom ba-ibiang ia u syiem thymmai! Phin sngew kumno ban ieng khmat rangbah ia ngi u banyngkong ban nguh pyndem walt hakmat u khun u Pelsistratus ha ka jingwan kiew khet kylla biang jong u?"

Jak shiphang shwa ban mih ka jubab, da kaba kren skhem u ong: "Nga pdwang," u jubab, "ngan saidktien manga na ka bynta jong phi ha u Hipplias,"




"Ñiuma, phai ktien u paralók," te ale sha kane ka liang, nga don kiwei pat kiba ap ban iashem bad phi ban loh ia pynbeit lut la ki kam bakhadduh. Phi la ieh noh ia ka jynkieng ha kynroh? Ngi dei ban buh ia ka ha ka jaka ba mynshwa."

Shiphang hadien, thud, riew ka khyndew ba lympat ka jynkieng. Ka sur ki arngut pat ka jem bad jah rngai sha jngai.



### III

## MARATHON



*Kynrad um don*

**H**aba ka jingkynjah bajar jar ka kdup biang ia ka kper u Kleander u mih noh na ka jaka rieh. U kyihuh khyndiat, u sngewtlot ki khohsiew, te u shong halor u phlang ban puson ia kaba u la iohsngew. Ka khubor jong kane ka jingiasylla ka dei ban poi syndon sha u Milsiades. Kane kaba shai kdar. Ym don briew patde ban pathai ia ka lait sa tang ma-u hi. Katno u angnud ban don u Pheidippides hangta hajan ba da ki kjat ba stet jong u un pynher ia kane ka khubor sha Marathon; lane u Eschilus ban leit shapoh ka nongbah, lili penpen, ban pyndum dngiem ha khmat dorbar ia ki nongshetkylla; lane u

Demetrius ban pynshngaiñ ãa u. Hynrei tdit tdot, uwei ruh ym don te u dei ban rai ban kit hi ãa ka kam da marwei.

U khie na phlang. U kheit arhali laihali ki soh olib ba-ih, u thep hapoh saipan ban pynïoh bor ãa u ha ki arphew mer lynti. Nangta u twad u tare hapoh phlang, ha khap ki dieng ban ïoh ãa ka jynkleng ba la pyndonkam ki nongïasiar klep. Khala khala u la lait na kynroh bad poi biang sha ka surok pum pum.

La katta por u bnai u la da klewartet te ym shitom shuh ban ïohi ãa ka surok balieh kaba kyllaiñ lyngba ka pyntha. U Kleander u syngit ãa ki jynsop kjat, u tawah khlop la ka jaiñkup bad u sdang ban mareh jop jop. Kitkit-tylli-kit-bru, pynkhyrngit ka dkhoh ãa u napdeng ki tnad diengngai, na jngai ngai-ngai jlew u phyrbew jrong tmaiñ, hynrei, dngang, ym don paradoh parasnam ban pynksan rngiew. Ter shi ter ka surok ka spud kum u pita hakhmat jong u bad ka rngop shadien hapoh ka jingdum.

Shatei, pajih hakhmat, ki lum ki khie rasung bad hadien khyndiat kynta u sa sdang ban klew thaj shithaj na ka lynti ba-kah syrngiew da ki dieng bajrong banoh rañaiñ lyngba jong kiba u bnai um lah sam la ki kjat. U Kleander u peit klaw klaw sha ka jingdum ba i-ngiew ha baroh arliang, u da mut dur ban ïohi ãa ka dngiem ne u suri ba dem apthap hapoh sañtum. U sngew tang ka pah shalyngngiang bad ka jingtied jong ka shadem la jong. Shuit shuit u tan la ki kjat kumba da teh da ki maw; khadduh ïawai ka khlaw ka plie sha ka paham. Sa ha ban lait na ka syrngiew jong ki dieng ka kjat u Kleander ka

ngat syak ha ka syrwich u thied dieng ba pur hajrong khyndew. La thaïd than ban kyrshan ialade. U thung khongpong bad tyllun na surok dong-ldong sha phlang hamar thmit ka nur.

U dem khlop, ba thaïd bajrem eh. Ka sngew aram ban pynjem-mat pynjem-pung, sngewhun jai haduh ba kiei kiei baroh kim phoida shuh eiei ruh em. Khyndiat por hadien ka met ka sngew iohbor bad u poi pyrkhath biang ia la ka kam-mardor, ia ki briew ka Athen, kiba khlem jingsuba ne sma jinglanot bad, ba khlem nongda, kin shah klun ei kha-ma-kha ha u rakot ka Persia. La katta ruh, tang ia ka ban pyrkhath ban leh jubor ialade ban iaïd ruh, ki khmat ki khni khlaïj-khlaïj ban pynjaw ki ummat.

Ryngkhat ryngkhat ha kata ka jlingjling jlangjlang ka jing-sawa ka kem ia ki shkor jong u. U sah tyndep da ka jingkhaweit. La kut ka sngi! U mrad khlaw u la sma dien ia u! Shikhrup (Pnar: khir irmat) khmat u la sngewthuh ia ka. Um artatien ba dei ka jingsawa jong u kulai ba kynjrut ia u phlang lung ha madan. Tang mar ia sngewthuh hi u ioh ringlew biang bad u ieng jolt. Thik kata hi, khyndiat pruh na u u iaïd-ïabam phlang jaijai u kulai ba na ki thain Thesali, u wan sha u Kleander.

"U kynrad shaei heit?" U kylli hala marwei haba u iohi ia u kulai ba la teh jin bad lakam. U khyannah u khmih angnud shane shatai hynrei ym don ba don. Suki suki u leit sha u kulai' u kner ka kti, u syrpuð ia u ryngdang bad kren jem hin ia u kulai. Katno ka jingsngewnguh ba u kpa, uba la long u shipai shongkulai, u la pynbor ia u ban hikai kodom

kulai hateng hateng. U mrad u i jemnud, u shah ba yn bat ia u ban ialam ia u sha ka wah duid kaba ai um bad pynjyrngam ia ka them baroh kawei.

Ha thmit ka wah pat u Kleander u shem ia ka jingbatai pynshai ia u kulai. U 'nai rupa u shat shai kdiar kdiar ha ka khmat u briew ba dem pyllup ha stiar um; kawei ka kti ka pylar bad per ha sla um bakhriat. U Kleander u dem khyngngoid halor jong u, u iohi ka sopti ba khah snam, u sop 'nampliang ba la kdiah ha krung, te u sa antad; ia kaba la jia. U wei na ki nongshetkylla lehse... ne ioh dei pynban u nongrah khubor jong ki nongsiar kylla sha u Datis... bad katba u dang pynher kulai na sharud dara ki Krik, uba shong kaman u pyllait wiaw la u khnam. Ynda la mynsaw u la pynher shaduh shane, da kaba pyrkhat ba ym don jingmysaw shuh u hiar noh ban dih um bad ban spaiñ ia ka jingmong. Hynrei ka jingiap ka lap shwa ia u.

U Kleander u kyrbeh bad peit khleng khleng sha diang sha mon, nangta u kiew joit halor met u kulai bad u pynbeit sak sha Marathon.

Ka liehtyngab, ka step phyrngab bad ka kynjat shai ki ia kynrandien roit roit haba ka sngi ka kynthih bluit na ka durlaw Ejean bajngum. Ki armamla paidiapom la shriak-shrem ki iañeng ha ka them harum. U Kleander u bat lakam ia u kulai. U swait ia ka pyntha da ki khmat pyllaw ba la pynngut-ngut nget-nget da ka jingthaid. Ha shyngkup bneng shrem ki ieng ki lieng iapom ka Persia ter lyniter ha baroh kawei ka ryngkew rud um da ki mer halor u shyiap. Ngaw ngaw da phai dymmiew ia ka sngi ba mih, ki ieng rasong kum ka kynroh ba khlañ bad, shadien

jong ki kat ba lah kot ka khmat ban peit, shar-lshar ki iasher dara ki phud-ki-pyrton Persia. Ki kllar dieng lama ba suit rong ksiar ki thaba khrik khrik ha ka sngi step. Ha ka sawsyiang bad ksiar, ha ka sawbthuh bad jngum ki dara bad ki lama ki ia phalang khleh klirkli-klarklar da ka lyer step. Na sha lypung sher dara ka kie ka kaw-kaw daw-daw jong ka jingiakren bad jingiarkhie pashait ki shipai; ka jingsyngkhor ki kulai; ka khar-khar dar-dar jong ka wait ka stleh; ka thutthut thetthet ka jingkyrdem kjat-baroh ki iamilai, iakli; iakhleh lang haduh bym lah sngewthuh ka sawa aïu! Hakhlieh baroh, kum ka sad, sdien ka suwa ne ka haw haw um kaba mian-pa-mian ka per ha ka lyer step bad ka jah lyngngaid.

Ha syndah kjat jong u Kleander hi, kum ban ia nujor, ka ieng ka sher dara jong ki nong Athen. U khynnah u peit shlip ban swait ia ki iingjaiñ, u wad ia ka jaka jong u Milsiades. Katba u dang khmih kumne u kyndit briew bad sngew ia ka huri hura ha ka lypung, ki briew ki mareh sharum shaneng, ka jingpyrta ki ophisar bad ka jingtied jingriew ki wait ki sum. Shiphang u ieng shoh biet. Nangta kdar u sngewthuh ia kane baroh.

"Ki mih iatur thma" u kyang, "Ngan leh kumno? Ki leit ialeh, bad la dier ka por ba ngan pynhusiar ia ki."

Ki ummat ka jingrhah ki tuld tir tir ha ki ngab jong u. Baroh ki jingleh jubor, baroh ka thaid ka jrem, ka tieng ka ma, sepei! Ka ieng pyneh rtan ia ka daw ka ia leit maphot! Yn thwat lut ia u paid ka Athen bad yn ym don ban pynlait ia ka nongbah na ki nongshetkylla bad ki khun kllar wait jong ki.

La dier ka por!

La ha kata ka por la ïäieng shriak ki paid ïapom mamla bad ki khla wait ka lypung Marathon.

Shaw ka kiew kynsan ka jingkyntiw-kynshu thma na kyndon ki Krik. La dei ka sur thma. Ka phawar kieng wait kieng stieh kaba shait pynkhie thma barobor. Kum kawei ka met, roit roit ki ïatur mar shruh markrung, shilaiñ, pyrshah ka kynhun Persia kaba ap jrlang.

La lah ñlad ïa ki ummat; u Kleander u khmied tynghong ïa u pyrton ba ïatur. Mynta la jan kyllep ha u lyoh pum pum. Bad jraiñ raiñ-raiñ ka jingsawa kumba khyllern ki diengbah diengsan ha khlaw, ka pyntip ba ki arkynhun ki la ïa takhuh. Ka jingkyrhuh na madan ka sawa shaduh ba ïeng ma-u. Nangrben nangrben kiew u lyoh khyndew ba her ban tap khlup ïa kiba ïapom ïamañt. Mynta thui sha ka mon, mynta thui sha ka diang u padai kat shaba beh ka lyer ne kat shaba tuld ka thma.

Ïa kaba la jia hangta hapoh tdem khyndew ym lah ïohi hynrei kyndit kyndit u Kleander u ïohi ba jia elei kaba pher. Ka kynroh lieng, kaba mynstep ka la ïeng rasong, mynta ka sdang ban pra. Hangne hangtai na u laiñ kawei-ar ka lieng ka mih king sha duriaw te ka sngi ka ïoh phalang nakhap katba ka dangper ka lieng. Ka wei shisien : ka lieng-hadien-ka-lieng ka pynphai khmut sha duriaw haduh ba ka sdad ka dum ngiew da ki syrngiew jong ki. Ka kynroh bah ha ryngkew rud um ka la leit.

Kumba lamwir u Kleander u kaweh kti ha ka lyer, u pyrta, u kyang sha ki khlaw ki btab, ki mawslang mawsawa.

"Ki la rem, ki la rem! Ki iaphet noh! Ki nong Athen ki la jop ia ki, ki la pyndem ia ki. Ah, blei kynrad, arnguh ardem! Ym pep keiñ ba ki la ialeh bad ngi mynta ka sngi."

Da kaba khyrñiot khongdong ia u kulai ba la thaid u pynmareh pjong pjong arsut ka paring haduh ba poi sha kyrkit bad ha thmit ka madan thma. Hangta u ieh noh ia u kulai bad u iaid kjat ban wad ia u Milsiades. U kyliuh bad u peit ngengngeng, u kām lyngba ki met iap bad met mynsaw. Kael-re-kael ha ryndang ka jnang ia u. U sngew tieng ngit-ngit ba par ka met ka phad haba peit ia kata ka sangsot ba la thaw u sum ka walt ia ki briew kiba, dang shibit kyntien kwai, ki ieng shyeng da ka mynsiem riwshlur. Jar katta ruh top shi top u iaid sha ka jaka ba ki shipai Athen ki ialum harud um ban peit ia ki lieng kiba dang kynran dien.

"Hangno u Milsiades," u kylli, hynrei ki shipai ki phai khlem da jubab. Lehnohei ba u leit na uwei sha uwei pat. Ymdon ba pynshah la ki shkor sha u, ne ba lyngngoh kumno une u khyannah rit u lap ia ka lynti sha kat kane ka thma ba shyrkhei.

Lyngba ki sher dara jong ki Persia u iaid ha kaba ki nongjop ki la da iathad lyngkrang ia ki marthma : Ki mawkordor, ki jaiñkhor, jaiñ khriam, ka bam ka dih, bad ki tiar iapom, ym lian ia pyrkhath ne phohsniew toi. Iawai, u sngew ia u shylap duriaw hapoh slakjat bad hakhmat ieng ka maiñ ba u ithuh.



“Eskhilus,” u pyrtá iakhñi, “ah Eskhilus phi dei ban iarap ia nga”. Bad u mareh ban bat ia u shipai na kti.

Hangne te u briew ba pher na uto uba shynroiñ shynriap, u nongpyniasuk ha iew. Ka jymphong nar jong u ka dap thliw sohbroh bad khah snam rajaiñ, ka khmat ka bthuh da ka khyndew bad la pruid da ka umsyep, ka shyllangmat ka noh ñiuñ, ka khmat sohsat da ka jingkthang bad jingpangnud katba u dang ieng shan-shaniah hala u sum.

Da kaba peit sha khyndew u Kleander u iohi ia u samla ba dem ha kjat jong u, u juh u samla ba la wer shongshit ia u ban sngap ia u Pheidippides ban ai kaiphod. U ruh um imat ithuh ithaw shuh. U la don hakhmat duh jong ka jingiañlom sha ki lieng, u la kynrup khak ia u paia ka tdong lieng tang ban shah khrai la ki kti. Nangta, katba u hap mynsaw, ka thma ka khiih ir halor jong u bad mynta u thiah ha kjat la u para.

Shiphang u Kleander u ieng jar, bad khadduh u ring mian ia ka kti u Eskhilus.

“Eskhilus,” u kyrpad, “sngap seh bad iarap ia nga. Nga dei ban shem ia u Milsiadés, Nga dei, nga dei ban shem.”

Ka jingpisa ka sur jong u ka ngam sha ki tipthuh bad ka pyntipbriew ia u paralok jong u. U Eskhilus u peit bad ithuh ia u.

“Hei, uto u khyinnah ba na iew!” u kren ithuh, “kumno phi wan shane khyinnah? Sha kane ka jaka jong ka jingiap bad jingshitom?”

"Nga lap ia ka jingsiar kylla, Eschilus," Pynshai u Kleander, "ka jingiasylla ban die ia ka Athen sha ki nong Persia. To seh sngewbha, iarap ia nga ban shem ia u Milsilades. Katta lehse ka la dier por."

"Ka star?" la thij u shipai," ka lah ban long, to hep, ngan pynlap ia phi."

Sa shisien u phai ban peit ia ka khmat u hynmen la jong. "Ka badei ka ktien u Homer," u la ong, bad katba u sot ia ki kyntien ka sur kren ka kynñiuh or-or:


"Kumba long ka pateng ki sla dieng,

Kumjuh ka pali u bynriew;

Kiwei nang shylluid pyniphieng,

Ki phang ki slor ha dymmiew."

"Ale hep."



# IV

## PULOM KA JINGSHETKYLLA

U Kleander bad u Eskhilus ki ieh noh shadien ïa ka rud durlaw bad ki ïaid lyngba ki sherdara, ba la jot la pra, sha ka ïingjaiñ kaba la dei mynshwa ka jong u Datis, u jeneral ka Persia. U sontari ha jynkhang u peit shan ïa shijur, hynrei ba ithuh ïa u shipai u pyllait ïa ki, ki poi shisyndon hakhmat u Milsiades bad kiwei pat ki jeneral. Lai ngut ki duna, naba u Kalimakhus, uba la ïalam ïa ka kynhun sha ka mon jong u swar ka Athen, u la shah pynïap hamar ba sdang ïaleh, bad kiwei pat arngut ki la kyllon katba dang ïaleh sawdong ki lieng ïapom.

U Milsiades u khmied bad u i tyrkhong raw raw. "Me donkam aïu?" u kylli.

"Une u khynnah u la bud ïa ngi naduh Athen," ïathuh u Eskhilus, "u don ei ei ban tang-ban-thuh sha phang ka jingsylla ba u la lap. U da kyrpad ba phin da isynei ban sngap ïa u."

Ki khmat baroh ki phai sha u Kleander. Kaba tam ïa baroh ka dei ka jingsngewlungnud basynei katba ki dang pule ïa ki thied-ki-jaw bajrem bad ka jingtyrkhong ha ka khmat u khynnah.

"Ñiuma, ko hep" plie ktien u Eskhilus mian mian.

"Nga la dang shong ha lypung iew," u kren tehteh u Kleander, "bad nga la kum iohsngew ia ki brielw ba ong ba ka long ka kam die-pran ban ia pakhing bad ki Persia, bad ba kin da pynadke ia u shipai u swar jong ngi. Nangta ki la iakut ban iakynduh ha ka kper olib i pa hamar ba iamih u bnai. Namar kane nga la leit sha kper bad nga la iohsngew ba ki iathawlad ban pynrung tuh ia ki Persia sha Athen. Haba la biang baroh shrak kin da pynkyntiew pynkhalek ia ka stieh halor u lum Pentelikon, bad hangta, shibynta na ki lieng iapom kin king pynklit sha Phalerum ban dakhol ia ka Athen."

Uwei u jeneral ba dang samla u ieng joit.

"Duhai, Athena kynrad, Milsiades," U rap pynsngew, "Ap, ia pynsngew mo nga iw ba ka don ka tienhok ha kane ka 'thuh-tang jong u khynnah. Haw len lada phi lah, ba ngi la iohi katto katne ki lieng jong ka Persia ba ki iaking phai khmat sha ka khmut ryngkew Sunium! Dei mo kata ka dar sha Persia?"

Uwei pat u ieng khlem kren bad mih shabar.

U Milsiades u phai biang sha u khynnah, "Mano kito ki brielw kiba phi la kum iohsngew ha iew?" u pan juban.

"Ngam tip, kynrad", jubab u khynnah." "Ha iew te la kah ia ki da u paia, katba ha brisoh olib patde ka la dum tiw tiw. Nalor kata nga la tieng ba kin iohi ia nga te nga la shu rieh la ka rieh."

"Phi la iathuh hano hano ia kane baroh?" la tot u jernel ba idom riang, uba, u Demetrius u ai kyrteng-Aristides.

"Em, jeneral," u jubab, "nga la ap ban iohsngew kaba kumno ka suhthar, bad nangta pat ym don por shuh ban wad jingiarap."

"Kumno phi la poi shane hep?" la kylli uba hajan jong u, u Themistokles.

"Shwa nga la shu iaid. Nangta nga la shem u kulai, u nongshong jong u uba la iap, te nga la shim bad pynher shaduh shane."

"Phi la leh ka kam shakri ka bakhraw ia la ka ri mynta ka sngi, ko khynnah," u la ong, "iathuh seh mynno phi la bam?"

Dang mynta ka sien hi, naduh ba u la poi ha madan thma, ba u Kleander u sngew kata ka jingtlot lwait lwait ki rmlang shyntur ki kyrbeh kir kir bad u am rngaiñ bad rtan u khem la ka kti ban ym tyrsaw hakhmat kita ki rangbah.

"Nga la kheit katto katne ki soh olib," u la ong.

U Jeneral u phai sha u Eskhilus: "Iapeit ko lok, ba un bam un dih," u hukum, "nangta ngi ia peit pat...."

Hynrei um lait ban kren shuh naba u briew ba la mih na iingjaiñ u rung kynsan bad pyrta.

"Ka stiehl" u kyang, "ka stieh halor u lum Pentelikon. Nga la iohi ia ka ba ka thynñiom bad phalang ha ka sngi. Ki nongshet kylla ki la khreh bad ka Athen ka la sep."

"Kan ym long," u knieh ktien trait. "Ko para jeneral, ieh kane ka pynhun klew klew la ki khmat halor ka nong kllarwait jong ngi. Ka nongbah jong ngi ka don ha ka jingma; ki baleid jong ngi lyngkrang khlem nongda. Toi, ngin ieh hangne ka kynhun barit ban lum lang ia ki kyntang ba laiap jong ngi, hynrei ngi baroh ngin pda bad kyndat ia ka mong ka jngem bad ngin tur kylla iaphai khlem pyntud ban iada ia ka Athen."

Ka risa shongshit ka la jubab ia u, bad katba u Eskhilus u ialam ia u Kleander u iohi ba man u briew u shim nlat nlat la ki tlar iapom, u deng syngit ialade 'tan-rtan ban lum la ki kynhun kynhun ban nliom kylla iaphai dien.

Ym ia baroh ki iingjaiñ la kynra khynrang bad sloit, te sha kawel na kita u Eskhilus u ialam la u Kleander. Wat la ka bam ka pahuh ruh ka pynriam te bad ka shrong ka shrup ka kham tynnad kham duna ban ia kito ha ka iingjaiñ u Jeneral na kaba ki la wan. U paia hangne u del da u dieng khedar ba la kyroh pynjlih plin plin hynrei um phalang kum u dieng eboni ba la pong bad tyngkhap rupa, ba kyrshan ia kiwei pat. Hangne ruh, wat la ki jaiñ pyndeng pynkup ki long da ki jaiñ sawjngum na Tyria, kim don patde kito ki jaiñtap jaiñsop da ka kslar kiba la pynthame ia ki khmat jong ki nongpeit kiba la mlien, kum maki, ha ka jingpynriam iing da ki sai spur ha man ka iing Krik.

Khala khala la ai jingbam ia u Kleander da ki purew bad ka ngap, ka dud bad ka shis (ktungdud) bad sa ka sylar ba la sdieh kylla, kaba ki la ioh sei klo! na ding haba u nongshet ki Persia u la phet noh

sha lleng. Katba u dang faibam ruh ka khlieh ka kohnguh samthiah, bad mar fadep bam hi u sngew hun ban dem halor ki syngkhien ban ngam ngai ngai sha ka thiah faiap ba pynher ia ka thait ka jrem.

Kumta, ka la long.

Um fohsngew, um bna ia ki tuoi ba sawa pyniaid shipai lane ka jingkyrdem kjat u pyrton u ba khun biang shaphang shathie. Um shym la sngew ia ka sur U Milsiades bad U Eskhilus ba ki fafeng hajan ka jynthiah ba madei mata jong u.

"U khynnah tipsngi tipduk," la ong uba dang samla, "U ban sngewthuh kloi ia ka jinghikai jong ka jinglailtuid, bad u ban long u nongshongshnong baim tipbriew,"

"Nga ithuh ia u kpa jong u," ong u Milsiades, "u simsong bad u siar nylla, u bym tip ka kyrni ka awria; hynrei em u ban saham ban pynmih u rangdajied ia ka Athen. Un dap ka sngewnguh ynda u tip ba u khynnah u bha-u-miat."

Ka sngi ka la sdang noh haba u Kleander u la plie la ki khmat. Suki jai u peit tawiar lieb-lieb ia ka iingjaiñ, mar shi khyllip u peit thuh ia ki tiar ba phylla bad u lyngngoh kumno u poi-shata. Khadduh ka khmat ka shat sha u samla ba shong ha jynkhang jong ka iingjaiñ, u da kah syrnglew badum ia ka suiñ-bneng barongksiar. U Kleander u shong kynjoiñ tang kynmaw khliak ia kaba la leit.

"Hael u Eskhilus?" u kylli. "Shaet hwei baroh? La dei ban dier namar ka sngi ka la noh. La biang katta ba ngin ia leit noh sha Athen."

U samla u phai dien bad u puh samrkhie. Ka jingriam kaba sada jong ki mraw bad um bat wait ne sum eiei, hynrei u don ka maiñ shynraiñ ha ka rynñeng rynñlop jong u bad ki khmat jong u ki kynduh ia ki jong u Kleander da ka jingpeit bashida.

“Ñiuma, phi la kyndit thiah khadduh khadwai,” u ong. “Ni,.. kynrad blei, katno u khynraw u lah ban thiah. Phim khiih phim ksait shi ksai tam ruh ban ia kitai kiba thiah habar ki ban ym kyndit shuh.”

“Hynrei shaei baroh khoit?” Kylli kyrpad biang u Kleander, “bad phi dei u ei?”

“Nga dei u Syrion, u nongñiah palki jong u Milsiades,” u la ai jubab. “Kiwei baroh ki la da lah leit. Ki la mih shwa ban kiew tyrwiang ka sngi, bad katta te ki la dei ban jan sha Athen. U Milsiades u la buh ia nga hangne ban ap ia phi bad ban ialam ia phi sha Athen ha ka palki jong u tang ynda phi la kyndit thiah.”

U la leit shim kpu shuhshuh bad ka dud de ban ai ha u khynnah, u da peit hun artad katba u dang bam bad dii.

“Phi te u khynnah uba shlur shisha,” u kren roh khadduh, “ban laid baroh katai ka lynti marwei marwei bad katta ruh mynmiet.”

“Em, em,” phai ktien u Kleander,” ngam shlur satia. Ha ka jingshisha nga la tieng baroh shi lynti, tad ynda nga la thait eh te nga la klet ia kata ruh.”

“Balei phi nud katne? Kylli bniah biang u Syrion.

“Balei?, ‘rap u Kleander,” bym iohsa, bym banse



te, nga sngew syler ba ka nongbah Athen jong nga ka don ha ka jingma bad nga tip ia kata. Bad hato ngan da leh kumno heit khlem da kharpaid ban pynlait ia ka!"

"U khynnah jakrak dang kat phi ban lei phi pyrwa sa ia ka Athen?" Ban biang u mraw.

"Haram! ba nga khein-kor khein-dor kein ia ka Athen," byrthen u Kleander, "ia ka Athen bad ka Kris, ki dei ki iingshong iingsah jong ka jinglailuid, ka jingnang jingstad bad jingphuh jingphieng, te, horkit hordang ba yn teh mraw ia ki da ki nong Persia."

U kren syndet ir-ir da kata ka jingrhem jingngait kaba i ba kyrsoi na shadem jong u kaba pynlyngngoh wat ia u hi bad ruh kaba pynduh thylliej ia u mraw.

Haba la khuid ka jynbam baroh u samla u ialam sha rud ka iingjaiñ, sha shiliang ka madan thma haba ieng ka palki u Milsiades. Ka jingshai ba stem kmir kmir jong ka kem iongrein ka pylar kum ba rah jingsuk ha ki lum kynjang bad ka jingjai-jai halor ka sla um ba lin lin jong ka dong duriaw. Ka phriang de, da ka jingsngew shoh mynsiem, halor ka pahar ha tynñian ha kaba, napdeng u paid ba la liem jong ka Persia, ki apdien ki dang iarwad ia ki nong Athen ba la kyllon, ki da rah riewblei ia ki ha kawei ka jaka ban ai ia ka phur ka siang bad ban buh ka mawnlam mawnam ia ki.

Ba tawah khlop da ka jaiñ u Kleander u shong sbok ha trai ka palki bad tang shi khyllipmat ki poi

sha shaklar ka madan da ka kynthih kynting ha ka surok ba khohruh khohreh kaba khun na kjat lum sha Athen.

Ka dei ka surok kaba kham jlan ban ia kato kaba la faid u Kleander bad dei tang nangne ba lah pyniaid kali. Ha Sepsngi ka bneng ka tyrha rongksiar, rong tiengkulab bad ha pyrshah jong ka ki ieng tymblung ki lum ba iong kumba tynsat da ki diengkrait baeh baiong. Suki suki ka suiñbneng ka blad rong, u lyoh byrniang u per halor kliar lum, u kylla bthuh nangta u iong kynsan kynsan.

Bad ka miet ka hap.

Haba kylleng ka dum tliw tliw, u Syrion u bat ia ka palki bad u pynieng harud surok.

"Ngin hap ap hangne haduh ban da mih u bna." u ong. "Kane ka surok ka dap da ki lyngghoh lyngghong suda ngam nud ialam ia ki kulai ha ka jingdum. Ngan ioh sohamdieng lada kano-ma-kano ka lyngkhot dieng kan bijai ei."

U Kleander u kyrbeit la ki pung ki mat bad u hiar na palki. Hadien kat kata ka kynjrut kynjrot ha tyngkong daiñ-shi-daiñ u sngew tynnad ban pynhar ialade halor u phlang bajem bad ban khmied pyllaw ia ki khlur ka sahit bneng.

"Phi ithuh ia ki kyrteng jong ki khlur, Syrion?" u kylli.

"Ma nga keiñ," rkhiu u mraw. "A, kynrad ia nga, ban ong ba nga lait-kti lait-kjat tynggheng ban khmied longbneng."

"Ish, nga da kwah te ban tip ia ki kyrteng jong ki," ud sngewsynei u khynnah, "ha ki khanatang barim, ju iathuh ki nonghikai jong ngi, la ong ba ki blei ki shim ia ki mynsiem jong ki shynrang bad kynthei bad tynsat ia ki ha suiñ kum ki khlur. Dang mynlai ne saw sngi ngi iohsngew shaphang u Perseus bad ka Andromeda. Shaphrang nga ruh nga dei ban wad jingtip ia ki kyrteng jong ki bad ban ithuh ia ki." U Syrion u saham bad u jyrtieng harud palki.

"Ia nga te ki jngai eh ki khlur ban pynmyllen," rkhe, "tap ki khmat bad thiah noh shi mynta, Ynda katta u bnai un da la mih ban ngin lah ban iaid biang."

U Kleander u sngew tang kum shi khyllipmat ynda kyrsiew ia u da u paralok ba khynñiot na tyrpeng. Katba u dang kyrjaw ia ki khmat u shong kynjoin bad u iohi ba u bnai u la da shiteng bneng. Ki kulai bad kali ki la ieng ha surok bad khreh ia mih. La tan lakam sa ban pynher haba kyndit kyndit ki kti u Syrion ki bat trait ia ka ksangkti jong u Khynnah.

"Hssh," u pasiaw, "don ba wan na Marathon, Nga lah ban ioh sngew ia u kulai ba kadom."

U Kleander u peitmat kliaw bad u sngap rhang bad tipthuh ia ka jingkyrdem jrup shijrup jong ki kjat kulai ha surok na shadien jong ki. Khuk-khak ka nangsawa jam, bad ngung, hamar ba khun ka surok briew bad kulai ki paw shynna. Da kaba pyrta maham u Syrion u rynsied sha ki bad mar hangta u

bapynher kulai u iohi liak ia ka kali ba ka wit hamar pdeng lynti. U tan thlaw ia u lakam bad u kulai u jan ieng shyeng ha ki kjat dein. U Syrion u tur sha ki ban bat ia u kulai bad ban ialam na sharud hynrei ka sur khnlum ka pynsangeh noh ia u. Ka barandi barben ka tawah na tyrpeng u nongwei. Da ka tdong jaiñ u tap shiliang ka khmat. Haneng ka snur jaiñ shi jur ki khmat badom shliir shliir ki phyrnai,

"Biet," u halla, "me mut afu da kaba pakhang ia ka lynti? men hap buria lada mynsaw u kulai jong nga."

U Syrion u syrpuđ banang ia ki kjat u kulai bad u kren don akor hynrei khlem rieđ.

"U kulai um lelei, riewdonburom," u ong, "da u bnai bashai phyrnai katta ka kali ka paw kyndiang ban shynna da uno uno uba wan kham suki ban ia ka mareh nohriat jong phi."

"Ka khlemraiñ," kyrkait u nongwei, "Me pyneh nia bad nga? Nga don ka khubor ba kyrkieh na ka bynta u Milsiades bad me pat blab blab hangne, kynjoh sa sha u bnai. Kynriah sharud."

"Phi shim ka lynti bakla te kynrad," pyni u Syrion. "U Milsiades u la iaid na ka lynti pdeng lum, te da u kulai jong phi phin ym lap ia u da ka bajem, lada phin tang ringlakam sha katai ka lynti kaba shatai...."

Khlem kren, kha-ma-kha u rah la u dieng sympat bakhia bad slait na ka kti u kawut ia u mraw uba pyllait noh ia u kulai da kaba lynñlar. Mar kumta hi

u kulai u kdad bad u suh wlaw u iajah artad ha surok Athen.

“Kiew kloi sha kali khynnah” khot u Syrion. “Pynkloi, pynkloi, uto u dei u nongsyntiat, u leit ban pyntip ia ki nongsylla sha Athen ba la khyllied ia ka jingiaslar jong ki. Ngam artatien! Ngi dei ban lap bak-jynbak, kloi.”

Sbok u pynshong ia u Kleander ha palki; thuit u kynthih nadien, ñlat bad trait u ksoh lakam, wlat u kawut ia u kulai, mynta ba la jah ka jrem u kynshi ia pynbeh sia-sia nadien. Ia kyrylat, iakynting, ka kali ka kynthih, ka kynting ka dem kynriang ha ki khongdong katba ia khun stet ki kulai. U Syrion u kyniw, u kynshu bad paslaw pynshlur ha ki shkor jong ki: “iابه, iابه, ka burom u kynrad jong phi, suh, suh, wlaw sha u phlang balung ka Athen.” Ha ka sangoh, ka synrut u Kleander u bat rtan ia ki jynker ka palki, kmang, u ap ia kano-ma-kano ka shisyrngip khmat ba un shah kynting thoi na ka kali.

Sa kane jngar, ka takhuh kham eh ban ia ba mynshwa, jrait-jrait-trait ka kyrylat, bad ka kali reng khongreng da kynriang, ka kylla prah bad tyngkreng ka neh; u kynta lyngkor u kdiah na u phna shalyntem. Ki kulai baher rnglew kim sangeh satia, pynban ki nang pynstet shuh shuh haba la lait na ka jingkhia ba pynwit ha khongdong jong ki. Ka jingriew jong ki kjat kulai ka pathai shajngai katba, dngang uwei, kyrngang sa uwei pat u ktud ialade napoh ka pait-ka-pra lyngkreng, ka kali ba la shna sting da ki dieng ka la pra phrai; hynrei, lait na ka


trud-ka-ṭhar khyndiat ka khlem pynmynsaw ĩa ki bashong.

U Syrion u pelt, ĩakyrngah khlieh nger nger sha surok, sha ka surok shaba ka jingsawa ba ĩabeh ka her ĩajah sha jngal. U Kleander patde, ba la jyngngan eh ban pyrkhat, u shong halor ka shalyntem ba la kdiah. Khadduh u nongpynher kali u pyneh daw.

"Ym long kam etei shuh, khynnah," u ud jyllud, "ym lah leh shuh bad kane ka kali, Nangne sha Athen ngin hap pynstet katba ngi lah ei da ka kjat. Nga te ngan sangsot ĩa kane khlempep. To, kan mat dep shato, ĩa ngin ĩa leit."

## V

# LEIT PHAI SHA ATHEN



*Ka shariot hyndai.*

**D**ei shijur kiba la lwet ka doh ka phad, ka kjat ka kti, kiba ktud waid-lwaid sha surok Athen katba dang iakiew tyrwiang ka sngi. Ka surok ka kyllaiñ ha pyntha, bad, ha baroh arliang jong ka ki thad ki pynthor kew, kmur kmur ki stem da ki 'tang-kew, ia ki symboh baroh la lah rong sha iing bad la thep ha ki sup ki thiar. Hangne hangtai, kumban khet ia ka pyntha ki ieng tymblom-tymblum ki kpersoh, bad ki dieng ba mih ha rud surok ki noh la ki syrngiew ban pynthanda ia ki nongfald lynti

basngewnguh. Ha pajih, ka briso h olib ba lambthuh byrngiang ka pynkmen ia ki, bad sha shiliang jong kane ka ieng ka Akropolis, ki tempyl jong ka ki phalang shar shar pyrshah ka suiñ bajngum.

Lwai-shi-lwai ki jam padai met: U Kleander bad u Syrion. U mraw, thapnger, ban kren ym ilah. Stuiñ kat ka pylleng sylar ka at ka shyllangmat bad mynta ka lam jngem, ka khmat ba harum patde ka at supyi w. Na ka jingmong ba jylliew ha kjat ka tuid ka 'namtyrkhong shaduh tyndah kjat. U Kleander ruh la laithhaw na ka jingpran. Ka jaiñkup ka la jah, ka jymphong byrngum ka la kad na shiliang ka tyrpeng, ka pynpaw ia ka kti ba la ieng bad jngem na ka jingsangoh ka pynherkulai. Shiliang ka sopkjat ruh ka la jah bad u ia id khohnek khohnek ha ka kjat ba jngan. Uwei na ki ruh um idonbor ne sngewlah ban khyllie la ki khmat nalar ka surok pui-pui ba hakhmat lajong.

Kyndit kyndit ka jingsaw, jingrisa shaw shaw ka pynpeltmat ia ki. Ki ia khmied bad io hi shi lymbrum ki briew ba iapynstet sha ki.

"Kleander, ko khun, ! Kleander," ki ia khot kita ki sur. Bad halai-halai kito ki sur ki iaker tawlar ia ki. Hakhmat duh tur u Arkhelaus, kumba laitksuid, ka jingsngewnguh ka weng na ka khmat ia ka jingpisa mynsiem katba u piam, u thum ia la u khun u Kleander hala ksangkti. Na shalyndet tyrpeng khongngoid ka khmat byrsaw thangsngi jong u Ksanthias baphuhsammut.

"Ani, blei kynrad, arti arjat ka nguh ka dem," u hynñium hynñiam u mraw, "Khlempep hi keiñ la



ong nga, ba kin da kin sumar ki blei ia u kynrad khynnah jong nga. Hei, la teh ei mo ma nga ia ka tabit ha kti u kynrad barit jong nga la kum mynar ne lai sngi eiei! U khynraw basatar, nga la thnum marwei, un donkam baroh ki kuboit Ksaw-rnglew ki blei. Hato ngam shym ladei? Phuit ka skal ka taro sha khim sha lad!"

La kyndat ia u mraw sharud bad ha ka jaka jong u u Kleander u iohi ia ki khmat ba puson na shalor u niuhmoh jong u Eskhilus uba dang phong ia ka tupia nar. Ha shadien jong u don kiwei pat ki mraw bad sa arngut ki khynnah: uwei u dei u Demetrius. U Kleander u pelt shin ia uta uwei pat.

"Une u para jong nga u Ameinias," Kleander, pynithuh u Eskhilus, "Haba u la iohsngew shaphang ka jingshlan jong phi um neh shong neh sah khlem da wan lang ban iawad ia phi."

Ha baroh shilyngnger jong kane ka jingkhublei jong ki nongwan tan ba kyndehnud u Syrion u shu ieng harud khlem ka peitshun-peitshan ia ka kynhoi ka risa ba klang sawdong u paralok jong u; mynta patde u Kleander u tan ia u shakhmat.

"Ko pa," u pynithuh, "une u Syrion, u nongniahkali jong u Milsiades, un jin da la wanlam ia nga u bakoit mran sha Athen tang ba ngi la pyrshang ban kem ia u nongsyntiat baleit rah ktien sha ka nongbah shaphang ki shipai jong ngi. Ka surok kaba la khohruh khohram jynde! haduh ba ka kali ka la kdiah la pra bad ki kulai ki la her noh. Pelt seh, katno u la mong u bapli, la katta ruh u la shan ia nga haba nga la thait."

U Arkhelausus u peit rngaiñ ia u mraw.

"Men hap ai jingkhelñ kata ha la u kynrad shaphang ka kali." u kren tynnad, "hynrei ia kaba me la ri la da ia u khun jong nga nga ai nguh ia me. Ynda nga la iohsngew lut ia ka khana te ngan peit kumno ban siew kylliang ia me; mynta ia kloï sha Athen. Hei, shato, wan rah kato ka khalti na ka bynta u khynnah. Ngï ia pyntud hangne katba ka kmie jong u ka la tharal ba u la jah ne la iap noh."

Ki kti basbun ki ia kyntiew ia u khynnah sha ka khalti bad mar mar ka kynhun ka iaid pynstet sha ka nongbah Athen. U Syrion u iaid dkoh na shadien jong ki katba uwei uba la isynei ia ka jingthait jong u u iarap kyrshan lem ia u.

Hapoh kali u Kleander u ring samthiah ngai; um sngew ia ka jingkynting pawang doi doi, um iohi ia ki rum ki neng ba peit lyngngoh ia u ne kiba kylli pyrthew bun rukom; jin katta! ba wat ia ka jingthum jingdoh na i mei la jong ha la iing ruh um poi ba iohsngew ne sngewthuh. Ki kti ba jem bani ki pynsum pynsleh ia ka met ba la jrem, ki khem ki syrpuð ia ka iong-ka-jngem ha ka met ka phad bad khadduh ki buh ia u ha jynthiah la jong ban pynleit la ka khmat katba u mon.

U kyndit ban shem ia ka Iunis bad ka Khlaris ba ki ia kli mlon ha trai jynthiah jong u. Ka tang iohi ba u khyllie ka khmat ka Khlaris ka thap kti bad ka kmen ka kynthih.

"Ni, bah", ka noh mynsiem, "ngï tharal ba phin ym kyndit shuh na bathiah. Ngï don bun ki parom ban iathuh ia phi, ym dei Iunis?"

"O, hoold keiñ", mynjur ka hynmen, "hynrei ngim dei ban iathuh lada u Kleander u thait eh. Phi dang thait mo bah bah?"

"Thait ma nga?" rkhie u khynnah, u da shong pynbeit artad ha jynthiah ban pyni ba u la pynngad. "Hynrei, shuwa ba phin iathuh, ong seh i pa bad i mei ki la bitar ne ba nga la leit? Bad ki shipai ki la khreh ne em ban ialeh ia ki Persia?"

Ka Khlaris ka rkhie iapang.

"Shuh, ine! phi dang tyrma mo" ? ka kynshi, "ki nong Persia ki la wan bad ki la leit. La dei hynnin ba phi la wan phai, bad phi la thiah jin katta ba phi la kulmar lut ka khlieh. Ki shipai ki la poi shuwa ia phi bad ki la iatur beit beit sha Phalerum. Nangta, ha ka por mynstep la poi sa ki lieng, hynrei haba ki la iohi ia ki shipai, phi pyrkhath kumno ki la leh? Ki la shu phai tdong bad king iamrem sha Persia." Ka rkhie biang bad ka lunis ka shu kohnguh shongkhia la ka khlieh.

"Kaba dei keiñ bah," ka mynjur. "Hynrei lada phim shym la da leit sha Marathon ki shipai jong ngi kin ym poi kylla satia bad yn ym don ba khanglad ia ki ban pynjot ia ngi."

U Kleander u noh mynsiem iar.

"Nga dei ban kheiñ-ban khai ia ka Ksaw-ka-Kpong," u kren kular. "Lehse nga lah ban buh bhet la ka jynsop kjat ha ka tempyl jong ka Athena. I mei in ym ong eiei jaij ba nga pynjah shiliang."

"Hei"! kyrngah ka Khlaris ia u shñtuh ksar jong ka, "Ym dei ka Athena ha kane ka khep. Phi khlem

sngew du, kumno u Pheidippides u la iakynduh ia u Pan hi ha surok Sparta?" Ka sur jong ka ka jem khyndiat katba ka kren maian. "U blei Pan u la iathuh ia u Pheidippides ba ki briew ka Athen ki kit ka lait ka let ha u, hynrei la katta ruh un iarap ia ki kumjuh hi. Te nga iohsngew ia i pa ba i kren ha i mei ba kin tei kyrpang ka tempyl ha u bad kan don ka phur ka slang man u snem ban burom ia u. Phin da leh bha ban tyrwa ha u ia ka sandal (jynsopkjat) jong phi."

"Ym pat kut katta", kem ktien shongshit ka Iunis. "Ki shipai Sparta ki la wan. Hei, hei, phin ia ong aïu ia kata?"

"Ki Sparta" ! Kynjoh ktien kloï u Kleander, "phi tip skhem kumno ki lah ban wankloï katta?"

"Ki la dei ban ap ia u nai khadsawsynia, phi kynmaw" bteng ka Iunis. "Toi u bnai u la pyllun ha ka miet ba phi la leit bad ki la iamih dang step eh ha ka sngi babud. Ki la dei ban mareh baroh ka por, nga tharai, katba long ruh, ki la dang shu poi la kumba shikyntien arkyntien kwai ne... lashai kin ialeit sha Marathon ban peit ia ka kyrkit thma bad ban ai ka phur ka slang ha kiba la kyllon baroh."

"Ado, katno nga la kwah ban iohi ia ki" kren angnud u Kleander. "Nga dei ban khie noh bad ban leit kloï kloï,"

"Yn ianal kata ka jingblej," ong ka sur katba ka Akharis ka plie ia ka pyrda bad ka rung, ba la bud da u mraw ba rah shi pliang rnong ka syrwa ba suwa (tdem um khluit) lew lew. "Hadien armiet ar-ia

tang ka ïaid ka kai-makai khlaw, sa ka met ka phad da ka jngem suda, ngan peit ba yn don ban ap ïa me. ïunis, Khlaris, keiñ noh ka parom ka puriskam jong phi, bad khie ïamareh sha phyllaw. Me pat Kleander, pynlut kane ka syrwa bad nangta thiah khop tad haduh ban da wan i pa jong me.”

Ynda la dep dih lut ïa ka syrwa u Kleander u sngew ba ka bang ban thiah biang; te sa kawei pat ka sngi ka la mih biang na mihngi shwa ba un plie la ki khmat.

“Ksanthias”, u pyrta, bad u mraw u khongngoid shisyn don na lyndet pyrda.

“I mei shaei?” kylli u Kleander, “nga dei ban khie noh mynta. Bad ba lei i pa i khlem wan jngoh ïa nga? I la dom ne ïa nga?”

He, He, rkhie sammut u tymmen.

“U Kpa jong phi u la wan rung da ki phew sien,” u ïathuh, “hynrei katta phi la leit ka khmat ngai-ngai ba phim sngew eiei ruh em. Nga tharai ba ka lei-puri-um ka la ring rngai ïa phi katta ka la ban ka thiah ïa phi; toi, kata katba hun mon ka blei keiñ.

Hynrei, ha sngap mo, jin katto u briew ba la wan la leit; u shipai u jernel, u luk u lak, baroh uba ïakwah suda ban ïohi ïa u khlawait barit, haduh ba u kpa jong phi um lait por wat tang ban bam ja bam jhur ruh.”

U sammut biang bad u rkhie haduh ba jngan sa ka jyrhoh hek-shi-hek bad u Kleander um lah ïoh parom shuh na u. Ka jingsawa pat ka la wanlam ïa ka Akharis sha kamra jong u.

"Balei kumta?" Ka kylli, "phi la kyndit thiah kata Kleander? To khie noh keiñ bad wan sha phyllaw. Sa tang katno por hi ngin lah ban peit ia phi lada u kpa jong phi un leh ia kaba u thmu. Ah, ki blei ki la wan rah sa da ka apot sngi khyllah ha kaba wanlam ia ki shipai Sparta sha ka phalor jong ngi."

Tynghong u khmied u Kleander ha kine ki kyntien jong ka, bad u lyngngoh ban fohi ia ki khmat ka kmie ba khlaij khlaij da ki ummat.

Ka rta ba poh dang kat ka jong u ruh ka la lah ban bishar bad ban rai ban ym ngeit ruma-rutit ia ka um-myllungnud babuk-bak jong ki kynthei ne ki jingsngew kyndeh mynsiem ield bajylliew jong ki, te u shu kum sngewphylla keiñ kaei kaba la ktah mynsiem ia ka. Ka shu mih noh kloi khlem da kren bad u Kleander u kynthih kloi na jynthiah.

Shi dap ka um sngur kdiar kdiar ka don ha ka dabor bahieng ha tbian; ha kane u wleh phyrrnop ban bta lut ia ka samthiah bad ka jingbtai na ki khmat lajong. U Ksanthias u ieng harud ban jiar umsngur ia ki parlam (P: shynriah kti) bad ksangkti bad ban ai jaiññiad ia u. Ka jymphong bad saipan thymmai la buh hajan; harud kine patde, u pin 'nonglieh de ba la kyllaiñ kum ka pansngiat sla jyrmi ba un pyndañt jaiñ tawah na tyrpeng.

"Ani..ni Ksanthias," kmen u khynnah. "na shano une?"

"Ah, ha", "pynroh u tymmen, "na u Milsiades, te, nael heit! Ha peit katno ka kheñ-kor la wanrah ka jingshlan pran jong phi."

U Kleander u phuhmut phuhmat katba u dang pyndait ia u pin nangta u mih sha bshem ha kaba ka Akharis ka shong iabat la ka latai thirksai bad ki para jong u ki ialehka! jar jar hajan jong ka. Ha kata ka por hi ka phalor ka plie bad sawa surbriew ba iakren iaiaid artad shapoh phyllaw iing.

"Hoo!d, Eskhilus", ong u Arkhelaus, "ki briew ba khamstan ban ia u kin da lalah kiew lang tylli ha ka nam. Nalor kane, ka por kan poi haba ngin donkam man la u shipai ba ngin lah ban khar. Lada phin rai ban phah sa ia u Ameinias ruh, ngan da kmen arshah." Ki arngut ki rangbah ki iarung sha bynshem (bshem) ryngkat bad ka ka maiñ bakhaiñ jong ki. Ka maiñ-ka-meiñ i khiathew jong ki ka um lhin haba ki iohi ia ka kynhun barit ba la lang hapoh syrnglew u diengsohjew. Ka iakylliang ktien, ka nguhlet shadiang shamon la dep, ki iashong ha ki mula ba ki mraw ki la wan buh. Hir hir bakmen., u Kleander u pyni ia u pin tyrpeng hala u kpa.

"Phi i pa, u phah aïu u jeneral Milsiades ia iaga", u pyni, "ish, ym ikhaiñ pa?"

Ki arngut ki rangbah ki shu mar ia peit bad akmen pynroh ia u pin; nangta da kaba jyllud la u moh, u Arkhelaus u ring ia i Kleander shajan lade.

"Kane ka juk ba ngi im te khun, ka dei kaba khim bad ba sngew shyngkhan," u la ong, "bad ym don ba kham sngewsarong ban ia nga na ka bynta ka bhah ba phi la shim ha kane ka jingpyllait na ka jingpynjot ia ka Athen. Phi la leh kum u trai shnong bashlur bad balah ban shaniah; bad ka Athen ka kit ram jingsngewnguh ia phi,"

Ka Akharis ka kyrngah bad kem ktien jkap.

"Ka jingsngewnguh shisha keiñ! ka kam khlehblej, ngan ong ban pynrung kum kane ka khyllaw nohriat hapoh khlieh u khyannah ban klang kylleng ka ri marwei marwei ha kata ka rukom. U la lah ban shu shah pyniāp ei wat la phi kheĩñ kor katno katno ruh ĩa ka jingleh khyllah jong u."

U Arkhelaus um saitlah eiei. Hynrei ynda ka la dep kren u bteng ĩa kaba u mut ong.

"Phin ong kumno ban ĩaleit sha Sparta, Kleander? " u kylli.

"Sha Sparta"! knieh ktien u Kleander, "ngan da kmen keiñ pa. Phi la ĩathuh hi maphi, phi kynmaw? Ba ki nong Sparta ki long ki shipai kiba shlur duh ha pyrthei" te u phai wiak sha u Eskhilus u ba phuhsamrkhie da ka jingsngewthuh- "nga kwah ban long shipai ban ĩada ĩa ka Athen. Hynrei da kumno ngin lah leit sha Sparta?"

"Ryngkat u phud u pyrton Sparta ba wan poi hynnin don u paralok barim jong nga uba kyrteng u Theasides. Um don khun shynrang bad u mon ba phin ĩaleit lang bad u ban sah shisnem arsnem bad u. Dei ka jingkwah jong nga ba phin ĩoh ĩa kata ka jingshahhikai, ka jingkilan jong ki nong Sparta kiba pynmih da ki shipai bashlur duh ha pyrthei. Hynrei kynmaw, khun, phin ym shem jinglailtan ne jinglailtuid ha Sparta. Ka 'tien kaman, tienphira jong ki ka long: "Kilan", ki pynjanai ĩa ka met ka phad bad ki klet ĩa ka jabieng, ka jingmut bad ĩa ka bor pyrkhat. Ka jingleid ri jong ki ka long ka bakhim,



tang ia la ka jylla; ia ki, ka jingim jong ka Sparta ka khamkor ban ia ka jong ka Hellas. Lada nga phah ia phi shata ka long tang ia shipor, bad nga khmih lynti ba phin ym klet ia kito ki jingpyrkhat jong ka jinglailtuid bad ka jinglong traishnong bashisha kiba nga la pyrshang pynsngewthuh ia phi."

U Kleander u phai sha u Eskhilus da ki khmat baphyrnai. "Ko ma," u pynkynmaw, ngan ym klet ia ki ktien jong phi: "tang thew la ka dohnud sha ka jinglailtuid bad kan ialam ia phi sha kaba phin lah ban shakri janai ia ka jingmang jong ka', wat ha Sparta ruh ngan kynmaw kyndong ia ki."

Mar kumta ka khmat jong u ka kylla sngewsih bad u phai sha u Arkhelaus.

"Ngan jin da kwah ban ym leit marwei phi pa," u wohdong. "U Demetrius um lah ban wan lang?"

"U Kpa jong u Demetrius u don kiwei pat ki jingmut na ka bynta la u khun," u pyni. "U long u bariewspah bad ha kawel ka sngi u Demetrius ruh un kylla riewspah ma u ruh."

"O hooid keiñ," kem ktien ka Akharis da ka sur sngewrem, "dang ha kato ka sngi khraw ka kmie jong u Demetrius ka la leit ha shwa jong nga sha ka tempyl, ka deng da ki larmorti, ki mohon mala bad kup da ka jaiñ-rusom-dhara bani haduh ba nga la sngewrem la ka hormot, nga sngewpoh la ka kyrdan. Balei phim thied bhah na ki par rupa ha ka jaka ban phah ia u khun shynrang bamarwei jong ngi sha Sparta haba ym-laitlan, un bam jali jalait bad shah bom ha ban da lwet ka met ka phad."

Ka kynslok noh tang ia pyrkhat ia kane, ka noh kynthet ia ka latai bad ka rung jyndat shapoh iing. Haba ka la leit noh u Arkhelaus u kren biang.

“U Eskhilus un phah ia la u para, u Amelnias, ryngkat bad phi”, u pyntip ia u Kleander. “Phin ialok thepmynsiem bad long ki nong Athen basatar jia katba jia ruh. -unis, khie khun leit shim la ka dultara bad rwai ia ngi ba ngin ia klet noh ia kane ka pisa ka lynga ia shikyntien arkyntien kwai ei ei.



*U Khrawpyrkat ka Athen*

## VI

# HA SPARTA



*Kilan ha Sparta.*

**K**i snem ba u Kleander u pynleit ha Sparta kim shym la long ki bym suk ynda la iakheiñsap bniah. Toi, ym da iañlew eh ia ka bam ka dih basniew bad ka kilan baslaw-mawiang ruh, kaba kynthup khambun sien ia ki jingsympat, ym na ka daw ka jingtamsneng, hynrei ban hikai ia ki khynnah ban long ki basatar bad ki bym suitñlew ia ka jingpang jinghia. Ki khynnah ki iashong iasah lang ha ka ling baheh ba kum ka dara bad la don bun ki lad ki rukom ia ka kmen ka biria, ka iajan iadei paralok hpdeng kata ka kynthun babha bamiat bad bakmen. U Ameinias bad u Kleander baroh arngut, ki la pyni ia la ka jingtbtt jingbiang ha kaba shah hikai bad

nang ia kito ki dril bajyrwit jyrwat ha ka jingpatied ka sur kaba la long ka bynta ka bakham bun ha ki jinghikai kilan jong ki; ki fashim bynta shongshit ha baroh ki skit ialehkai ha kiba ki khynnah Sparta ki bang eh. U Ameinias u loh buskit ha ka kawang diskus (nar pleit pyllun), bad u Kleander u palatliam ha baroh ka mareh ka ryngkang. Baroh arngut ki la hikai ban jngi ha ka wah Eurotas ba bun khrtiang bad ba tuid lat lat na u lum Taljetus, ka kut bajrong, kaba kyrda ia ka paham jong ka Sparta na ka liang Sepngi.

Kawel kaba ki duh: kata ka dei ka jingpynklit-pynkian ne pynnep jingmut ia kaba ki la shait ioh ha Athen. Lait na kaba ki dei ban khreh lyndet katto katne ki dkhhot na u Homer bad u myllung na Sparta, U Tyrteus, ka la don khyndiat eh ka jingbniah ban pynnep ia ka jingshemphang jong ki. Bun na ki paralok jong ki kim nang ban thoh ne ban pule bad ki nlewbein ia ka nang-ka-stad kaba long tang ia ki jemdaw bad ki mraw, ki ong.

Donbok ba u Theasides, u nongsumar jong ki, u pher na ki paid bhur Sparta. Ma u hi u la sah katto katne snem ha Athen bad u la lah ban ngam khyndiat sha ki par kordor jong ka jingnang jingstad ia kaba ki nong Athen ki da thrang eh ban sam lyngba. Tawiar ia lyngwiar jong u, u ju wer sngewbha ia ki lok ba iadon kata ka juh ka jingthrang bad hangta ki khynnah ki ia ap rhing ia ki rangbah ba iatai ia woh nia na ka poitri, ka philosophi, ka musik, ka astronomy, ki jaid saian bapher bapher jong kata ka por bad shaphang ka jingim bad jinglap. Teng teng la plied ia ki kot snieh bakordor bad ka kynhun

ka ia pynsgew sha u trai u bakren bad kynnoh ia ki kyntien jingstad. Hangta u Ameinias ba tyrha da ka jingsarong, un da iohsgew ia ka jingpatied ki phawar u hynmen la jong. Hangta ki khmat jong u Kleander kin da ring rngai sha ka jingkynud ka marynthing bad kynmaw ield ia ka sur rwa bathlang jong ka Iunis, ka para jong u,

Ka iing kaba pynsgewjuh ban shong ban sah, kata dei ka skum u Theasides, kawei ha kaba u Kleander bad u Ameinias ki la pynlong ka iing la jong. Ka tnga u Theasides ka la iap, bad u don tang ka khun kynthei kaba kyrteng ka Daphne, kaba mar ryta bad u Kleander. Ym don kaba kham pynlyngngoh ia kine ki khynraw na Athen ban ia kaba iohi ia ka jinglaitluid ki khyllud kane ka iing thymmai jong ki. Ha jaka ban sah khop ha la ki iing ki iing haduh ban da leit iingbriew kum ki kynthei nong Athen, kine ki khyllud nong Sparta ki klang laitlan haduh ban da iashadlang, ialehkai lang bad la ki para khynraw jong ki.

Jking ha ka met ka phad, riap-riap ha ka leh kam lehjam, ia ki la kha dap da baroh ka lub-ka-ngab ba wan na ka mariang basawang; ka kmle ba dei kmle shisha ia ka jaid ka kynja rah wait rah sum bad riaw iakop. Hapdeng jong ki ka Daphne, ha ka kyntien ki Krik, 'ka rah ia ka tiai'; jarawaiñ ha ka jem met jem phad, sa ka khmat lymphoiñ bakhmuiñ bad shai da artyli ki khmat pyllaw. Ha pdeng jong ka bad u Kleander ka kyrsoi ka jingialeid lok ka ban iakhait tang bad ka jingthep mynslem ia la ka para, ka Iunis.

Ha kawei ka nohsngi, mynlytur, la jan sawsnem hadien ka thma Marathon, u Ameinias bad u Kleander ki iashong marshruh, marsyndah halor phlang, ha sharing ka thwei ha kaba ki dang dep iasum. Kito ki saw snem ki la pynspud ia u Kleander sha ka rta ba khadhynriew, jwaiñ ka ryngleng bad mlan ki ksah, sa ka stet mat stet pung artat. Ka nohsngi ka suit rong ksiar ia ka sniehdoh byrsaw, kaba tyrha na kaba jngi bad pynpaw khluit khluit ia ki khnai dohksah ba par hapoh ka sniehdoh pajlih plin plin kum ka rusom. Ka rong ksiar ka phalang ruh ha u shñtuh bakdor jong u kum ban ianujor bad ki rengmat, ki irmat ba da syrngiew ia ki khmat bajngum jong u. Ki shu iasangap shiphang, nangta u Klenader u kren katba u khie na bashong ban shim la ka jymphong.

"Phim sngewphrieh kum ma nga, Ameinias?" u kylli, "Nga sngew kumno-re-kumno kata ka mariang, ka jingthlien, sngewpisa sngewlynga, ka sngewnglew kaba shi rukom. Nga sngewskuiñ ban tip balei ka long kumta."

U Ameinias u kyrngah ia durlap. U tam shisnem ia u Kleander, u kham tngen ka sniehdoh, bad kham suki jai ka ktien ka thylliej bad ha ka kam lynda haba la phrieh ka saw-ka-slan.

"Nga i me mut aflu," u mynjur, "Kito ki syntan kiba la wan sha ka tyngkong thiah jong ngi ki la imat ban sma eiei. Ki la mih na skul bad mynta ki la ai kyrteng ha ka Kriptela. Ki la dei ban ialeit sha ka kam iada ka barieh. Balei heit ki dang iakai kylleng ka nongbah? Nga iw ba pun jingkulmar eiei."

"Yn ia ong kumno," u khñium u Kleander. "Nga sngewmat kito ki mraw ba ngi ia kynduh hangne ha lynti ki kyrot (dukhi). Un ia khihwin mo une u mraw?"

Baroh ar ngut ki khynnah ki ia sngewnglew haba pyrkhat ia kata. Shisien, ha ka por mynshuwa, uta u paid mraw ka Sparta u la kiat pyrshah la ki kynrad. Ki briew ki la shah pyniāp ha la ki jynthiah, ka jingfaleh ka la shyrkhei, ka umsnam ka la jur shuwa ba ki nong Sparta kin lah ban tem ia ka.

"Nga la pyrkhat barobor ba ka long ka bym lah ban shaniah," ong u Ameinias, "ia kat une u mraw-u-dkhar ba long raīot, hynrei tang shikham u nong Sparta ban synshar ia ki. Ka bym pynlyngngoh pleng ba u pyneh trait shitraīt ban long u nongiapom bajanaī."

"Kaba i long bieī haba pelt mangi, kynphuit u Kleander, kaba kum kane ka kam ka bym lah long ha Athen. Phi lah ban poi pyrkhat mo ba kum u Ksanthias, ne u Syrion-phi tip ba i pa i la thied ia u na ka bynta jong nga haba u Milsiades u la iap? Ne ka Akte bapli ban pyrshang ban pyniāp lut ia ngi ha ynthiah? U mraw um da kom palat ban ia la u cynrad ha Athen, bad katta ruh u lah, ha kano xano ka por, ban siewspah iāla ka jinglaitluid."

"Baroh kumta hi, lait tang kito kiba ha ki par rupa," phai ktien u Ameinias, "la ong ba la ñlew ia ki khampoh ban ia ki mrad."

"Ki mat shato maki, i pa in ym don eiei ban leh bad ki", u rkhe u Kleander. "Dei kata lehse... To, ia noh phi. Lajan sep ka sngi bad nga sngew thngan ja."

Hamar iadep teh sopjat ki khynnah baroh arngut ki iaieng, bad, katba ki dang syngit la ki saipan, sur sur ka riew kum ka met rangbah ba plaid lynti napoh sañium na shadien jong ki. Ki sangeh khek. Ka nangjan nangjan haduh, khadduh khadwai, ka syrnglew briew ka wan mih sha jaka ba ki ieng bad ka kyllon khlup ha kjat jong ki.

"Duha!, Hermes!" lyngngoh u Ameinias, " u briew uba kum uei une?"

U Kleander u rynsied sha khmat, u khyllie bad pynieng ha ki khohslew te ka jingshai byrnet ka shat ha khmat u briew.

"Syrion !" kren kyndit u Kleander. "Kumno me wan shane? Bad balei me mareh, i kumba her iap her im?"

"Ani, kynrad blei, arti arjat ka nguh ka dem", u kren iaring mynsiem he-shi-he, "mynta ba nga la shem ia phi .... u kpa badon burom jong phi u dang shu poi mynta na Athen bad u phah ia nga ban wad bad pyntip ia phi ia kata."

Hangne u sangeh khyndiat ban ring mynsiem, u da kyrtiang dien khlang khlang katba ki arngut ki ap ban sngew u ong aŋu.

"Nga la iaid na surok ban wad ia phi," u bteng, "bad ha shaklar kane ka khlaw nga la poi ha kawei ka trep nongrep. Nga la sngew ba don ba iakren te nga la rung ban tohkit shaphang jong phi, hynrei nga lah ban iohi ia ki rangbah ba iashong lyngor hapdeng tbian. Ki dang ia dem ngun sha khyndew, ki iapelt ia kael-re-kael te ym don ba iohi ia nga. Sa tang ba



ngan kren ha uwei, hynrei ban ang shyntur ruh ym pat ioh haba kawei pat ka jynkhang ka plie. Lai ngut ki samla ba rah wait bad stieh ki iatur roit roit sha ka kynhun ha pdeng iing. Shi khyllipmat nga sngew ba la um lut ki-mat ki-pung khlem don bor ban khih. Nangta bluit nga mih bad her krad sha kane ka khlaw; tip ki iabeh ia nga ne kumno."

U Ameinias bad u Kleander ki shu iapett markhmat na sha u: "Kata u la iakhihwin shisha," kren u Ameinias khadduh khadwai. "Ngin leh kumno" ?

"Ngi dei ban leit phai biang sha ka Nongbah," jubab sa u Kleander ha ka pynran rengmat. "Ia, Ameinias, sei ka jamdor jong phi bad khrai ki dieng tangon baeh na une u diengblei. Ia nga uwei bad ia u Syrion uwei pat. Lada don ba pynsangeh ia ngi ngin ong ba ngi dei ki nong Athen te kin pynlait ia ngi ban leit. Lada ym lait te ngin ia kdat la ka lynti."

Lai tylli ki diengduh bajwat la khrai bad pai. La katta u Syrion u ioh mynsiem biang na ka her ringlew jong u bad u pynbeit la ka jymphong. Baroh lai ki iaphai sha iing. Katta te la dum hynrei u bnai u sdang ban mih. Ki khynnah ba la mlien ban iaid ki tip lut ia ki kyllain, ki kyndong jong ka khlaw te khala khala ki poi sha surok bad ki iapynbeit sha iing.

Hadien kumba shipawa mer ka jingiaid ki iohi ia ka iingtrep ba iathuh u Syrion, bad ki iohi ngut ngut-nget-nget ia ka ringlew ba ieng ha jynkhang.

Ka jingshai jong u bnai ka shu laitlor na khap dieng ka ba ia ka sping waitlam kum na tyndong jingshai.

"Ia Syrion, iaiaid pyneh," la paslaw u Kleander. bad baroh lai ngut khlem pyni dak ba artatien. Hamar ba kin iaryngkat shruh bad ka trep u briew u kam shakhmat ka waitlam ha kti. "Sangeh," u hukum, "Phi kiei? Phi iawad aiu?"

U Ameinias, jaij ba u kham heh u jubab: "ngi dei ki nong Athen kiba shong ha iing u Theasides," u ong, "bad une u shakri jong ngi. Ngi la leit iasum sha wah bad mynta ngin leit phai sha iing. Balei phi sangeh ia ngi, lok?"

U briew u artatien, u kam shajan, u peit kliw kliw ia ki ha ka jingdum.

"Oh, nga ithuh ia phi," u rman, "To lok, da leh biang biang haba iaiaid shapoh shnong. la don ka jingkiat bad jingkhilwin hangta hynne janmiet... ka jingiasiar u mraw-u dkhar ka la pute, ia kitbok kit rwiang ki paralok shongskul barim jong phi, ka la laitlor ka jingsiar ki mraw, ngi la trei la ka kam trait trait. Kha-ma-kha kin long kum kitei ki met iap hangtai." Ka jingrkhie kaba da khor; u kdew da ka wait sha ka trep, u kren pyneh rngiew ia ki katba u kynran dien sha ka syrngiew ka miet shajan la ki para shipai.

U klongsnam u kyndeh tuk tuk katba ki nong Athen ki iaiaid sha phrang. Khling-khling khleng khleng ki shat la ki khmat man la ka por. Ki ieng hateng hateng ban sngap ia ki jingsawa ka jingkhilwin. Ka jar jar hi pleng lait na ka kroit-

shi-kroilt jong ki japieh ki jakoid na ka shrah ba marjan bad ki kit-tylli ba kynhu katba ka pasiang synrud na khlieh jong ki.

Katba ki nangjan nangjan sha ka nongbah ki iohsngew ngit ngit ka sawa humhum; haba sdang ym lah bakla shuh. Khlem artatien dei ka kynhun paidbah; bad ki khynnah ki sngew phrieh sngewpar ka sniehdoh.

"Peit shane, Ameinias," pyni buit u Kleander, "keiñ! ngin ym ialeit phai sha skul. I pa i don ha iing u Theasides bad kata ka dei sharud nong ka nongbah. Ngin ialeit shata pynban."

"Kata ka mut ba lashai mynstep sa u sohramdieng na ka met de saham u Ameinias.

"Kampher kata," jubab mynathi u Kleander, ngi la dei ban syat ia ka la katta. Khadei, ynda don ka jingkhiihwin te mano ban tip kan jia aïu lashai mynstep. Ia noh."

Ki ieh ia ka surok heh bad ki iaid na ki lynti-khasi ba kyllaiñ na pdeng ki lyngkha kew bad ki brisoñ olib. Ym don syrnglew nongrep kumba ki shait don haba dang katta por. Ka rudnong baroh kawei ka la tuid sha ka nongbah na kaba ka kawkaw-dawdaw ka sawa kyndiang ha ka jingjarjar jong ka mariang.

Pher na ka Athen, ka Sparta kam don kut ne kynroh namarkata ym don khyrdop`ba la phira ban iaid lyngba. Ki khynnah ki iashim da ki lynti khim, lynti dymmiew haduh ban da poi sha phalor

iling u Theasides. Jaij (naba) ba ka ieng sharud nong ym pat khynra ia ka da ki nongkhihwin, te ha ka jingtled jong u Kleander u mraw u peltsiar, da tieng, na khap phrah. Tang iohi pat mano ba ieng u leit plie klo! ia ka jynkhang.

"Rung, rung, kynrad barit," u khot keh-keh, "kane te ka por basniew. Phi donbok ban poi sha iling khlem lelei."

Ka iling ka syriem ia kito kiba ha Athen bad u mraw u ialam lynti sha ka bshem. Ki sharak ki tbeh ha kyndup dahari kaba ker tawiar ia ka bad i phylliah ding i meh or-or halor ka duwan hapsedng ka phyllaw. Ha ka kyndong, kham ha pajih, khru! ki iashong ki mraw ryngkat. Ka jingiohi ia kiba wan rung ka long kum ka jinghiar mynsiem kaba jyllud ia ki kumba ka 'erpyrhut ka syrpu! ia ki lyngkha tyrjup kba. Kham hajan ka jynkhang u shong u Arkhelaus, ngun ha ka aram, u khia da ka pyrkhath, ha khat jong u, ha ka mula, kyntiap shong ka Daphne.

Ha ka jingsawa jong ki khat ki khyrngiat, ki kyndit bad ki iaid shakhmat.

"Kleander, ko khun jong nga," khot u Arkhelaus, "Ah, ki blei kynrad nga nguh ia phi; nga la tieng ba phi la iap ha kane ka jingkulmar. Phi ruh Ameinias, kumjuh u Syrion de. Ah khuri-ei ki blei! nguh ka mynsiem jong nga ba phi la lait im."

La pynwit ia u da ka Daphne kaba mareh bad khem niat ia ki kti jong u Kleander.

"I pa", ka khni, "Kleander, phi la iohi ia i pa jong nga? i la mih sha surok la kham bun kynta

hynrei i khlem pat wan phai haduh mynta." Ka pyllait ia ki kti na u Kleander bad ka kyrjaw kyllaiñ pangnud ia ki, ki khmat ba khlait khlait ki peit sha u Kleander. Da kaba pynshngaiñ ki pynshong ia ka.

"Banlei, Daphne," pyntngen u Kleander, "hoold keiñ um lei lei. Ki nongkhihwin kim don atiar, bad ngi la ia kynduh ia uwei u briew uba la iathuh ia ngi ba ki la ngat ha ka riam-klep bad la tem ia ka jingkhiihwin jong ki. Nalor kata un ong kumno ban iöhi ia phi ban iam kumne. Un ong ba kam iadel dur bad ka jinglong nong Sparta."

Ka shu pynbor ialade ban wiat rymmuiñ bad ka shong hynrei ki shynriah kti ki khih woiñ-woiñ waiñ-waiñ, ka pyni katno ba ka kun bad ka thlien. Da kaba shong hajan jong ka u Arkhelaus u kylli ia ki khynnah shaphang kaba ki la iöhi bad la iöhsngew. Ka maiñ jong u ka noh shongkhia, bad, haman la ki jingsawa, ki jingriew jingkieh ha surok u sngap dngong, u ap ia kano-ma-kano ka dak ka jingwanphai jong u Theasides.

Moun-pa-moun, suki-pa-suki ka jingkynhum kynham ka lngaid. Ki sharak ki meh liap liap ba beh har-har ka lyerstep ban kyrslew ia ka sngi thymmal. Na shajngai jlang iöhsngew ia u sylar bakynih, u syiang kdiar-kdiar, bad ka jingshai ngut ngut jong ka step ka par sha phyllaw iing.

Kyndit kyndit wan ka jingsawa kyrdem bad jingpatied ha jingkhang. Thret ka khyrngiat bad khie ka iing baroh kawei. La leit thie ia kata ka hukum,. ki jingkam basuki ki sawa moun, suki jai, ha dahari basiang maw, bad ka kynhun ba synnei ka rung sha

phyllaw. Hapdeng, halor ka stieh, thiah u Theasides, ka khmut ka khmat blar blar kum ka jinglap. ki khmat ki khaprip. Tawlar iaieng shi kynhun ki shipai, u synran jong u hakhmat duh.

Ha ka kynslok bad iam-syngot ka Daphne ka noh pyllup ialade ha khohsiew ha syndah ka met bymkhih, ka piam bad ka kdup ia shiliang ka kti hala shadem khak.

U Arkhelaus u dem shakhmat. "Ka la jia au?" u kylli, "U la iap?"

"Um kynran dien ban rieh, phi ma," jubab sngewsih u shipai, "Nga la kyrpad ia u ban leh ia ka jingaleh ha ngi ki samla, hynrei um mon. U mynsaw jur. Ka jingkut ka la jan."

"Wanlam ka waiñ," u pan u Arkhelaus bad u pynsngem ia ki rmiang shyntur jong uba la mynsaw bad u da pjar khyndiat hapdeng ki bniat jong u. U Theasides u plie suki suki la ki khmat. Ki khmat ki shat nyngkong ha ka Daphne kaba dang dem hajan jong u. Da kaba leh jubor u rah la ka kti bad u sympaiñ ia ki ngab jong ka. Nangta u khmied sha u Arkhelaus bad ki rmiang ki khih.

"Ka long baroh kaba nga don, ko lok," u paslaw. "Kham kordor ia nga ban ia kiei kiei baroh. Ngam don mano mano ha uba nga lah ban pynkhamti ia ka jingsumar bad jingri ia ka. Phin pdiang ia kane ka jingkyrpad jong nga? Phin ri, phin sumar ia ka na ka bynta jong nga?"

Ki ummat ki jaw na u Arkhelaus katba u dem ban sngap ia ki kyntien jingkyrpad synei.

“Kan long ka khun ia nga bad ia ka kmie ki khynnah,” u khlei ka soskular. “Duhai blei! nga smai, ngan shimti da ka hok ia kane ka mon khadduh u paralok baield jong nga.”


Ki rmiang ba la blad ki wiat muiñ da ka jinghun. Bad ha ki kyntien pasiaw ba kyrkhu khadduh ia la ka 'yiem kaba dang kdup ield ia ki kti u kpa, u Theasides u tap la ki khmat bad u leit sha bym wan phai shuh.

Napdeng kita ki mraw ka iald ka nongsumar tymmen jong ka Daphne bad ka ialam noh ia ka ha ka jingtyllep ka jingsngewsih pait dohnud. Haba ka la leit u Arkhelaus u phai sha ki khynnah arngut.

“Nga la kwah wan ban ialam ia phi sha Athen, khynnah,” u la kren “bad kane ka raikut noh artad. U Eskhilus bad ma nga, ngi sngew ba phi la lah ioh la biang ia ka jingkilan ha Sparta, te ngi sngew ba phin wan phai noh sha iing. Ngin ap ban pyndep lut ia ka niam-ka-rukom iap ia u paralok jong ngi nangta ngin ialam ia ka Daphne bad ngi sha Athen. Ia mynta, ngin leit pynbeit bad ki lyngdoh shaphang ka jingtep ia u Theasides bad ban pynioh ia ka dostabit tingkhun ia kane ka khynnah.”

## VII

# ATHEN BIANG



*Ka Athen*

“**H**a kane ka kam u kpa jong phi te, ngan ong, kaba jynjar ban shu wanlam ka khynnah nongwei sha iing khlem da phah ktien shuwa sha nga. ‘Lor kata ruh, ym da ka khynnah nong Athen bashynroin shynriap. Oh, nga la iohsngew shaphang kito ki sim-laidieng ka Sparta, ki bakynshleiñ, ba phrak phrak, kiba ialang ang-rang bad ki khynnah shynrang ha ka jaka ban sah tipbriew bad la ka kmie ha la iing.”

Ka Akharis ka noh bram ia ka shithi u lok, ka lyngngeit ialade halor ka shuki aram sa ka pynat shyntur shyndut. Ka don ha ka jaka ha kaba ka shait bang ban shong, ha trai u dieng sohjew, ha



phyllaw. Hajan jong ka ka ĩunis ka shong jyrthlaw  
ksai da ki shympriah kti baklit jong ka. Na ka kamra  
ba pajih ĩohsngew ki sur ka shyngwlang naba ka  
Khlaris, ryngkat bad katto katne ngut ki paralok  
jong ka ki dang ĩa praktis musik. ĩa knup, tnum  
ĩing ki paro ki kynu kur-shi-kur katba ki ĩadem  
thadsngi ĩalade. Ka ĩunis ka kren pynshngaiĩ ĩala  
ka kmie.

“Lada kam dei ka khynnah badonakor te mei, i  
pa in ym ĩalam keĩ ĩa ka sha ngi. Bad lada ka dang  
rit te khlempep kan juh kloĩ ĩa ki rukom jong ngi,  
hangno kan thiah?.

“Kata ruh sa kawei de,” ud ka Akharis. “Ym  
don jaka shuh sa kawei pat ka jynthiah, te ngan  
hap ai ĩa ka kamra u Kleander bad sa pynkhreh  
jaka ĩa u shajan tyllu kba.”

“Kin ĩapoi lano mei?” thlia biang ka ĩunis.

“Ngam tip lano”, ka jubab syam, “u kpa jong  
phi u pathai shithi da u briew te bad mynta u la leit  
bam ja.”

Ka thap kti ban wan mih u mraw.

“Phah ĩa uto u nongrah khubor na u kynrad  
jong phi ban wan sha nga.” ka hukum.

Sa shiphang arphang uto u briew u wan hajir,  
u smaiĩ da kyrtiangdien ĩa la ka shyntur da ka  
prydet kti. Haba u jubab u da dem donakor.

“U kynrad u la phah ĩa nga ha shuwa na  
Megara, phi ĩia kynrad,” u ĩathuh, “ban ong ĩa phi  
ba un poi shane shuwa ban sep ka sngi.”

"Mynta ka sngl"? kyndit ka Akharis kumba iuhtdong bseiñ, ka ieng de joit na ba shong. "Blej, balel mem iathuh shwa ia nga ia kata? Kumno, tang katta ka por ngan lah ban pynkhreh ban leit peit ia ki? Khot ia u Ksanthias bad u Strepon; phi, Iunis, khie leit peit ia u nongshet bad ia pynkhreh jynbam, khie pynkloi, ym don por ban pynsyrrwa."

Ha ka khiih-ka-klang, bad khrum bad khram, kynrad bad shakri ki ia pynkhreh lynga mynsiem na ka bynta ki nongwan phai lynti. Ki mraw ki iatrei da ka mon sngewbha, naba, nador ka jingtleng burom iala ka kynrad, ki iamon iaield burom ia la u kynrad rangbah. Ladon ruh ka jingsngew ield bashisha ia u Kleander bad ka jingkmien ha ka jingwanphai shnong jong ki na ri nongwei. Ka khleh ruh ka jingsngewmushlia ka bym kai ban iohi ia ka khyinnah na Sparta ka ban wan lang kumba pynbna u nongrah khubor ia ki.

Khala khala ia ki jingthiah la pynbett da ki jingsiang jyntap jaiñ bathymmai bad la buh haman ka kamra ki phiang bajrong ba dap da ka um sngur. Ha iingshetja ka ding ka klang herher ha trai bun ki khlew, bad ka khmat jong ka nongshet ka tyrha laiñ laiñ katba ka dem halor ki byrslew ne pynkyrkieh ia ki nongiarap shet ha ki kam jong ki. Khadduh la dep lut baroh bad ka iing-ka-sem ka shong sadhai ban ap ia ki nongwan.

Ka bneng ka dangshal, hynrei ka phyllaw ka tngen da ki syrnglew haba ki kjat ba sawa ki pynbna ba ki la poi. Ia ka khyrdop phalor la plie da uba ap bad ka kynhun baroh ka rung shapoh. U"Arkheiaus u lam khmat.

"Ki la poi, ki la poi", ia pyrta ki khynnah kynthel, "La poi iing, la poi iing, khublei, khublei, "Iarisa ia kmen lang bad ki mraw de. U Arkhelaus u doh ia ka kmie ki khun bad ia ki khun de, nangta u phai bad pyni ia ka khynnah nongwei kaba dang ieng hadien jong u.

"Ko kmie," u ong, "kane ka Daphne, ka khynnah kaba nga la ong ia phi, Pdiang ia ka kum la ka jong ka khun namar jong nga bad namar jong ka de."

Ia ka jaiñ batap khlieh ha ka iaidlynti la kyllie na khlieh ka Daphne katba ka khmied sha ki khmat jong ka Akharis. Kaei-ma-kaei re, kum ka jingwiatmoiñ ha ki rmiangshyntur ne, ki khmat basngur ba peitlieb ka la ktah ia ka jingsngew jong ka theikmie bad ka pynum pynjah ia ka jingkynshing bad sngewnongwei ia ka khynnah.

"Ka ktien kam lian, ko leid", ka piam bad doh ia ka khynnah da kaba kmen, "Kane ka iing jong phi katba phi dang sngewmon ban sah. Ko Iunis, ko Khlaris, ia pdiang ia kane ka khynnah kum ka para la jong."

Ryngkhat hangta de, rung sa u Kleander bad ha ka jingkmien, jingawri ban pdiang ia u la kum klet shiphang ia ka Daphne. Baroh ka iing ka ker sawdong ia u, ki da roh ia ka rynieng kynjeng jong u, ka sniehdoh byrsaw rnong, ka khmat bhabriew ba la kyroh kyrnuid da u shñiuh bakdor, ka jymphong jaiñni ba jngum da ki snur bad ki rmiang basaw, bakhleh rong ksar.

"Ha-ha, u samla baphuh lymphuñ", iaroh u tymmen Ksanthias ha ka kyrngoh khlieh dot dot, "u

samla lymphuiñ, nga la ong, Hooïd hooïd kumba nga la khmihlynti ba un long. Hei, katno phewsien, phewsien nga la mut dur ïa u kumne haba u la shong dngong ha ka jingkhrehkot jong u. Ah, nga sngewsarong, nga sngewkhlaïñ ia u."

"Ani wow, katno phi jrong te bah," rkhie ka Khlaris haba ka ïeng kynjing hajan jong u. "Nga kmen ba phi la wan phai sha ïing. Mynta phi dei ban pynpaw khmat ïalade ha ki sport ba ngan dup ïoh pynroh ïa phi ha ki paralok jong nga."

Ka ïunis ruh ka rkhie lang. "I Khlaris i khmih lynti hir hir ba phin jop ïa ka jingpynher palki basawkulai te phi bah Kleander." ka batai. "Hynrei nga kwah ban tip bun kiei kiei shaphang ka Sparta bad ki jinghikai ba phi la ïoh nangta."

Ha ka ïakren bad ïarkhie ka kynhun ka pra noh. Ki khynnah kynthei ki ïalam ia ka Daphne sha ka kamra jong ka. Ki mraw ki ïaleit sha la ki jong ki jaka bad kam katba u Arkhelaus bad u Kleander ki ïaphai sha ki ïingsum ban pynkhuid lut ïa ka pum pum bad ka jakhlia jong ka lynti.

Haba la sdang dum ka mlet, ki lok ki jor ki ïas dang ban wan sha ka jingkhawai burom ïa kiba la wanphai. Ha ka kamra bajlan ki shrong ki shrup ki sdien hapteng ki jingber ki syntiew hangne hangtai kiba pynriam ïa ka biar. Ki shuki ki mula da har har rukom ki syngkhien rusom ba la suh syntiew ki don sawdong ka tyngkong.

Sha man u briew ba wan poi ar ngut ki mraw ki leit: uwei u rah um ban thet uwei pat ki kpieng

syntiew ha ki kria'ha 'rimet ba ki nongwan kin jied  
ban deng halade. Ki sharak ki ba pher-pher halor ki  
ktang rnong.

Napdeng kiba la wan nyngkong la dei u Eskhilus  
bad u Ameinias. Utei u long mynta u nongphawar  
ba bna nam kylleng, hynrei ka maiñ-ka meiñ ka  
dang sah kaba paslang kumjuh kum ka maiñ ba  
shynraiñ kaba la phalang sha ki khmat u Kleander  
na pdeng u paid-kar. Ka paw shynna ka  
jingsngewsarong bad jingsngewhun jong u ña u  
Ameinias haman ka sien ba u peit sha u khynnah.  
La buh ña ki shuki na ka bynta u Ameinias bad u  
Kleander na sha shruh kadiang jong u Arkhelaus,  
kumba dei ka dustur haba khawal burom ña ki, bad  
ki ña khublei kylli'ang da ka jingkmén.

"Kane ka kham bha ban ña ka syrwa ñong jong  
ka kamra bam ha skul," rkhie biria u Kleander.

"Ynnai ña ong kein," pynskhem sa u Ameinias.  
"Hangne te ngi lah ban ñakren katba mon bym don  
uto u kapten ka klas ban lynther ña shijur ki nong  
Athen kopsop."

"Ah, peit hangne u Demetrius," kren kyndit u  
Kleander haba u khynraw bajrong u rung kham  
hadlen shiphang. U kup ka jaiñ tawah ba ha khlleh,  
ka sahkti ksiar ha kti. U kren da ka sur bajem,  
hynrei mynleh khraw bad da peit ñlewpoh ña ki  
arngut ki khynnah, "Te Kleander," u kren jyllud sur,  
"phi la wan phai biang mo? Nga sngewmat ba phi la  
spud bha ha ka jingim ki nong Sparta. Kumno phi  
lmun ban im ha ka jaboh jabaiñ jong ki bad ban di  
ña kata ka syrwa ñong jong ki man ki pud sngi?"

Hana ki ong ba tang shislang la biang na kata ka syrwa ban batai balei ba ki nong Sparta kim tieng ia ka jingiap."

U rkhe iakyan khyndiat, hynrei u Kleander pat u sngew ba la laiñ laiñ da ka jingingkhong, u da kynmaw patde ba u long trai iing u shu am sia bad kren tip briew iala u paralok shongskul.

"Nga i ba phi la ai kyrteng ha ka Ephebol," bynrap u Kleander katba u Demetrius u dang shong hajan u Ameinias. "Kata te imat ka jingim sadhai mo?"

"Ka bym kai keiñ," u jubab. "La kumno kumno, ka jingiaroh sha ki blei, ki leh ia ngi kum ki riewdonburom, ym kum ki mraw ne ki khynnah skul rakai, kumba leh ki shipai Sparta. Ka bna ba wat ia ki ophisar jong ki ruh la don ki nongapsiar naba ym lah shaniah ia ki."

"Ka ktien jler kata," kynthah u Ameinias tiak.

U Demetrius u pynnoh lyngngeit bad u rkhe pashait. "Duhai Athena, ki la lah pynkahait ia phi kum maki," u kren mynathi. "ym lap ba kloï ba u Arkhelaus u la leit pyllait ia phi."

La pynwit ia u da ka jingwan rung jong uwei pat u briew ia uba ki mraw ki ialam sha ka jaka burom, sha ka liang kamon jong u Arkhelaus. U briew uba jrong kneng, u shñiuh bad tmoh baijong ia uba la pynkdor jalani, ki khmat ki bajngum phyrnai harum ki rengmat baijong. Katba u rung sha kamra u kaweh iakhublei ia unē, u wiat sha utai, u nguh khlieh sha mon sha diang. Da kaba

peit shaiñ ia ka jingpasiang, ka jingkhithew ba shongkun, ka khmut ka khmat ba i long nongialam, u Kleander u kynmaw liak ha rngai ia ka madan iew ba thang sngl, ia u briew uba iaid belt sha ka iing dorbar, kawel ka ksangkti ka tawah ha tyrpeng u paralok ba iamamla. Te une uta u Themistokles-- la kham noh iaw khyndiat, la kham iskhem jingmut, la kham bun ki nongbud, nongshaniah.

Ki khynnah ki iañeng na bashong katba u Arkhelaus u leit tan ia u, nangta la pynithuh ha u ia u Kleander.

"To, ia kitbok kitkupar," u phuh rymmuiñ u Themistokles ia u. "U riwshlur ka Marathon u la wan phai sha iing. Phi pyrkhath kumno, Kleander shaphang ki nong Sparta?"

"Ki shipai bashlur duh ha pyrthel, phi ma." jubab u Kleander shisyndon.

"Ka dei, bad sa kael de?"

U Kleander u artatien, u thlun khyndiat haba iohi ba don kiwei pat ki basngap. Nangta u khmied bad u iohi ia kata ka jingpeit ba klan jong ki khmat ba jngum.

"Tang kata phi ma, badonburom". U ong.

U Themistokles u rkhie iamynjur. "Kumta jong ngil phim shym la shah ba kin phot lmanng ia ki tipthuh-daiñnia jong phi. Maltang Kleander, da ksoh khat ia kata. Haba u briew u duh la ka jabieng daiñnia u duh ia ka bor ban ithuh ia ka jingbha

bad jingsniew, ia ka badei bad balait. U long tang ka tiar, ba paka hala ka jaid lehse, hynrei tang ka tiar suda shisha ia ka ban shah pyndonkam, da kiwei, ha ki jingthmu babha ne basniew. Kane dei kata kaba kawei ia kaba ki nong Sparta kim pat tip haduh mynta, hynrei ha kawei ka sngi kin sa shemphang."

U phai noh, u iakren bad u Arkhelaus bad katba ki dang iashong ki mraw ki wan rah da ki jynbam ki bakhluit. Ka dohsyiar tylli ba la sdieh kylla, ki lyndkur, ki dohkha sdieh ba na Pireus, ki jhur ba la khleh piat bad rynsun bad shet ha ka umphniang. Ha ki kriaah 'rimet la pynshong ia ki kpu kew basawdong kiba long pliang bad, nangta sa ki jaiñ niad na ka bynta ki shynriah kti.

Ka jingiakren, ka jingiakylliang ktien hapdeng ki nongshongbam ka khlem sangeh baroh ka por ba iabam, bad ka jingriew ki khlew ki slang bad ki pliang ki dabor ka nang pynjam shuh shuh ia ka. Haba la ia kdang bad la dep la lum ia ki saphret saphrong baroh na ka jaka bam, la buh pat ha khmat uwei pa uwei ia ka miej rit ha kaba la don ki sohwañ tyrkhong, soh dumbur, soh olib bad ki sohot. U Themistokles u la long u nongpyniaid ia ka jingkhawai te ha ka jingbthah jong u la khleh lang ia ka waiñ pnah barben bad ka um ha ki kynja lwa ne ki tew bajrong ba la pynitynnad da ki dur ba la airong, nangta la theh bad phylliew ha ki mok na ka bynta baroh. Haba ka suit ka shor ha u Dionisius, u Apollo bad u Seus la lah ai ki nongbam khawai ki iashong bam ha la ki jaka jaka bad ka bynta ba-ar jong ka jinglehkmen ka sdang.



Nyngkong, u Strepon, u sordar ka iing, u la pynrung arngut ki khynnah mraw; u khynnah shynrang ba tyngkdon bad ka khynnah kynthel kaba shkaft ha ka riam-ka-spaiñ da ki tapmoh phyrnal. Ka besli u sei bad u khynnah u put; hangta moun-pa-moun ki kjat ka theirit ki khih bad ki tyrslang shapdeng madan iing ki pynnoh iadelsur da ka shad. Katba ka sur ka kynud bad ka padiah ka khyllud ka skit-ka-syuiñ har har ha ka jingjem met shane shatai, lymphoiñ, kum u 'tiew hala jyntang ka pied, ka plied la ki jaiñ na shakhmat, nakhlleh bad ieh ba kin her thor thor shadien jong ka haba ka dang pynstet la ki kjat.

Ha ka peit lyngngoh tyndep u Kleander u ithuh ba dei ka Akle, ka khun u sordar iing jong u, ka paralok ba shait ialehkai bad u ha ka por jinglong khynnah. U phai bad mut ban iathuh ia u Ameinias ia ka jingshem jong u haba ki khmat jong u ki shat liak sha u Syrion. U mraw u la dang ieng shadien, u shaniah ha ka biar, ki kti ha shadem u kyllaiñ, ka shyllangmat ka ran, ki khmat ki peit shin ia ka khyllud kaba pawang, bakyrngah hapdeng kamra. U Kleander u rkhe sammut marwei.

"Nga tharai ba u Syrion u iapmat ia ka Akte," u pasiaw ha u Ameinias, "Ka bhabriew te, keiñnoh seh, ban pynimon ia uba khamshai, jar katta ruh u bha jinglong hi, bad nga sngewmat ba u kwah ban slew ia la ka jinglailuid."

Ka jingshad te la dep bad ki mraw ki iapra noh. Ka bynta ba-ar ka sdang. La wan rah ia ka duitara bad ai ia ka ha u rangbah ka jingkhawai. Mynta ka

la dei ka por ba uwei-pa-uwei un pyni la ka jingtbit.  
U Themistokles u plie lynti da ka jingrwai jong u  
myllung Alkman. U rwai da ka sur bathiang bad ba  
khlaiñ.

Sur ki bathiang umngap, skit ki babang ban  
tyndep;

Khyllud to ïa ap: u myllung jong phi, ñtuh rupa  
la dep;

Oh, thapniang seh jong ka sim ba swait  
Ïa nga, lor um mluh phum phum ba pharait;  
Sim jyrngam klar klar ha sla um 'Nai-Lber  
um kheiñ, um patlaw ï'u kbeit uba her.

U sa buh tiak ïa ka duitara ha kti u lok  
bamarjan; bad kumta ka ïaid na kti sha kti bad na  
la ki jaka jaka ki pynpur da ki sur ha ki ryndang  
bafapher. U Eskhilus ruh u jied ka jingrwai ba thew  
ïa ka durlaw, ka phawar jong ka lieng:

Hana te, ki ong ba nga lung, ba dang rit  
Ka um ba ngan prong, 'eriong te kan kit;  
Toi, ka long hi baroh ki lama  
Ha ka lyer bapyrkhung ka don ka jingma.  
Jingkhlaiñ te ym dei, jingeh ruh ynnai,  
Hynrei ka bok ka pynshlei, ka bneng kaba rai;  
Ha u soi te ki briew, h'u boitha ruh ki mon,  
Da ki blei pat ngan klew, la ka lieng ruh kynton.

U Demetrius, ba u sngew ba la khie khynraw,  
la kot ka longrangbah, u ai da ka jingrwai samla, u  
ryndang jong u da ka sawa tangmuri.

Jngum kum ka durlaw  
Ki khmat jong pha lapmat ki thap.

Asklepias, pha pah, pha kbh  
Īa uno ma ka durlaw kan lap.

Haba ka duitara ka la dep rwad sawdong ka kamra, ka tyngkong ka sa sdang biang ka jinglakren.

"Balei sha," kylli u Arkhelaus, "nga sngew lyngngoh ba bun na ngi ki la ĩa jled da ki sur ba lam sha ka durlaw."

Ki khmat rong jngum jong u Themistokles ki phyrnai. "Ka dei namar ba ka durlaw ka long ka lynti sha ka burom na ka bynta ka Athen." U kdew, "Na ryngkew ka long kaba jem ban tam briew ban pynliem ĩa ngi, hynrei lada ngin khlaif ĩa durlaw ngin sa im bad ngin kyrtoh pakai ĩa ka jingloñbor."

U ĩeng kynsan shyeng.

"Ko paid ka Athen," u pyrta ĩakdew sha durlaw, "shatai ĩa ngi ka ap ka lynti sha ka burom bad jingkhraw, ha kaba ki laikyrnah boitha ki lur lyngba ki suhdong jong ka durlaw bym pat ju jngi. Phi tharai ba ka Athen ka lah ban laid ha ka lynti khlem jingma? Phi lah mo ban mut dur tang shiphang ruh ba ki syiem ka Persia ki la klet ia ka Athen? Bad haba kin wan biang – kaba khlempep kin leh-da baroh ka borbah jong ka hima sima ka Persia shityllup ha bud ryngkhi jong ka, kumno phin ĩakynduh ĩa ki?

Hato kan long biang tang shikham u riwshlur jong ka thad pyntha Marathon? Lane phin ĩa king shapdeng durlaw ban ĩaleh ĩa ki bad pynher krad ĩa

ki shwa ba ka kjat jong ka Persia kan iuh raibi ia ka khyndew bakyntang, ba laitluid jong ka Kris baleid jong ngi?

U ap shiphang, u peit sawdong ia kata ka kynhun da kito ki khmat pyllañ kiba suh bad ngam pyntyndep ia baroh.

"Pynsngew sha nga," u kyrpad "ba nga pynriew, pynsawa ka jingmaham bad ka jingjakop hangne ha kane ka khep ban long kiba la khreh na ka bynta ka sngi. Tei kham bun ki lieng. Pynmlen la ki khynraw ban king ia ka durlaw, ban bat ia u boitha, ban dung ia sol, ban pylar ki jaiñ-pdung (sails), ban khalaiwait halor ki tyngkong bashat kynting. Ieh ka Sparta kan shaniah ha la ki shipai, kan kyrmen aïu pyrshah ki lhien-liengiapom ka ban lynsher? Ka Athen ka dei ban pyni iala ka lynti ha Kris shi tyllup bad nga khot ia uwei-pa-uwei hangne ban kyrshan ia nga, ban bei la ki sbai, ban bther la ki kti batbit jong phi ha kane ka kambah, ban kyntiew ia ka burom jong ka jinglaitluid ka Athen."

Hapdeng ka jingiarisa shaw shaw u Themistokles u shong, u sngap hun ia ka kren ka kynthoh jong ki rangbah: kiba sngewkulmar kita, kiba sngew hun kita, ki babniah da kumne kumtai ruh kita hi. U hun ba u la pynkhih win ia ki jingmut bad jingangnud jong ki baroh.

"Iathuh seh, Themistokles," pan jubab uwei, "na shaei phin ioh ia ka tyngka, ka peisa ba phin donkam ban tei ia kata ka lhien lieng jong phi?"

"Na ka khuin", u kloī jubab. "La don ka ngāpyrkhat ban iabhah ia ka khajna na ki par ūpa hāpdeng ki parashnong. Nga kyrpad ia ki ban h ia kata, ban ym pelt ia ka jingmyntoi shimet, ynrei ban pynblang ia ka jinglaitim kaba hadien, a kaba long ki nong Athen kiba len ialade."

Bad nangno phin ioh ia ki briew jong phi, Themistokles?" Ban sa uwei pat.

"Na kajuh ka jaka ki nong Athen hi, ki khynraw trai shnong jong ngi. Pelt hangne katto katne ngut hāpdeng jong ngi." Ki khmat baroh ki bud ia ka 'tikdew jong u sha u Ameinias bad u Kleander kiba pyni ia ka jingshongshit ha ki kyntien jong u.

"Phi, ko khynnah, ko khynraw," kren pynshlur u Themistokles, "ngi peit sha phi ban tei ia ka lhien liengiapom jong ngi. Phin kylla la ki jingmut ba phi la lah mang ban shakri ia ka Athen na duriaw ha ka jaka jong ki kynroh bad ki kut jong ka?"

"Hooīd keiñ ngi mon." mynjur shongshit u Kleander khlem pyni jingartatien eiei. U Ameinias u mynjur da kaba jai jai hynrei kaba skhem jingmut. Shaw sawa ka jingrisa bad jingthapkti ha ka kamra. Ha khap kane ka jingkhynwin u Demetrius u kren ha u Kleander:

"Shish phi, phin leh bieĵ," u paslaw ha shkor jong u Kleander, "phin ym kham khraw ban ia u mraw ha kawei na kita ki lieng jemrnglew jong u Themistokles. Phi la dei ban ap ban iaieng lang hāpdeng ki Ephiboi kum u riw donburom. Hynrei, kael du? Yn ia khmihlynti! Phi te u Sparta paka,


bakloi ban sngap bad pdiang ia ka ktien u bahalor  
wat ha ka jong u kyndangkwah, kum u  
Themistokles."

U Kleander u la sngewmeng palat ban ia sngap  
sa ia ka jingdynphuit jong u.

Kata ka mlet ka la leit kum ka jingphohsniew  
na ka bynta jong u, bad haba ki lok baroh ki la  
ialeit, ki sharak la pynlip, u lap ialade marwei hala  
ka kamra bad ngai ha ka jingiohthiah.

## VIII

# SHA DURLAW



*Lai kyrnah bottha jong ki Kritk.*

**L**a dei ka step Pyrem, hynriew bnai hadien bad ka sngi ka la kiew sha ka suiñ bakhlem lyoh kdiar kdiar. Ki kjat sngi byrtem kmur kmur jong ka ki pynshai tyrha halor ka tempyl ka Athena ba dang thlah bad ki sa prong sor sor arsut na pdeng ki maw shynreh. Ki dak banyngkong ba don mynsiem hapoh iing ki dei ki jingsaham jong ki mraw ba khie thlah bad ba sdang ia ka khih-ka-khan jong kata ka sngi. Ha la kamra, ha iing kaba harud surok Apollo, u Kleander u plie suki suki ia la ki khmat bad u peit seh na khalki ia ka kyndur bneng bajngum.

Khadduh iawai ka la poi ha sngl ban iamih noh, haba ma u bad u Ameinias kin ia king jngai halor kawel ka lieng thymmai ba laikyrnah boltha, ka nongdar lynti bashlur jong ka lhien ka ban tymphru (pynpait lut) tymphret ia ka bor ka Persia.

Katba u 'lap-praw jong ka Tlang u phyrnop ia ka nongbah, bad ka 'er daitthah ka paswut na phang halor ka durlaw lieh thah, ngong shi ngong man ka sngl u Kleander bad u Ameinias ki shang ia ki dara bad ki shlem bad ki bshem ha kiba, man ka sngl ki misteri ki trei khui-shi-khui ban shna ia ki lieng. Ki tip bniah haei u lyphur, hangno u patiew, u pyniar, kaei ka shyllangmat, kum kano ka shynrong jong kata ka lieng bah ki ieng. Ki ang tynghong katba iohi ia ka jingpruid bad jingthew ia ki siang boltha baheh shwa ban pynshong ia ki ha ka kyroh tala bad basop da ki pla snieh ban da na ka jingpharait ka um. Ki ialeit phai sha la iing da ki kti bad jymphong ba la bit rong haba la dang ai rong ia ki "Sngab" jong ka lieng da ka rong saw synilang.

Baroh la ia khreh mynta. Hynriew tylli na ki laikyrnah kin king ia ka durlaw ha kane ka sngl. Ka banyngkong eh dei ka 'Yiem-khyllud'. Ha ka kin ialeit u Ameinias bad u Kleander hapoh ka jingpyniaid bakyrpang jong u Krisias, u rangbah-ki-lai.

Yn dem lei hangne ban pynsyrrwa ia ka por haba don kat kata ka kam shong shit shakhmat? Mar iakhot u Kleander rung u Ksanthias la ka dabor um bad ka tawlia batawah ha ksangkti; ha ryngkhi jong u patde bud u Syrion uba burieh ia ka khie-



sammut kaba shirukom hapoh ka khmat ba la thang  
sngi jong u.

“Banlei Syrion?” Kylli u Kleander katba u wieh  
la ka khmat ha ka um pjah.

“Ym don elei,” u jubab jem jai.” nga shu wan  
ban iathuh ia phi ba ngan leit bad phi mynta ka  
sngi kum u nongkhawa lieng ha ka jong phi.”

U Kleander u sangeh khek ha ka ban shim ia  
ka tawlia na u Ksanthias bad u shah, khlem  
suidñlew, ba ka um kan shu tuid na khmat sha  
ryndang.

“Heil kaei! maphil” u lyngngoh, “Phi la thaw  
kumno ia kata? I pa i la tip ne em?”

“U kpa jong phi u la shah.” pyntip u Syrion, “u  
la kmen ba ngan iadon lang hajan jong phi ioh jia  
kano re kano ka jingma; bad nga mon ruh iala ka  
jinglailtuid.”

U sangeh bad u Kleander u iohi ba ka khmat  
ka kem sawlaiñ khyndiat. “Haba ngan wan phai te  
ngan sa lait”, u pynkut, “bad u kpa jong phi u la  
kular ba ngan lah ban iashongkha bad ka Akte  
nangta un ai jaka ia ngi ha kawel na ki brisoh jong  
phi.”

U Kleander u rkhie pahuh.

“Hai-re-hai, kata te kaba sngew danda,” u rkhie.  
“Ha !, poi ka sngi ! U Syrion ban iashong bad i Akte.  
Phim sngew iamrem ban sengfing bad ban long  
nongrep haba phim lah ban kinglieng kylleng

sawdong ka pyrthei, ban iashut bad ki nong Persia ne ki nonglute durlaw!"

"Ha phi te nga i kum uba kingkhlieh," rkhie sa u Syrion, "toi, kynrad khynraw, ka por jong phi ruh kan sa poi hi."

U phai bad kyllep noh sha lyndet bad u Kleander u pyndep noh ka riam ka beit ban mih sha phyllaw iing. Ka bam ruh um sngew bang ba skuiñ, balynga than, u iaid lunglung lengleng ha bshem bad pynsatia ia baroh haduh ban da dei por ban leit.

Baroh kata ka step ki khmat jong ka Khlaris bad ka kmie te shlait shlait; ki iabat ia kdup ia u Kleander da kaba sngewbynnud.

"Aa, ko 'yiem kynrad jong nga," ka khñi ka Akhlaris "ban ong ba na Sparta la lam noh ia phi sha nga uba shait, u bakhlañ u ba miat lymphuiñ jong ka kmie ba pun bakha, hynrej patde ban duh noh ia phi mynta sa shisien. Balei u kpa jong phi u sngap sa ia kum uta u jlei blej, u Themistokles?"

Na shalor ki tyrpeng ka kmie kaba kdup bad doh ia u ki khmat jong u Kleander ki iakynduh ia ki jong ka Daphne. Ki phyrnai, kim artatien, ki sngewthuh. U sngew ka jingkyrsoi jong ka jingsngewnguh bad ka jingladei lok bad ki katba u pynlait ialade na ki kti jong ka Khlaris kaba snoh rdin ia u.

"Ma ka te kam blej," u pyrkhat bitar poh mynslem. "Ka tip ba u shynrang briew u thrang ban shang, ban leit thwat ia ka raleh raidam kaba dap

da ki jingma bad jingpran suh-lap. Kam kwah ka piam ka doh." U kam shaba ka ieng.

"To ho, Daphne maphi shato," u kren. "Phin sa sngew hi ba bna shaphang jong ngi wat la ngim long ki nong Sparta ruh."

Ka wiat moiñ sha u ha kita ki kyntien bad ka kem ia ka kti jong u baroh ar ha ki jong ka.

"Nga da sngewroh hi ia phi," ka iathuh, "ngan nym ong ba u shipai Athen un ia ryngkat bad u nong Sparta, hynrei ia ka ban dei u maji ne ban king ia ka duriaw kata te kawei pat keiñ ka kyntien. Maphi bad u Ameinias phin sa ioh nam hadien habud, nga sngew pohsah ia kata."

Ka pyndem syndet la ka khmat sngew kumba ka la kren palat ia kaba ka la mut bad u Kleander u phai ban khublei ia ka Iunis kaba la dang ieng jar jar hajan jynkhang. Ka khmat jong ka ka la kham thangiong ban ia kaba ju long bad haba u la poi sha ka ka ring ia u sha ka bad ka pasiaw kyrkieh ha ki shkor jong u.

"Da leh blang blang ialade ko bah, u Ameinias ruh kumjuh. Ong ia u ba ngan sa ap. Un sngewthuh hi".

Ngeng da ka jingsngewlyngngoh u Kleander u khyllie la ki khmat, hynrei ka doh ka dait ia u bad bak ka jah noh. Ym long ong eiei ia kata sa tang ba u Kleander un shu bud ia la u kpa sha ka palki ba dang ap, sa bud sa u Syrion na shadlen.

Imat ka shnong baroh kawei ka la mih ban pelt ia ki lai-kyrriah-boitha ki ban jngi ia ki um ka duriaw

Ejean. Naduh dangstep phyrngap na man ki dong ki lad ki kynhun paidbah ki ia pynbeit khmat sha ka surok bajlan kaba ialam sha ka Pireus. Baroh kiba ia angnud suda ban ioh bynta ha ka lehniam lehrukom ka ban pynksaw ia ka lhien thymmai. Ki khynraw barlewspah ki pynher la ki kulai ba shalak kiba pynkdat ia ki kynhun jong u luk-u-lak bad jong ki mraw ba iaidkjat sha baroh arliang ka surok. Ki khynnah rit te ki klang bloit-shane bloit-shatai na pdeng uta u bynrlew. Ki palki jong ki heh ki hain, ki riew tymmen riew heh ki ia tyllun khrung khrung-khreng khreng bad pynher lyphuh sha ka diang bad sha kamon. Ha Pireus bun phew ngut ki nongtong dohkha bad nongshna lieng ki iatuid lang ban pynheh ia ka kynhun kaba dang leit sha ka kad-um. Ki hynrlew tylli ki lieng ki ap ha ryngkew bad ki khreh ban syntuid tang mar iadep ka suit ka shor.

Ban pelt ki ikhaiñ. Ki shruh dieng ba kynjeng, ki dienglama kyntneng, ka shanduwa ldeng ka sdien pyrdung ohshrong na sha tdong. Ki shyntur rnong ba kum ki sim, ki khmut bad ki khmuiñ ba suit ksiar ki phyrnai naba kyrshut, ki ngap basaw syni'ang bad ki thliew saikun bamirmir ki bynrop lang ia ka jingphieng jong ki.

Na jynkieng rynsan ia tuid ki nongkhawa, ki baduk batol ryngkat katto katne ki nongwei bad ki mraw ki ban dup lah slewspah ia la ka jinglaltuid. Ha lyngkdong u ieng u rangbah jong ki laikyrnah ha la ka riam nar bad tupia shyrtong, ha khmat jong u don ka duwan bad shibitor ka waiñ kyrpang ban

suit ban shor ha u Poseidon bad ka Athena. Ha dien jong u ki ieng ki maji bad ki shipai duriaw ha la ki kyrdan kyrdan halor lieng kiba iapeit sha ryngkew. Hangta la kynton ka duwan bad ki lyngdoh ki dang khreh ban pyndep ia ka jingknia.

Ynda iapoi hajan ka kynhun paidbah u Arkhelaus bad ka lok ki iehnoh ia ki kali. Ma u bad u Kleander ki ia iaaid sha ka jaka ba la buh kyrpang na ka bynta ki bakhamheh kham donburom katba u Syrion u iaiaid lang ryngkat bad ki nongkhawa sha ki lieng. Ha ka jaka ba kyrpang ki ieng u Eskhilus bad u Ameinias. U Themistokles u don hangta, u i kham sngewmeng bad kham samla.

"Ah, hakhmih, phi la iawan." u khublei ia u Arkhelaus, "Nga la sdang ban tieng ba phi la kylla ka jingmut. Ia u khynnah te ngam don jingartatien. Un ym nguid la ka kyntien. Ym dei Kleander?"

U Kleander u saw ka khmat khyndiat bad u jubab shongshit. Nangta ma u bad u Ameinias ki ia khublei ia baroh bad ki leit sha la ki jaka ha ki lieng. U Themistokles u bud ia ki da ki khmat.

"Phi iohi ia kito ki lieng, ko lok?" u da kdew ia kawel pa kawel. "Ki thie ki dei ki kynroh dieng jong ka Athen. Na shadien jong kitai ki kut ngin sa iakop ia ka pyrthel,"

Ka sur jong u ka sawa hleng bad jak iasngap u paidbah ba ker sawdong. U paidkar, u luk u lak, uba iatuid sha ka madan barit ha kaba u ieng ki sdang ban sngap haba u jam shaphrang bad rah la ka kti.

"Hei ho, pynsngew sha nga, ko khun ka Athen," u pyrta. "Ha kane ka sngi ngi sdang ban klew ia ki kyrdan jynkleng jong ka jinglong khraw. Ka Athen kan sa long kynrad ia ka duriaw. Katba ngi dang ia khmih ia kine ki lieng ba ki lur ia ki um ngi iohi sha jngai jong ki ia ki lhien iapom, ki bym pat dep shtah ne tel, ki ban tynrong sha kylleng ka pyrthei ia ka bok-ka-rwlang, ka nam ka kyrteng bad ka jinglatliud jong ka Athen. Na ki um ryngkew jong ka Phenisia sha ki paia jong u Herkules ngin synshar don burom. Khuri-ei, ki blei! nga smai, nga soskular ba ngin kynjoh sha katta."

U sangeh kren bad shaw risa u paid bah sawa lut ka mariang shaduh shyngkup ba kynduh ka duriaw bad ka suiñ-bneng. Sa jar-jar biang, u sangot u jam shakhmat, u rah la ka bikur rupa bad u put da ka sur bakriang, basawa jam shajngai. Ki lyngdoh, batawiar ia ka duwan ki rah la ki kti bad ki sdang kynnoh ia ki phawar tim blei tim dken (tim blei kamut duwai kyrpad ha ka ktien Pnar), ki duwai tyrwa bad ki kynhun ha ryngkew bad halor lieng ki iaduwal lang. Ha jingput ka ba-ar ki lyngdoh ki rah la ki khuri kyntang; ha ka juh ka por ki kapten jong man la ka lieng ruh ki rah la ki luta, hangta, barohlang ki iasuit-iashor ha ki blei: u Poseidon, u blei ka duriaw; ka Athena, ka 'lei khyrdop 'lei muluk jong ka nongbah bad sa ha u Zeus, u 'lei kynrad ia baroh.

Kane la dep.

Ki nongkhawa jong ki laikyrnah boitha ki kynhoi ia ka sur thma bad ha ka jingpadiah jong kata ka

sur shongshit ki lieng ki tuid kawel hadien kawel pat sha ki um. Kiba iapelt na ryngkew ki iohi ia ki lai kyrdan ki boitha ba ki pied shajrong; nangta ha ka dak: brup ki iathap ia ka sla um kum kawel ka siang. Shait, pharait ka um kum ka rupa ba la kynting shajrong ka da phalang ha ka sngi bad brop ka jah syndon ha sla um. Thaij-shi-thaij bad brup-shi-brup ki nongkhawa ki tan bad thab ha ka jingpadiah u tyrnem dieng jong u rangbah-ki-lai uba shong ha lyngkdong jong ka lieng. Ki lieng ki kynran na ryngkew. Ka rwai thma ka lngald ha ka jingsawang jong ka durlaw. Ki lieng ki phai bad ki kie ryngkat ryngkat sha ka dewlynnong bajngai jong ka durlaw Ejean.

Ka jingpelt ia ka rong ka rup la dep te u paidbah u ia pra ban leit sha la ki iing ki iing. Ha lynti u iarkhie, u iakren ia kynthoh, u iaroh ia ki lieng, ia ki kapten, ia ki nongkhawa bad ia ki shipai; ki ia thew jingmut kin long kiba kum kino ki jingeh ba ki lieng kin iakynduh. U Arkhelaus bad u Eskhilus ki iaiaid ryngkat sha ki kali ba dang ap harud lynti. Baroh arngut ki shu ia sngap, ki ia puson ia ka ban wan bad ki da mut dur kumno ki khyannah kin leh.

Ka kti u Arkhelaus ka la shu bat ia ka kali haba u kum iohi ia ka syrngiew ba i kum ia kaba ithuh bad u sangeh.

"Ksanthias," u khot, bad u mraw u phai kynsan kumba shah kynthah. "Phi leh aŋu hangne?" u kylli. "Kaei kane?" u bteng haba iohi ia ka khyannah ba la tap da ka jaiŋ ialade ba ka ieng hajan u mraw.

"Kynrad, nga la kwah tang ban iohi ia u kynrad barit ba u leit la ka lynti" kren nguhlet u Ksanthias, "bad ka Akte ka angnud eh ban iohi khadduh ia u Syrion."

U Arkhelaus u phai bad mut ban kiew sha ka kali haba sa kawel pat ka dur ka wan mih, u sangeh bad u kylli da ka sur ka ba dom. "Sa mano de bad me?" ka kham khor ka sur bad u Ksanthias u kren phrih tehteh u da mut ban batal, hynrei la shu pynkut ia u da ka khynnah kaba jam shakhmat bad khyllie la ka jaiñ tapmoh.

"Daphne!" lyngngoh u Arkhelaus, "kamut aïu kane? Phim don ka shynraiñ briew ba phin wan khlem nongsynran shakhap kat une u paidbah kum ka khynnah mraw? Phi mut aïu da kumne khun?"

Ka Daphne ka peit markhmat ia ka maiñ badom jong u, hynrei khlem ka matdong ba pyneh.

"Nga la kwah ban iohi biang ia u Kleander," ka kren hok jai, "ban peit ia ka lieng jong u bad ban duwai lang ba un lait na ka tyrut ka smer ha ka jingshang pyrthel jong u. Ha Sparta ngl la shait ialet lang sha ki kam kyntang, bad ngam iohi kano kano ruh ka jingsniew ha kata.

Ki khmat u Arkhelaus ki jem hin katba u peit ia ka ba ka ieng kyntlak bad da ki khmat ba sngur, batlem ka peit sah sha u.

"To, to, nga i, nga i hi," u mynjur, "putet u Kleander u del ka syrwhah bakhadduh jong ka Sparta bad ka iing jong phi. Ka del hok keiñ un kor kham-iatam ma u na ka bynta jong phi ban ia kiwei pat



na ngi. La katta ruh Daphne, ka dustur, ka riti ki long kiei kiei kiba khlañ batan ka bor; bad mynta ba ka iing jong phi ka dei ha Athen ka bha ba phin bud ña ka rukom ki nong Athen. Phin ym lap u tnga na Athen lada phi nap ha kum kine ki kam thawnang.”

~ Ki rong sawsyiang ki par ha ki ngab ka khynnah bad ña shiphang ki khmat jong ka ki kham phyrnai klir ban ña kaba ju shai.

“Ngam kwah lok da u Nong Athen,” ka kren kyndeh mynsiem, “Kaba nga kwah ka long tang ban sah bad phi, ban ñalok bad ka Iunis, ka Khlaris bad ban iohi biang ña u Kleander u wan phai uba shait u bakhiah.”

“To, to,” puhmut u Arkhelaus, “kine ki jingkwah te ki basuk ban pynñoh ban pynhun. Ale, kiew sha kali bad nga sha iing. Phi pat Ksanthias da pelt bha ban ym jia eiei ña ka Akte, lymkumta te u Syrion un iohdong ban talaiñ ynda u wan phai.”

U btin ña ka Daphne sha ka kali. U nongñiah u sympat ña ki kulai bad ki jah hapteng ka lyphuh jong ka surok, ki da iehnoh ña u Ksanthias bad ka Akte ban bud nadien.

Ha kane ka por ki lieng ki kie jai sha ka phang Mihngi. Ka 'er hor-hor- ka beh te ña ki boitha la ring noh shapoh, ña ki jaiñpdung la pynkiew bad ka um ba phaloh blob-blob ka synlud sak-sak ña ki lyphur shruh jong ka lieng. Shapoh tyngkong ki nongkhawa ki shong aram, ki pynithuh uwei ña uwei pat; ki ñanujor ña ki jingsting jingkhia bad jingbit la ki jong

ki jong ki boitha. Ha tyngkong ki maji bad ki shipai ki lapynbelt pynryntih ia ki tiar ki tar; ki kynther ia ki kam sngewbha ba la pynlong shwa ban iakhlad na ryngkew bad ki buh beit ia ki lieng ha ka rukom ba iaidlynti. Shaneng, ha rynsan u Ameinias bad u Kleander ki iashaniah lyndang hapoh ka shanduwa bad iakren pynleit por.

"Hha," u noh mynsiem, "sngewshngalñ ba ngi la leit," u kren da rkhie artad. "Kito ki jingkhublei pyndep rukom ki pynsalia ia nga. Kyrmen ngin lap etei kaba pynshit ia ngi, ka jingiakahait bad ki nong Ejina ne kael kael pat? Phim kmen ba ngi la mih?"

"Ym da lah ong lut," jubab u Ameinias da kaba pyrkhat artad khyndiat. "Ka la sngewmuja ban sah ha Athen hadien ka Sparta: ban don u hynmen ba sngewkop kum u Eskhilus; nador kata nga sngew hun mynsiem ban long kum uwei na ki bahaing jong phi."

U sawkyrang khyndiat katba u nangkren, hynrei ki khmat jong u Kleander ki la shu peit seh ia u nongpatled tyrnem te um shym la iohi ia kata.

"Kata phi pynkynmaw ia nga," ong u Kleander, "Ka Iunis ka la ai ktien ia nga ban ai ha phi. Kael kael kaba dei ban ap. Ka la ong ba phin sa sngewthuh hi".

"Ka ong shisha ba kan ap?" kylli angnud u Ameinias.

"Hooild," u Kleander u peit lyngrigoh ia u. "Ka mut aïu?"

Ka khmat u Ameinias ka nangsaw shuhshuh, hynrei u jubab shlur. "Nga kwah ban iashong kurim bad ka. Lada ka ong ba kan ap kata ka mut ka sngewthuh kumno nga sngew. Lehse ka ruh ka sngew kumjuh."

U Kleander u shong kumba shoh bielt." Hynrei, Ameinias," u woh nla. "Kane te kaba danda. Phi dang khadphra bad sa ka iaking durlaw. Kumno phi lah ban pyrkhat sa ia ka shongkurim?"

"Nga sngewthuh," u jubab "Hynrei ka lah ban long da ki ar-lai snem shwa ba ngin wan phai. Ha katta te ngan dap arphew elei bad ka Iunis khadphra ba ngin biang ka ryta ha kaba ngi lah ban leh katba ngi mon. Lada ngan ym shym la ioh ia kane ka kyntien na ka Iunis te kata ngan tieng ba yn don uwei pat u ban kylli ia ka shwa ba ngan wan phai. Mynta te nga tip bad ngam pyrwa shuh."

U Kleander u ieng syam. "Khun ka, ngan da bishar te, phi bad u Syrion phi pynlong shijur ki lok ki ban iakap bha," u thnum. "Ka iaieid samla bad ka tymfang iapoikha! Nga dang tharai ba ngin ialur ha kawel ka jingmut ban jop ia ki nong Persia, ban leit rong ia ka nam na ka bynta ka Athen bad ka burom ia u Themistokles. To, to, lehse phin sa kylla la ki jingmut shwa ba ngin poi iing biang."

Kane ka jingpyrkhat ka pynjai jai bad pynpaslang mynsiem ia u, u laid sharum shaneng ha ka rkhie. "Ban wad ia ki ehrang ka durlaw" sha ki phud um ka Ejina.

## IX

# LA LAP İA KA JINGSIAR TUH

**B**an pyrkhath ha kawel ka liang te ki jingkyrmen jong u Kleander ki la shu sepei. Hadien ar snem jong ka jingklang sha ka jingma ki lieng jong ki ki leit phai sha ka kad ha Pireus. U Syrion bad u Ameinias te dang ia-mrong-ka-ap, ki ia ap khmih lynti ia ka sngi shongkha. Kum ha ki sngi ba ki la mih ki dang lynga hi kumjuh bad poi biang sha Athen. U Kleander ruh um shym la sngewsih ban iohi ia ka jingtyrha jong ka nohsngi halor u lum Himetus babyrsaw. Ki tyngkrung tyngkreng jong ki klier ka Akropolis bad jong ka tempyl na shalor kiba shaniah ha ka suin Sepsngi. Hadien baroh kito ki bnai jong ka shong khapngiah, ka ja ka jhur baryot, ba pempem, la sngewshngaiñ ban khmihlynti ia ki shuki ba aram, ki palong bad ki syngkhien ba mum-mum, ka ja -ka- jhur ba la sdieh la kylla, bad la ka jong ka jynthiah hala ka jong ka kamra ba pyngngad ha la iing.

La ha ka pyrkhath samla ki la shah pynsmiej pyndik da u Kleander ruh, pynban u Ameinias bad u Syrion ki la sakhi ialade ba dei ki lok ba lah ban shaniah ha ki por bakhim, ki bym kai ha ka jingshalak, jingsian bad jingshlur. Haba ka 'er Kyllang

bad ka Langthari ki la paswut ha ki khlaw ba shaphang shatei, ki lympat bad kynting ia ka um ka lüksin ha ban da tyrho thub, haba ki boitha ki kdiah tbak-shi-tbak kum ki thning ha ka khie dew bad ki nongkhawa ki shu tare ha ka jingdum da ka jingkulmar thlim te la dei u Syrion uba la pyrta ki ktien pynshlur ki ba la pyneh rngiew ia baroh ban ialeh ban poi sha ka jinglait im.

Ka pamthwat ruh ka bym khyndiat: mynta pyrshah ka liengthma ki nong Ejina: Mynta pyrshah ki ehrang nong Mur sha shiliang ki paia jong u Herkules : shisien pyrshah ka sankyrnit boitha jong ki nong Phenisia. Ha baroh kine bad ha kiwei ruh u Ameinias u la ieng marshruh mar-tyrpeng bad u Kleander ha kaba pyrshang bad iamor ha ka jingshlur.

Da kine bad sa ki phew tylli ki parom kita ki khynraw ar ngut ki pynbyrngia ia ka iing ka sem baroh kawei katba ki ju iashong man ka janmiet ha phyllaw iing jong u Arkhelaus. Haba ka jingkilan hapoh jimnastum, jaka ialehka, ki dep u Eskhilus bad u Ameinias ki shait leit phai bam ja sha iing jong u Kleander. La sngewthuh hi mynta ba u Ameinias bad ka lunis kin sa iashongkurim klo. Khlem da shynraiñ ia ki riti, ki ban da pynkiar ia ki kynthei sha la ki jong ki puramit, ka iing ka sem baroh kawei ka ialum ha bshem ban sngap ia ki khanatang jong ki nongshang pyrthei. Tengkhath u Themistokles u iadon lang bad ki, u da sngewhleng, khlem da lehrain, ia ka bok jong ka lhien jong u bad ka bynta ba ma u ruh u la don ha kaba tei ia ka nam jong ka.

Khadduh khadwai ka sngi shong kurim ka la poi. Ka sngi baphyrnai ba khleru da kah lyoh wat khyndiat ruh. Dang step phyrngap ka ling ka shit-ir da ka fakren, ka farkhie pashait jong ki khyraw kyllud ba wan rah la ki jingaisngewbha na ka bynta ka lunis bad ban fakmen lang ha ka jingleh burom. Ka phyllaw ka kup da ki tnad diengolib bad da ki kpieng syntiew. Ha ling shetja da ki thup ki kpu ba lakhleh sia-sia ki ap na ka bynta ka dustur ka riti khawai. Hajan ka duwan-ling u lyngdoh u la da buh ia ka rsham na ka bynta ki jingknia bad jingduwai.

Katba ka sngi ka nang kiew nang fald sha neng, ka miej ha kaba la buh ia ki jingaisngewbha ka nang khia bad nangkiew ha ka jingjrang. Hangne ki khiew pleit ba la thaw itynnad, kine ki jaiñ, ki jymphong ba la thain bad suhsyntiew da ki nongai hi; ki mawkordor, ki mohon mala, ki mynjli ki nanti, ki piengsohphe, ka duitara ba la tynsat bniat hati bad ka iit-khmih rupa.

Janmlet ka ling-ka-sem ka wan mih. Baroh ki phyrnai da ki jaiñ shongkurim. Ka Akharis ka ialam ia ka kynthei sha ka khet burom ha kawet ka liang jong ka phyllaw. Ka khmat jong ka lunis ka lieh blad hynrei ki pyllaw harum jong ki irmat ki fathuh ia ka jingjai jai. U ribon kslar u spain ia u shnluh baiong jong ka; ka deng u konipad kslar na ryndang bad u bajumnon ha ryndang kti. Nadien jong ka iabud ki lok khyllud ha ki jaiñ lieh phir phir bad la lam phrang da ka Khlaris bad ka Daphne.

Ynda ki la lah fashong ha la ki jaka jaka ka jynkhang ka plie bad u Eskhilus u ialam ia u shynrang bad bud ki kynhun khyraw baroh. Ha

syndah jong ki ïaid u Kleander, arltang mynsiem: ka jingkmén na ka bynta ka jingsuk u paralok lajong bad ka jingsngewsih ban ïakhlad noh na ka jingñajan pran (paralok) ba kat kata. Haba baroh ki la ïashong u Lyngdoh u pynsngewblei ïa ka jingñapoikha poiman jong ki arngut bad, halor ka duwan, u krñia ha ka 'lei-longpun 'leilongkha.

Dep kata ki mraw ki wan rah ki khuriwaiñ bad ki kpu twbih, te hapteng ka kmén ka sngewbha ki ïasuit kitbok kitrwiang ïa ki nongleit kurim. Shuwa ban kut ka jingkhawai ka jingdum ka mlet ka tap ïa ka bneng. Ki paid ba la bam jingkhawai ki ïa ïeng, ki shim ïa ki dongmusa bad tnad olib na ki biar ki kynroh bad ki ïaid kynhun. Ka ïunis, ba dap ki syntiew na tyrpeng, la synran ïa ka da une u paidbah bad ka poi sha ïing u tnga la jong hapteng ka jingrwai jingkmén bad jingrisa ïaroh ïa ka 'leiLubri 'lei Longkmie.

Ka dongmusa khadduh ka sdang rit sdang snai liwliw lawlaw bad ka dang ai jaka ïa ka jingdum. Ka sur khadduh la lyngaid sha syrnglew haba u Kleander u sngew ka kti ba phrung na pohtit jong u bad ha kaba phai u ïohi ïa ka Daphne hajan jong u. Ha ka jingshai byrngut byrngét jong ki khlur namar ki khmat jong ka ki long kum ki lyhuh ngaw ha ka maiñ bablad jong ka bad shiphang u tharai ba ka pàng.

"Kleander," ka pasiaw kyrkieh, "nga dei ban kren bad phi tang marwei. Dei kaei kaei ka bakyrkieh bad nga donkam ïa ka jingbthah jong phi. Hangno ngin lah ban ïakren khlem da don ba pynwit?"

U i kulmar shiphang katba dang pyrkhat kloi kumno ban kren. "Lashai dang step i pa in leit peit ïa

ka kper olib. Pan ban ïaleit lang bad u ryngkat ka 'men Khloe. Te katba u dang byrngia bad u mali phin hiar sorsor sha ka thwei thymmai kaba ha kyndong kper, hajan ka surok. Ngan ïashem ïa phi hangta."

Jar jar kumba ka la jan sha u kumta ruh ka Daphne ka ïaid lor shala ki kynhun khyllud kiba ïaleit sha la ki ïing ki ïing.

"Phi kwah ban leit bad nga sha kper olib?" kylli u Arkhelaus haba ka Daphne ka leit sha u mynstep. "Ka dei, ka dei, phi duh synei ïa ka jingim laitluid kaba ha Sprata. Kan long bakhlem dohnud ban knieh lut syndet ïa kata ka jingim basuk ba laitlan jong ka Sparta. To, phi lah ban wan, hynrei khot ïa ka 'men Khloe ruh mo ba phin dup ïoh ïa byrngia katba ngan leit sha ki kper bad u Damon."

"Shish, ka kwah ïaleit sa sha kper ruh," rkhië ka Khlaris, "phin dakham muja ban leit bad nga sha ka tempyl u Apollo. Nga kwah ban ïohi ïa ka Bhet jong i kongdeng ïunis halor ka duwan jong ka Artemis. Ish, sngew kwah la ka pali lem ban buh la ka Bhet lud ha ka."

"Toi, ka sngi jong phi ruh kan poi kloï," phai ktien ka Daphne. "Haba phin rah la ki kpieng syntiew ryngkat ka kynhun sha ka tempyl ka Athena, ki khynraw te, hei, kin pyrshang lieb lieb ban peit ïa phi."

Ka Khlaris ka rkhië ïasaw kyrang de bad ka shu sngap noh. Ka Daphne ruh kam kren haduh ba ka jingkieh ha jynkhang ka pyntip ba ka kali khashor ka la khreh. La kyntiew kloï ïa ka bad ïa ka Khloe. U Arkhelaus u shong ha khmat bad ki ïaleit sha kper olib.



"To keiñ, Daphne," ong u Arkhelaus katba u dang pynhiar ia ka na ka kali halor phyllaw mawria, "phin leh aïu haduh ba ngan da wan phai? Phin sah hangne ryrngkat ka lok u mali?"

"Ynnai kata, pa," kynjoh ktien ka Daphne kloilan, "Kata te kam iapher eiei na ka shong iing. I 'men Khloe bad nga ngin ia shang ia ka kper ban leit peit ia ka pukri thymmai. Ynda phi dep sa phah khot noh keiñ pa da kine ki khyannah."

U Arkhelaus u mynjur bad khlem da duh por, ma u bad u Damon ki ialet sha ki kper ba kham jngai. Ka Daphne bad ka Khloe ki mih sha phalor jong ka kynroh ba pyniakhlad ia ka iing mali na ka kper olib bad ki iaïd nalor phlang sha ka jaka ba tngen syrnglew.

Ha ka dong bakhadduh jong ka kper, ha kaba tang ka kynroh ka pynkhlad ia ka na surok ba ialam shaphang shatei jong ka Athen, u Arkhelaus u la shna kawei ka pukri. Ka plie sha surok na kawei ka liang bad sha ka kper na kawei pat ka liang. La ker kyndup ia ka da ki paia maw marbyl balieh. La pynpur da u dieng waiñ na ki paia kumta, lait tang sa ka umpohlew ba pharait phyrnai ha ka sngi, ym lah iohi eiei shapoh shyngkup dahara na kano kano ka liang. Hangne, halor ka ben maw-marbyl, ka Daphne ka ap marwei ia u Kleander naba ia ka Khleo la phah shong kham ha pajih halor ki phlang. Hadien shiphang sawa ki kjat kulai. Ki sangeh katba u nongshong u hiar bad teh ia u kulai ha trai u dieng. Nangta da kaba plait lynti ialade na khap ki dieng waiñ u Kleander u phlor shapoh.

“Hangne Daphne,” u kren khublei. “ka kam kyrkieh aïu phi don?” Napoh ka jaiñpien ka Daphne ka sei ïa ka kot snieh ba la kad bad ka ai ha u Kleander.

“U Ksanthias bad ma nga ngi ïa lok bha, Kleander,” ka kren shida, “bad dei na kata ka daw ba u la wan ai ïa kane ka kot sha nga ha ka jaka ban leit rah ïa ka sha i pa kumba la dei hok ban leh. Ka la long ha ka sngi shwa ba phin wan phai sha ïing ba u la lap ïa kane ba ka la sah tyngkhap hapteng ki tnad ‘lajyngksiang ha lyndet katai ka ïing mali ha kane ka kper. U la ïohi ba ka la kad te u la pyrshang ban wad ïa kawei pat ka lyngkhot, hynrei um lap, lehse la rong noh ka lyer sha jngai. Haba u la pule u la suba eiei te u la wan rah ïa ka sha nga, hynrei, baroh ar ngut, ngim sngewthuh ka tdong ka khlieh. Te kumta nga la tyngkai ban pyni ha phi namar don hangta ka kyrteng jong phi.”

“Ka kyrteng jong nga? kren lyngngoh u Kleander, “ka dei ïa kaei?” u shim bad plied ïa ka kot ba la jot bad peit khongkhai ïa ka.

atus, jingkhublei na  
phi ki khubor na ka  
eh jong ka jingwan hiar  
ki lok baskhem ki ïadon  
yn kata ka por.  
thon u ban ïarap ïa ngi ha ka  
bniah ïa kane, mynta ki sngi bad  
m don Kleander.  
sylla. La phah nongrah ktien  
hukum ha Smyrna.

Ka angum bad ka bitar laiñlaiñ ki ñabeh lyngwit lyngwit ha ka khlieh u Kleander katba u pule ña ki kyntien ha kata ka kot jot.

"Ngam pei phang kamut añu Daphne?" u krenkyan duhlad, "hynrei don ka kam dakait hangne khlem artatien. Hael phi ong ba u Ksanthias u la lap ña ka?"

"Hapdeng ki 'lajyngksiang, ha lyndet kper ñing mali," ka jubab. "Ka lyer, imat, ka la tyngkhap ña ka hapdeng ki sla sha bym lah ban ñohi da ka basuk."

U Kleander u pule biang bad u kyrngah ka khlieh. "Em ngam ñoh, ka umdum hi! Hynrei ka paw shai ba kam dei kaba bha satia. Nga dei ban leit rah beiti sha u Themistokles. Lada don ka jingma ña ka Ri, dei ma u uba dei ban tip."

Ka Daphne ka buh la ki kti halor ki jong u. "Lada ka long ka jingma, Kleander, nga tip phin pha la ka pran, la ka jingim, hynrei husiar bha la ka ñaid ka ñeng. Ka jingim jong phi ka long kaba kordor, wat shu bret pathar ña ka."

Ha kata ka sur kren-kdiar kren ñeid bad pynhusiar jong ka u Kleander u phai khongngoid sha ka. Lyngba ki sla sohwañ ki kjatsngi ki shat syrnglew thorew halor ka jymphong rong suiñbneng bad u shñiuh sawbyrtem jong ka. Ki ngab ki kham sawkyrang ban ña kaba julong bad ki khmat byrsaw ki peiti shongkhia ña u. Na ka bynta u Kleander la i kumba la weng ña ki sarew na pyllung khmat bad u ñohi, ha ka sien banyngkong, ña ka jingbhabriew lymphuin jong ka.

"Ka kordor ka jingim jong nga na ka bynta jong phi, Daphne?" u kylli. U sngew tipbriew ialade katba u kren, u sngewthuh ia ka jingkyrsol ba kyndeh kaba siet tok-tok ha ryndang jong u. Khlem phalang ne artatieñ, khlem da kjuh ne tyngin ka kren synlar: "Kham kordor ban ia kano kano kawel pat ha pyrthel."

Kumba tur syndet ne bym poi pyrkhath, ka jingpeitmat ka plie rynghang ha u Kleander ba kane ka long ka khyllipmat ba janai duh jong ka jingialeid lok jong u bad ka Daphne. Da katno ka jingmatlah bad ka jingblej la tap ia ki khmat bad jingsngew jong u ban ym sngewthuh ba u ield ia kane ka khynnah khunswet na Sparta bad ba ma ka ruh ka ka ield ia u. Mynta u sngewshngaiñ ia ka jingialeh jong ka, ka jingsngewlem bad jingsngewthuh; hynrei um shym imat ia ka jingai bakhraw ba ka ap ban ai ia u.

"Daphne," u kren khroh, "katno nga la bleij, la matlah ruh. Lyngnger-pa-lyngnger, baroh shikatta, nga la pyrkhath ia phi kum ka paralok, la katta ruh, baroh kane ka por nga la ield ia phi naduh ka dohnud khlem da tip. Phi ruh, da shisha, phi ield ia nga?"

"Hooild kein, nga ield ia phi Kleander," ka kem ktien da rkhe artad. "Nga la ield ia phi jin haduh ki por ba la leit ha Sparta. Phi tam ia baroh ha pyrthel na ka bynta jong nga," ka shmuiñ artad, "Hynrei nga la tharai ba phin ym kyndit briew satia ban sngew ia kata," ka bteng biang.

Da kaba bat skhak ia ki kti jong ka u kren stet bad shit mynsiem.

"Oh, ka jingbiej jong nga, balei nga la dei ban ap haduh ban poi ka jingma ba byrngem ban tip ia kane, Daphne? Nga dei ban leit sha u Themistokles. Ka kamram jong nga ia ka Ri nyngkong. Hynrei, jia kat ban. Jia ruh ngan ield ia phi barobor. Phi ngelt ia kata, ha ong? Kloi katba ioh lad ngan sa pan ka jingbit na i pa bad ngin iashong kurim. Phin ap ia nga ko leid? Daphne? phin ap ne em?"

"Oh, hooild keiñ, Hato ngam shym la ap la laisnem mynta? Hynrei kynmaw: Wat la phin da pha la ka longrynieng ha kano-ma-kano ka jingma jong ka Ri ruh, ka jingim jong phi, ko Kleander ka long ka jong nga naduh mynta. Wat bret thurmur ia ka, kynrad jong nga."

Ha kane ka jubanlak jong ka jingshanlah ield bathymmai u Kleander u kdup ia ka ha ki ksangkti, ki rmiang shyntur ha u shñluh, ki khmat, ka shyntur jong ka. Shiphang u piam ia ka, nangta u kynran kynsan. Shi synkhem kyrkieh ia ki kti, shikyntien iakhlad bad, syndet u jah kumba u la wan na shakhap ki tnad dieng sohwañ. Sa shi khyllipmat patde ka Daphne ka iohsngew ia ka jingpynher kulai jong u sha Athen. Ka brisoh olib ka kynjah jar jar.

## X

# BAN RWAT İA KI NONGSHETKYLLA

**H**a ka iingdorbar shikynhun ki rangbah ki ia shong sawdong ka miej taladkam bad iatainia. Ki maiñ jong baroh ki khlathew bad i klang ia-awri, ia kulmar jingmut bad, baroh ki iapelt mrong shaneng ka miej haba shong u Themistokles. Sha kjat ka miej, mar pyrshah, u ieng u Kleander, bad hapdeng jong ki, halor ka lyngknep baphyrnai ka don kata ka kot-jot-sang.

U Kleander u khlem ap slem ban leit rah ia ka sha u Themistokles, ha iing jong u bad hangta ki la ialeh ban kyntip kynthoh lehnohei halor kata ka kyrwoh ba jyrwit. Buk bak la phah ia ki mraw sha ki iing jong man ki jeneral ban tulop ia ki mardor.

"Ka bha ba ma phi ruh phin wan, Kleander," la kyntu u Themistokles. "Kin donkam jingtohkit na phi."

Te u Kleander u leit sha iing ban phong ki jaiñ babha. Ka jymphong rusom ba phir phir kum ki bniat hati kaba don ka snur rong ksiar halor ka rong sawjngum kaba na Tyria bad u pynbeit sha ka iingdorbar ryngkat kiwei de.

Katba u dang kiew ia ki kyndon baiar na ka iew u kynmaw kyndiang ia kato ka sngl barang ka bneng, la mynshiphewsnem mynshuwa haba u Demetrius bad ma u ki la iakhmih na shalyndet u paia ia ki jeneral ba la iawan sha ka iingdorbar ban sngap ia ka jingai kaiphod jong u Phedippides. La don bun ki jingkylla haduh kata ka por. Napdeng ki jeneral kiba u Demetrius u la lah ban ai kyrteng, u Kallimakus bad u Stesilaus ki la kyllon ha Marathon; u Milsiades, da ka tyrut-ka-smer, u Aristides patde la jyllakharit na Athen. Tang u Themistokles u dang ieng. Kham satar bad khraw bor ban mynshuwa. Na kata ka rngai jong ki jingpyrkhat u Kleander u kyndit thret sha kaba mynta bad u iohsngew ba kren u Themistokles.

"Baroh ngi ia tip," u kren khia dathew, "ba u sylem ka Persia u khreh ban bthat ia ka Kris. U la phah da ki Khrongdan sha man ki jylla jong ka Kris ban dawa baiwait bai sum da ka khyndew bad ka um. Tang ka Athen bad ka Sprata kim pat pdiang ia kata; te ngi sngewthuh ba ngi long ki sohpdung jong ka jingingkhong jong u. Ngì pat ngin iakria iapai la ki wait la ki sum. Ha nga patde kane ka shithi jot ka thew ba don u nongshetkylla hapdeng jong ngi."

U shat la ki khmat baroh sawdong ban ioh jingiamynjur. Ki jeneral ki pynnoh shongkhia la ki khlieh. Uwei u phai sha u Kleander. "Ka sakhi aïu phi don ia ka jingkhuid dar jong u mraw ba la lap ia kane ka kot?" u kylli.

"U Ksanthias u la don bad ngi naduh ba u dangrit eh," la jubab u Kleander u da sawkyrang

tiak. "Ngan bah ryndang ia u kum ia uwei na ka iing-ka-sem jong ngi hi. Hynrei u Damon, u mali ha kper olib u dei uba dang shen uba na kawei ka dewlynnong: Ngi tip tang malu mala shaphang jong u."

"Teh musorkar ia u hangta ia kaba mynta ka por," la hukum u Themistokles. "Lada u don kti bad ki nongsylla te un long u simpah lynda un suba eiei."

"Ka thew aïu kane 'm don Kleander' ha ka shithi?" kylli u jeneral ba dang samla.

"Nga tharat, ko jeneral, ka thew sha ka bha bok jong nga kaba nga la sngewslar ia ka jingiasylla ki nongshetkylla ha shwa ka thma Marathon. Nga la eh rngiew ban ioh pyntip ia u Milsiades ha ka por ba blang," jubab u Kleander.

Hai-pahai ka jingfatainla ka pur, hynrei khadduh iawai, na kata ka jyrwit jyrwat jong ka nia-ka-dong la mih lai tylli ki jingrai. Nyngkong: hakhmat kane ka jingma na Persia dei ban phah kyrwoh sha man ki shnong ba sengshnong ki Krik ban pynbor ia ki ban wan iarap iala ka ri trai. Ka ba-ar ban phah briew sha Delphi ban pan daw bad nla na ki nongkhan. Ka balai, ia ki nongsyntiat dei ban phah sha Smyrna ban shem ia ka jingheh jingiar ka jingpynkhreh jong u sylem Persia bad ban pyrshang ban iwsyrwet ia u nongrahktien jong ki nongshetkylla uba dei khlem pep ban shim hukum na u hangta.



Ha kane u Kleander u khie joit.

"Ko rangbah," u kyrpad, "nga pan na phi ba ngan leit sha Smyrna. Ngan pha naphang ban ioh kyndar ia une u ingkhong shyllangmat uba nud ban kynrong biang la ka khlieh ha ka siar kylla."

Mrong u peit na kawei ka khmat ba i dom sha kawei pat bad u iohi ia ka jingiamynjur ba ka wan suki suki.

"Te ko rangbah," ka sur u Themistokles ka khain, "ngin shah mo ia une u khynraw dohiap ban leit? Ynnai iabun ktien ba u sngewshonghok ialade ban ioh ia u nongshet kylla uba la shah pynpulom la ka siar tuh da u, la shiphewsnem mynshwa."

Baroh ki ia phuhsamut bad ki myntri, ki basan bad lyngskor ki ianoh la ka mynjur ha une u nongshlan baangnud.

"Phi lah ban shim uwei u paralok bashaniah bad phi, Kleander, tang uwei", pynhusiar u Themistokles. "Ngim kwah ka kynhun ba bun ban saittwet ne ang-ang shapoh shnong ia ka puramit jong ngi. Leit sha iing mynta bad pynkhreh ban mih klo! kat balah. U Maro, u rangbah-lieng, un ioh hukum ban king mynta ka miet."

Ha ka sngewkmen u khublei ia kita ki rangbah baroh bad u leit bran sha iing ban pynkhreh ialade. Tang iamih na iing dorbar ka jingshongshit ka thynda khyndiat. 'Ka ba eh ban batal ia ka kane ka jingleit kaba khukkhak kumne', u pyrkhat marwei, 'U kpa te un sngewthuh hi. U tip ia kata ka jingkyndrol ba angnud ban iada ia ka jinglailuid jong ka Athen

kaba pynrhem ia uwei ban shakri ia ka, kam pher la hangno bad da kumno. Ka Daphne ruh kan sngewthuh; hynrei ka ban kthang ban ong ia ka ba ki dei ban iakhlad haba ka la i dang shiphang ba ki la ia shem mynsiem iwei ia iwei pat. Ka Akharis bad ka Khlaris keifn ki ban kynroi bad kwah ban tip ia ki dang ki duh jong ka Shael, ka Balei bad ka Bakumno'. U Kleander u dait bniat bad u rai ban wad buit na la u kpa, ban iarap ia u ban leit jar jar. Un batai ma u ia kiei kiei baroh ynda kham hadien habud.

Ka jingeh ka ba-ar ka long: uei u ban ialet bad u. U Ameinias un da bit khlempep; hynrei dang hynne u la ialam ia ka Iunis na Athen ban lamdoh lamkah sha Eleusis. Ym don por ban leit khot ia u, nalar kata, ka jingshem jingleid bathymmai la jong bad ka Daphne ka khang ia u ban kniehlap ia u Ameinias na ka Iunis.

Kumno da u Syrion? U la slew la ka jinglalt-luid hynrei um pat iashong bad ka Akte. Mar ia poi pyrkhat sha u, u Kleander u pynstet la ki jynkam bad jaij ba ksaw hi la ka daw tang katto katne jam u ia kynduh ia u Syrion uba dang leit wad ia u. Da kaba tan ia u na kti u Kleander u pynmih kloj ia u na surok baboi briew sha ka shyngkup kynroh kaba ha rud. Da khyndiat ki ktien ba kyrkleh u ai jingmut ia ka kam bad u kyrpad ia u Syrion ban leit lang bad u.

"Nga tip ba phi kwah ban iashong kurim noh bad ka Akte, Syrion." u kren nguhlet, "hynrei ngin ym jah slem. Kum ban ong ia phi," hangne u saw

ka khmat mleĩn mleĩn, "nga ruh nga kwah ban iapoikha bad ka Daphne, hynrei ngin ap."

U Syrion u rkhiē pashait, hynrei-ka khmat te ka jong u paralok baleid katba u thab tok tok na tyrpeng jong u Kleander.

"Nga la da ong em, ba ka por jong phi ruh kan poi?" u shu kyan rkhiē. "Mynta lehse phin sngewthuh balei ba ngam shym la leh shait kum maphi ha kaba leit king iaklang pyrthel bad ban iatalaiñ bad ki ehrang duriaw man ka teng."

Ka khmat jong u ka tngen biang haba u kynmaw ia ka jingkyrpad jong u Kleander. Ynda la puson khyndiat u khmied bad peit ngang: "Ngan leit bad phi Kleander," u mynjur. "Ym don u briew ryngkat uba ngan shlan sha ka jingma, bad ym don uba ngan thrang ia ka jinglaitim kum ka jong phi. Ka juban hok phi lah ban shantiah ha nga haduh bakut. Ka Akte kan ap ia nga bad nga kyrmen ba u Arkhelaus un shah ia u kpa jong ka ban leit sha ka kper ba ha Salamis kaba u la kular ia ngi. U lah ban sumar ia ka haduh ba ngan da wan phai."

"Ia kata ngan peit ma nga, Syrion," u kular u Kleander. "Nga la shantiah skhem ha phi ba phin iaieng ryngkat bad nga. Ia noh. Ngī dei ban pyinkloi sha iing lada ngi kwah ban kiew lieng mynta ka miet."

Katto katne taiēw hadien ka lieng khañl barit kaba la dap da ki soh dymbur, ka umphniang olib bad ka waiñ ka la rung shapdeng ki lieng lymbrum ha ka kad jong ka Smyrna. Hangne ki lieng ba dap

da u kew na lüksin, ba la ñlah da ki 'riew syngkur na ki khlaw ba shatei ki ñapynhap lyngkor. Hangtai ki lieng kynda na ki phud ryngkew jong ka Tyre bad Sidon ba kit ki jaiñ rusom bad ki musli musla na sha Mihngi ki phriang la ki mar. Ki lieng baheh na Karthej bad Sirakus, na Ijip bad na Syria ki pawang duidui markhap mar-shruh ryngkat ki katto katne ki laikyrnah bad sankyrnah boitha ba hangne hangtai ki khmied kynjeng na shalor kiwei pat. Kane kaba dang wan poi ka tuid lhin sha la ki khwai hapdeng jong kaba na Karthej bad kaba na Ijip.

“Phi lah ban ia hiar bad leit shapoh shnong katba phi mon,” la ong u trai lieng ha u Kleander. “Da plie la ki khmat bad ki shkor, bad wat leit ngat sha ka shrip lada phi lah ban kiar.”

Kumta u Kleander bad u Syrion kiba ñarah mar mar uwei u dieng shan kum ka jingñada, ki leit ban swait shapoh ka nongbah. Ka jingshit ka kham lyhop, ka huri hura ka kham jur, ka jingsma iwtung ka bapher na jong ka Athen. Ka sngi ka thang tar tar bad ym don 'erdurlaw pyngngad ban pynthanda ña ka jingsyang jong ka. Ki surok bakhim napdeng ki kynroh bajrong ki khapnglah da ki briew ki bym ñaiaidkai paralok kum ha Athen, hynrei kiba ñaid pawang shane shatai ha ka suhmatdong bad ka peit shongshan ña u bañaid bañeng.

Hapdeng une u paidbah ki don ki nongwei ba na shiliang ka pyrthel ba ha kata ka por. Kiba kham pawkhmat, ynnai da ñaong, dei ki nong Persia keiñ, ki kynrad ka ri kiba her pynstet ha ki phalki ba i khlaiñ. Ki jaiñ jōng ki ki phalang da ki rong saw

rong ksiar, rong klew bad sawjngum na ka jingphyrnai ka sngi. Ki trai shnong, Ionla, ki kham bun ban ia ki nong Persia, bad ki iaïd hala ka kam ka-duk khlem da leh heh lehtrai; imat kumba ka sangia jong ka kput umsnam kaba la tem ia ka jingiakiat jong ki ka dang pynher ringlew ia ki. Ki shu kynriah sha rud khlem da pynwit bad ai lynti ia ki shipai Media kiba iaïd shen shen arsut ka surok, ia ki shipai India balngan ne ki nong Etiopia babling kiba iaïd lyngien bad peit mushlia sha ka diang bad ka mon. Hapdeng iew ki nong Phenisia bakhaii ki iaïdaiñ dor daiñsap heng heng bad ki Krik ba na ka dewlynnong ne ki thadrong pynkwah ia la ki khlew ki pliang hakhmat jong ki nongshong kulai na Masedonia ne na Thres.

"Syrion, ngam sngewtynnad te ia kane," kren kynjing u Kleander ynda ki la ialet sharum shaneng katto katne por. "Imat ka dei kumba ngi la shait iohsngew shaphang ka jingbun paid u shipai-u-swar jong u Kserses. Mynta ka sngi nga la iohi ki briew ba na kylleng ka hima Persia, bad u rang rahwaït rah sum suda ha kata."

"Kaba pyndum built ia nga," ong u Syrion, "ka long ba kumno ngin lap ia u nongrah khubor bashetkylla hapdeng kat une u bynrlew?"

U Kleander u mynjur. "Nga tharai ba ngi lah ban suba ba u dei u nong Krik," u ai jingmut. "Kane ka syrwet khyndiat. Ngan thong ba ka jaka kaba kham biang kan long ha ka jaka sah u Demarathus, u sylem ka Sparta. Phi tip ba la pynryngkangpar ia u ha ka snem ba nga la leit sha Sparta. Ki ong ba u jur-bor shibun, uba lah ban pynngelt ia u Kserses."

Ki ïaid sonter ïa kawel ka surok, nangta arsut sa kawel pat shwa ba u Syrion un kren biang.

"Nga ïoh buit kawel, Kleander," khadduh u kren. "Ngan ong ïa phi kael kaba ngin leh. Phi leit phai sha la lieng, ne sah shajan jong ka bad ngan leit wad ïa ka ïing jong u Demarathus bad ïa syllok lang bad ki mraw jong u. Ka lah ban long ba ngan iw-syrwet eiei ka ban ïarap ïa ngi ha kane ka kam."

"H'ml" kyan u Kleander," kata te ka bym pynshngaiñ satia ïa nga. Ngan shu kyrshut la ki khongdong ne ki menkjat ha katai ka lieng lyngit katba phi talad ïa ka kam ban ïoh ïa baroh ka shitik. E-heh, ka bym lah long Syrion, ngan leit bad phi."

"Em, em, phin 'nai wan," u khang u Syrion, "tang mar ïapeit ruh uno uno u lah ban i ba phim ju long mraw, bad kata ka ban jakhom. Nga tip ïa ka ktien ka thylliej ki mraw, bad nga lah da kaba jem ban pyni ba ngam pat ïoh jinglailtuid. Namar kata ym donkam ba baroh arngut ngin ïa ïaid sha ka tyngam u sing."

Da ka khñi-ka-khñaiñ u Kleander u shah ïa kata. Te, ynda la kem ïongreiñ ki ïaphai sha ka lieng. Tang mih ka sngi patde lashai mynstep u Syrion u hiar sha ryngkew.

"Da husiar ho Syrion," maham u Kleander. "kynmaw phin kham myntoi u baim ïa ka Athen ban u baiap; sa ka Akte de ka ap ïa phi?"

Ki sngi kiba bud dei kiba jlan duh na kiba u Kleander u ju pynleit. Ba u tieng ban shur marwei

shapoh ka nongbah u shu shong ha tyngkong lieng bakhluit bad pelt seh nalar sla um ne u shu shang lynga sharum shaneng jong ka rynsan kad-um. Ha kawel ka sngi u shlan jam tang sha iew da kaba kyrmen ban lap ia u Syrion, hynrei tang ka syrnglew ruh um iohi lait tang ki shipai jud-shi-jud kiba ima ban pelt, kiba iaboi wui wui ia ka surok kum mynshwa.

Ka kem byrngut ka lap syndet ia u shwa ba un poi sha ka lieng, bad katba u dang pynstet na ka jur jong ka lynti bakhim u tharai ba u iohsngew ki dienjat ba bud dien ia u. Khak u bat la u dieng bad wiak u phai hynrei ym don bamih bad u sa poi noh sha ka lieng khlem da shah kynshu.

Haba la saw sngi la da lah leit u Kleander u sngew tngieng da ka jingpisa jinglynga bad u thaw dem khui ha ka leit wad hi ia ka jaka sah jong u Demarathus, man-kat-baman shato! Hynrei khadduh patde ha ka step jong ka sngi ka ba san, katba u dang shong pelt suwarl ia ka rynsan kad-um, ka syrnglew ba ithuh ka wan paw na kawel ka lynti bakhim bad ka khawoit ia ka lieng rit ban shaw ia u. U Kleander hi da lade u khawa ban leit tan ia u bad u sa ap dngong ia ka khana jong u.

"Ynnai ialen, u Demarathus u jur-bor shishai!" U pynskhem u Syrion, "U sah ha ka iingdulan baheh, ha kliar u lum, bad da ki phew ngut ki mraw ba her shane shatai. Ym don jingeh ba ngan iakhleh bad ki. Nga la iathuh ba nga dei u mraw phet tuh na Arkos. Ka la shim por shisngi ar sngi ban sud (sot, ban jled napdeng u babun) ban peitthuh ia ki na kat

kata ka jingkhleh jaid, hynrei ha ka sngi ka balai te, ngur ngur-nger nger, nga la lah ban jied pynpher uei ba na uei. U don uwei u briew uba, ia ka maiñ-ka-meiñ jong u nga la kum ithuh ngut ngut nget nget. Ngam poi pyrkhath haei nga la iohi ia u mynshwa, hynrei nga la suba ia u naduh basdang, khamtam ba ngam tip ka kam aïu u leh ha iing u Demarathus."

Ki poi ha ka lieng bad ynda la teh skhem ia ka ki iaklew noh sha tyngkong jong ka lieng khañ. Ki lap ia ka kyndon batngen, ha kaba ym don ba pynsalia ia ki. Ki iashong bad u Syrion u bteng.

"Hynnin mynsngi nga la lett sha sem kulai (phi tip katno nga sngewtynnad ia ki kulai) bad katba nga dang don hapoñ kawel na ki sem ar ngut ki briew ki la sangeh thik ha khmat jynkhang. Nangta nga la iohsngew ia uwei ba ong, "Ngan sa ia kynduh ia u ha ka pata kaba ha surok ki kamar, shi kynta hadien ka shiteng sngi. Ong ia u ban wan rah ki hukum na Athen". Nga la khongngold siar nalor ka sem bad, ak la ithaw hi, une u dakaid Kleon".

"Shum hangta, la ksaw!" kynkok u Kleander. "Ngin kynrup im-im peitpelt ia une u runar bad, haleh, sa ki hukum jong u de."

"Ba ia kata keiñ," mynjur u Syrion, "te nga la wan shaphi ba nga pyrkhath ba yn da ngat sa ha ka pyngkhoh te arngut ngin da kham eh rngiew. Phim sngew dei?"

Ki khmat u Kleander ki phyrnai, klir klir katba u kem trait ia ka kti u Syrion; "Ia ka burom jong ka Athen! Ia Syrion" u kynshoit da kaba rkhe, "ryngkat sha ka jinglap."



## XI

# HA KHAP TYNGAM U SING

**K**a shiteng sngi ka lap biang ia u Kleander bad u Syrion ba ki hiar ryngkew bad ba ki ia'id suki da kd'iar shapoh shnong.

"Ngim dei ban shah ba un iohi ia ngi ba ngi bud ia u," maham u Kleander "ka bha ba ngin da swait shwa bad wad jaka na kaba ngin lah ban syntiat ia u khlem da shah iohi ialade."

Ki ia rwad ia ka surok ki kamar bad da ka jingkmén ki shem ka lynti khim ba lam sharud jong ka tang katto katne spah pruh na ka jynkhang jong ka pata, bad ka mih sha kawel pat ka liang jong ka surok. Da kaba rieh hangne ki lah ban iohi ia uno uno u ba rung bad mih na ka pata.

Ha kata ka kynta ba ka sngi ka thang lieh tar tar, ki surok ki jan kynjah jak. U Kleander bad u Syrion ki ap ha la ka ktem khlem don ba iohi ia ki. Khyndiat por hadien u shipai Media baheh mthen u mih na pata bad pawang sheng sheng u da pyneh la ki ksah khohwah bathang ka sngi. Shi kyllipmat u artatien, nangta u padai synrud biang sha ka phang jong ka lynti khim. Shisien arsien u sangeh, u sohkdiah bad u kyrshan pyneh ialade ha kynroh. Hadien kata u pynstet bad jah noh sha kawel pat ka surok.

“Ka waiñ ka ibha hangtai,” rkhe sammut u Kleander. “To ngin kyrmen ba u paralok jong phi ruh un mad ia ka. Kata kan pyñjem ia ka kam jong ngi.”

U Syrion u kem ñlat ia ka kti jong u khlem kren bad da kaba bud ia ki khmat jong u, u Kleander u iohi ia u briew ba dang kiew artet ka surok na kawel pat ka liang. U lyngkot lpan, u shñluh bañong bad rben bad ki rengngab sañlop. U phong ka sopti saispur bad u rah u diengduh bakhia. Ka jingpyrkhat ba nyngkong jong u Kleander ka long ba u dei u nongleit pata ba isih; nadien kata u sngew shngaiñ ba u briew u don tang marwel. Khlem da artatien lymne peit shadiang shamon uta u briew u hlar ia ki ar ne lai kyndon ba ñalam sha ka pata bad u jah noh shapoh.

“Ai por shiphang ba un da bang,” paslaw u Kleander. Haba la ap khyndiat u ong. “Ia mynta,” bad u ñalam lyngba ka surok. Ka jynkhang jong ka pata ka khyrdep, hynrei ka plie khlem jingeh bad ki ñarung shapoh, ia shi khyllipmat ka jingdum tiwtiw, hadien ka jingphalang ka sngi ha surok, ka pynmatlah krip krip ia ki bad kim sngewthuh hangno ki don. Katba ki khmat ki sdang mlien ia ka jingdum ki peit angnud share, hynrei ka kamra ka thylli. Kyndit kyndit ka jynkhang kaba na sha kyndong ka plie wak bad paw u doh jong ki. U Kleander u rynsiet thrait sha u, hynrei kat hamar ba mut leh kumta, Lewlit, pyrta u Syrion. Hynrei la dier eh uta u briew u khun wak sharud bad pynpaw ia ki jynda shadem da ka nar, bad ki shipai Median baphong tupia snleh ki dem roit roit sha u Kleander ba la ñalam da uba leh myndei khawliang.

"Syrion, Syrion, sha nga kloī," u pyrta u Kleander katba u sngew ialade ba u shah ban da ka jingkhia kaba la kynrup ia u. Hynrei u Syrion um ioh por ban iarap haba ki jynkhang ba napoh bad nabar ki plie rynghang bad shi kynhun ki briew ki thynñlom ia u Syrion na shadien. Lehnohei ba pakhop jubor justi ki arngut ki nong Athen da ka kawut ka talaiñ bad diang bad mon. Da ki khadar kim lah dap ia ki ar ngut te ka jingfakhun ka kut kloī. Phler ka sniehdoh bad tuid ka snam ki shah talon, ki shah khum shah teh da ki tyllai snieh bad shah lynshop ha ka ben ba ha syndah kynroh.

Ka jynkhang pohiing ka plie biang bad uta u rieliwong batreinong u rung biang. U shu kyrngah khlieh sha ki shipai bad ki kynriah shadien ki da iapeit thap ia ki koldi. U Kleon, kumba khot kyrteng u Syrion ia u u kam sha khmat bad u pelt klew lew-lew ia ki. "Nongsyntiat!" u bynthlew: "Ki nongsyntiat na Athen! Oh, tharai ba men slan me ong ban par sha iing u Demarathus ban iw ia ki buit ki stad u sylem rangbah. Biej! Nga la ithuh ia me naduh ba me iuh kjat ha iing."

U rkhiē pashaīt bad khamakha u kawut tngang ia u Syrion na ka khmat.

"Biej, pyllut," u nang kynshi kynnet, "me tharai ba me lah ialiem da i buitrit jong me pyrshah ia nga? Katno nga sngew birla ban iohi ba me pelt tuh pyllaw na sem kulai ban tharai nongsiar bastad ialade. Nga la tip ba ngan wan khar beit ia me na shane kumba khar khnam na ka ryntieh."

U phai wak sha u Kleander, da kaba buh la ka kti ha tmoh jong u khynraw, u kyndlet ngek ia ka khlieh jong u. Kawei na ki khmat jong u Kleander ka la sdang jngem snam bad la pjlar snam khyndiat na sha kyndong shyntur jong u.

"U Kleander, u khun jong u Arkhelaus," u rkhe, "kane te ka jingrah rong ka ban biang da kiba ia ithuh ithaw. Ade, ki la pynkhie rangbah ia me mo, ha Sparta?"

U pynjan ka khmat ha ka jong u Kleander bad u kren jkap jkap. "Ki Sparta ki kyrbeh ban iohi ia ka sangsot ba tyngkai ki Persia na ka bynta ki nongsyntiat."

U phai sha ki shipai bad u hukum buk bak ha ka ktien Persia. Shisyndon ki patom bad pynieng ia ki koidi ba la thangiong bad sa pakhud ia ki lyngba ki surok bathang ka sngi sha iing kut. Hangta la pyllait ia ki saikhum jong ki bad la khyniat ia ki shapoh hajot bad la khang kdam ia ka jynkhang nadien jong ki.

Baroh shilynter ym don ba kieh uwei ruh hynrei mynta u ud u Syrlon.

"Ki blei ki la kyntait ia ngi Kleander," u noh mynslem; "hynrei ka pop ka jong nga keiñ, ka jingbakla ka jong nga kaba la pynngat ia ka jingim jong phi ha ka jingma, la katta ruh, phi tip hi ba nga klof ban aiti la ka jong ban pyllait ia phi."

U Kleander u rkhe jubor.

“Wat duh jingkyrmen Syrion,” u pyntngen, ngim pat iap satia, bad mano batip, ka Athena lehse, ka dang sumar ia ngi na shajrong. Ngan ym klet ia ki ktien jong u Eskhilus uba la ong ha nga haba nga la iakynduh nyngkong ia u: “Tang thew la ka dohnud sha ka jinglaitluid bad kan lam ia phi sha kaba phin lah ban shakri janai ia ka jingmang jong ka. Nga ngelt skhem ba ha kano ma ka rukom ngan dang lah ban shakri ia ka jinglaitluid jong ka Athen.”

“Uto u Kleon pat, phi tharai kumno?” Kylli u Syrion. “Phi ithuh ia u?”

“Em, hynrei ka khmat te i kumba nga ju iohi. I kumba u tip shibun shaphang jong ngi kaba aidak malu mala ba u dei na Athen. Ha leh, ioh dei pynban u briew ba ngi ia wad. Ba ngin da lah kynmaw haei ngi la iohi ia u ha Athen kan da long ka syrwet ia ki nongshet kylla hangta.”

Hai-pa-hai iaid ki kynta. La don ka jingorpait ka barit na shaneng ka kynroh jong ka hajot bad na ine ki lah ban thew ia ka jingjem jong ka sngi katba ka nangkhun sha Sepsngi. Kyndit kyndit ka jynkhang ka plie bad la padat ia u briew shajan jong ki.

“Hangto, sa uwei ban pynioh lok ia phi.” Kren mynthi u kapten ki nongphira, bad kdam ka jynkhang ka riw.

La shem ba u dei u Maro, u kynrad ka lieng bad ynda u la lah ban kren ki sa satia ia u da ki jingkylli laiphew rukom. La imat ba shwa ban ieng tyrwiang ka sngi ki la kiew sha ka lieng bad ki dawa ban kynduh ia u kapten. Ki la tohkit bniah na shano

u wan, kiei ki mar jong u, nangno u ioh ia ki nongkhawa bad ter ter. Khatduh eh hadien kumba shikyntien arkyntien kwai eiei jong ka jingswar la wan u riew thymma, u balyngkot pyian, u baiong klaw klaw, la iathuh u kapten bad da ka hukum jong u la kynrup bad teh bad ialam shane sha ka iingkut.

U Syrion uba shu shan la ka khlieh batngleng ha la ka kti um i lah kun ia ka jingpisa mynsiem ha kaba pyrkhat ba u la ialam ia ki lok sha kat kata ka jingsyter bad jingma. Ki arngut ki ia pyrshang ban pyntngen ia u katba ki lah. U Kleander leilei, uba iaiban shi iaiban ba katba dang im ka dang lah hi ban kyrmen. Khadduh iawai ka dum ngaiñ. Ba la shoh eh ka jrem met bad ka jnang bym lah batal ki lai ngut ki shu iadem ha khyndew bad shu thiah lynga.

Ynda kynjat shai shiklong ka um bad u kpu baiong la wanrah u nongsumar phatok, u briew u baheh tmaiñ da ki khmat ruh kiba i dakaaid ba bun ki sohkhliang na ki bun ki jingfatalon. Shikyntien um kren naba um nang kren krik. Haba u laleit noh ki koidi ki phai sha la ki jingpyrkhat ia ka nusip sepsngi kaba kumno kan long ka jong ki katba ki ia wad lad kumno ban lait. Kata ka sngi ruh ka la leit bad sa kawel ka miet de khlem da iohi briew iano iano lait tang ia u nongap koidi tyrdum. Ha ka step ka balai patde ka jynkhang ka plie syndet bad paw u Kleon ryngkat shikynhun ki shipai. Shi kyntien u hukum bad ruk ki iarung shapoh bad trait ki bat ia ki koidi bad teh pyrdet ia ki kti jong ki. Katba ki

dang khynñiat ãa ki sha ka jynkhang u Kleander u kynduh nguk bad u Kleon, u pakhoh tynggeh bad u lait naba bat, u ãeng shiphang khlem khih.

"Shano ngin ãa leit?" u pan jingtip u Kleander, "bad da ka hok aũ me ktah kti ãa ngi kumne?"

U briew u shu wiat talbein, bad u Kleander u iohi ãa ka sohkliang shek ha ka moimoi kadiang ãa kaba u pyrkhat u la iohi teng hangno re hangno.

"Phin leit hajir sha u Jernel ka Persia," rman u Kleon. "Un buh ãa phi, ki nong Athen basarong, hala ka jaka. Ynda ki briew jong u ki la dep bad phi te phin ym kren shaphang la ki hok."

U kynhiet daiñ bad ki shipai ki patom ãa u Kleander ryngkat ki arngut bad ki shah ãalam sha ka jaka sah jong u Jernel. Haman ki dong tang da ki shipai suda, jar-jir hala ka sopnar, ki ãarah ãa ki tlar ba har rukom, baroh ki ãabol ãa thynñian sha ki tyngkong, ki phalor jong ka ãingkyroh. Ki ãapeit mushlia ãa ki koidi kat dang ãa ãaid, bad katto katne ki da ãakren thawnang kynshlein ha la ki ktien, hynrei ym don ba imat isynei ha kata ka jingiohi. Khadduh ki rung ha ka kamra ha kaba u jeneral u la pynlong ãa ka jingbishar rai pynñap shipai.

Harum, ha baroh arliang jong ka kamra don ki miej rit ha kiba ki nongthoh ki shong bun kam, ne ki nongpli pelsa ki pynhap jrop shi jrop ãa ki sbai. Ki nongrah khubor ki ãawan ãaleit khlem sangeh na kawei sha kawei pat ka miej, ki kapten ki ãaid padai lehmeng. Ha ka rynsan, shaba kut ka kamra, u shong u jeneral, u Persia baheh lbeng sa ka ãluhmoh samep

uba phong da ka sopti tama. Nalor kane u phong sa da ka jymphong sakther ba da u rusom sawjngum ba la suh snur da ka kslar bad teh da ki salpan kslar. Ka sati baheh lkhuit lkhuit ki phyrnai ha ki shynriahkti jong u bad u shñliuh bajrong patde la pynthaiñ, pynriam kynshrong kynshroh. Nadien jong u mraw na Etiopia u kaweh pangkha kaba da ki sner klew.

“Wanlam ki koidi,” pyrta u sangot, bad ña ki koidi la khynñiat sha khmat.

“Dem khrup ha u nongmihkhmat jong u syiem bakhrawl” kynhied blang u sangot.

U kapten ka lieng that that u dem khrup la ki khohsiew, hynrei u Kleander bad u Syrion ki ñaeng belt triang.

“Dem”, u byrthen.

“U nong Athen um dem hano hano ruh”, pyneh u Kleander ngak. Hynrei ki ktien kim pat kut lut haba ki shipai na baroh arshruh ki kem ñiat na ki kti; ki khyrwait jubor bad pyndem ha khyndew pyrshah ka mon jong ki. U kyan khmia da ka jingbitar bad jingkhongkhong haba u sngew ngit ngit ña ka sur jong u Kleon uba pharep nongsyntiat ña ki, bad sa ka jong u jeneral ba ai jingrai pynñap ña ki ha ka lashaí dang lieh ka tyngab.

Ñaphai kylla shapoh phatok u kapten ka lieng u dem sah ha ka ud ka ñam.

“Aa! Zeus, kynrad, isynei ña ngl,” u ud, “nga te u duk u suk. Ka mon jong nga te kynrad, shaeí ba



ka don ban noh rem ia phi ki blei! kaei ka let, Kaei ka lait mo kynrad, ka jong nga, ba phim phai kpoh ko Bari, ko Basumar? Ka thie ka mar, ka thie ka mata ka jong nga, ka nong ka jong nga, ka sut ka jong nga; Aa, ka lieng tylli tyllun hi, baroh ha phi, ka blei badonbor ngan pynbuh, ngan bynshet, ha da ka blang ka bhet ruh putet, tang ba phin pyllait mo kynrad ia ka mynsiem, ka sngar ka jong nga, ka snam, ka jingim jong ngi hangne, na Athen, aa, Athena, ka blei ba sylli ia ka phud ka hima ka Kris, to da phi ia ngi."

U lympat ialade da pyllup da lyndang ha ka khuslai, ka duh jingkyrmen bad, u Kleander bad u Syrion, ha bym lah shuh ban pyntngen ia u ki ieh kynthet bad ki shong marjan da kaba shaniah ha kynroh.

"Phi map ia nga, Kleander?" kylli u Syrion da ka sur bapoh. "Wat kren khleh blej", jubab lam bitar u Kleander? "Ka jingbakla ka bym palat ka jong phi ban ia ka jong nga. Ha, da ka hok te, dei manga ban panmap naba dei manga ba la phon la pah ia phi ban wan sha kane ka anipot khyllah sngi", nangta u bteng. "Balei phi la wan Syrion?"

Shi khyllipmat khlem ia kren, nangta jubab u Syrion da ka ba jem jai. "Nga la wan namar nga la don ka jingagnud ban pyndep. Naduh ka por ba ngi la iakynduh, la shiphew snem la lah, nga la don ar tylli ki jingmang halade: ban ioh ia ka jinglailuid bad ban ioh ka jingajan pran bad phi. Ka ba nyngkong nga la ioh. Ka ba ar nga la kyrmen ban ioh ha kane ka tur dohiap, kumba nga la ong ha

kato ka por ba: "Ym don brlew bad uba ngan pha  
ialade ha ka jingma palat ban ia phi."

U sngap noh. U Kleander, ha ka jinglyngngoh,  
um lap ktien ban jubab.

"Kane kam dei ka sien banyngkong ba ngi la ia  
pyngkhoh bad ka jingma, Syrion," u pynshai. "Da  
kumno hi ngim ialong paralok?"

U Syrion u shaniah la ka lyngthohdoh ha kynroh  
bad i reng kjat sngi lytir na i thliew rit i ba ia ka  
khmat batyrha pher.

"Phi kynmaw, Kleander," u bteng kumba kren  
rngai, "kato ka sngi kaba ngi ia kynduh nyngkong,  
kumno phi la kren shaphang ka jingield jong phi ia  
ka Athen bad ka Kris? Phi la ong ba ki dei ki iing  
jong ka jinglailuid bad jingitynnad, bad ba yn ym  
shah ba kin long mraw. Halai halai nga la puson  
jylliew ia kata (ngam shym la pyrwa satia ban  
pyrkhat mynshwa) bad nga la sdang ban sngewthuh  
shaei phi la thew. Wat ban long mraw ha Athen ruh  
ka long ban ioh pakai ia kata ka jingitynnad bad  
ban kheiñsut, kheiñkor ia kata ka jinglailuid. Nga  
la iohi ia ki nong Sparta da ka kilan kheiñ-doh-  
ksew jong ki kaba pynsngop ia ka jingshemphang;  
ia ki nong Persia luhtop; ia ki nong Ijip kiba khum  
bateh ia ka mynsiem brlew kumba ki spaiñ bad  
kyllaiñ spur ia ki met iap jong ki da ki saispur.  
Nga la shemphang ba ka Athen ka ieng ia kael  
kael ka bapher: ka pyrkhat mon, ka kren mon, ka  
tynruh tyndung ia ka jingangnud jong u brlew sha  
ki phang jong ka bor-pyrkhat bad jong ka mon  
leh-kam. Ia kane keiñ ba nga long bad phi shidoh

shisnam, Kleander, pyrshah ia kane ka jingwan thombor ki riwkhlaw runar."

U Syrion u sangeh kren bad ka hajot ka jar jar. Ki iashong tyllap hala ki jingpyrkhat katba ka reng kjatsngi ka kiew mian-pa-mian artet ka kynroh bad ka jah noh sha ka sad. Ka mlet ka wan hiar.

Danglieh ka tyngab ka la long haba la sawa ki jingkyrdem kjat. La riw ki wait ki stieh, la kyrshut khar khar ia u shabi. La kynjat rynghang ia ka jyngkhang bad ka jingba baherher jong ki dongmusa ki pynpaw ia kajuh ka kynhun shipai Media.

"Khie," u kynhiet u kapten, "teh ki tai ki nongsyntiat bad ialam ia ki shabar".

Ki shipai ki rung, ki patan ia ki koidi shrup ki teh pyrdet ia ki kti jong ki shadien, wat u kapten ka lieng ruh u sangeh ka ud bad baroh lai ngut ki ia sngap man-man haba ring ia ki sha jynkhang.

Kyndit kyndit wan ka jingkyang shla na shabar, ka jingmareh ba kyrkieh bad ka jingpyrta ka wan na shapoh dahari.

Pynlait lynti na ka bynta u Demarathus shato," shla ka sur, "ka lynti na ka bynta u Syiem ka Sparta."

U mraw u pynstet, da ring mynsiem he-ra-he sha u kapten bad u pynai ka shithi ba la shon mohor u syiem bakhraw, nangta u ieng shadien ha ka noh mynsiem he-he. Shiphang ki ia ap peitseh. Hangta sha ka jingshai ba her-her jong ki dongmusa u iaid u briew bashai sniehdoh, u bajrong jwaiñ bad u ba riam da ki tama jong u jeneral ka Sprata.

“İaid sharud shato,” u hukum da ka maiñ shongkun, bad ki shipai ki kynriah sharud ki da ieh ĩa u markhmat bad ki koldi.

“To, to, phi la khreh na ka bynta ka jingĭap, nga ĩohi; Hynrei u Thawlang un shah pynnang, shahthok shah shukor la ka nong ĩa mynta ka sien. U Kserses u la hukum jynsur mynsiem ban tyngkai ĩa ka jingim jong phi bad ba yn pynĭeng ĩa phi na shaba phin lah ban ĩohi kyndiang ĩa u phud-u-pyrton, u shipai u swar jong u ba u mih na Smyrna katba ka sngi ka dang kiew mynta ka sngi U khmih lynti ba ka jingbatai bad jingaldur ĩa kaba phin leit rah sha Kris kan pyntieng her-ĭap her-im ĩa baroh ba kan ym don shuh ka pakhang ka pakhing ĩa ka jingdawa jong u.”

U phai sha ki shipai bad u hukum waiwot, “Law ki saiteh jong ki bad pynbud ĩa ngi.”

Dep kata, khlem da peit shuh sha ki laingut ĩa kiba u la kynthet ĩohrnglew na ka jingĭap u phai bad u ĩaid suki sha ka jynkhang ka balam shabar. Tyndep kum ha ka rngai sangla ki sngew ki jingkhum ki jingteh ba ki slor bad ki shem ba ki ĩaid khlem jingwit na khap arpyrton ki shipai. Na beranda, lyngba ka phyllaw war-sha ka surok rynghang ki ĩaid bad, katba ka sdang ban shai phyrngap, ki khyrdop jong ka ĩingkut ki khang kdam nadien jong ki.

Ki la laiti!

Habar ha surok, ki synran mraw ki la dang ap ĩa u syiem ba la jylla-kharit. Na khap jong ki u sot kyrpang kumba shiteng dorjon kiba hapoh u brieve uba long khlem pop u nong Sparta.

"Kine ki brieve ki hap ha phi, Hemon," u aiti, "ialam ia ki sha u lum rit uba ha pajih na ka shnong ban peit suwan ia u pyrton u ban iaiaid. Nangta peit ba ka lieng jong ki kan king ban leit phai kumba nga la hukum."

"Wak u phai sha ki koidi da kaba peit shin khamtam ia u Kleander. "To, ho," u khublei, "Haba phin iohi ia u shipai u swar jong u Kserses brum lymbrum, 'la kum ki sla ka lawbah lane u shy lap ka duriaw', kumba la phawar u Homer, to kynmaw ba u syiem jong ka Sparta un dang ngeit ha ka jingshlur jong ki khun-ki-hajar jong u."

Ka maiñ baphalang; ka bameng kato, ka baangnud ruh kato ki iashad phalang hakhmat jong u, bad khlem kren shuh u kiew ha u kulai bad pynher, sa bud sa ki nongsynran jong u sha u syiem Persia.

Ki mraw ki ba dang sah ki la lah ioh hukum ban aibam aidih ia ki koidi, bad katba ki dang pynbiang ia u kpu, ka shis, ka umngap bad ki soh ki iakren ia khana pynjuh-pynmlen. Hadien kata ki ialam ia ki shabar ka nongbah, sha u lumrit, najan ba ki shipai-ki-swar kin iaiaid lait sha ka lynti ba Shatel, sha Helespon.

Wow! ka jingiohi! ka jingpeit ka ban pyntieng ngit ngit ia ki tipthuh jong u brieve bashlur tam! Nyngkong: iaiaid ki mraw kit mar bad ki nongñiah, lymbrung lymbrem ki da pyntip la ka jingwan da jingpyrta ki brieve ne jingpah ki khashor ki kulai. Ki moi na pdeng ka ktem khyndew ba dap da ka tim ka tla, ka sympat ka kawut bad ka jingkykhlek jong ki ñluhtreng jong ki kulai. Khyndiat hangta lait ka jaka.

Sa shiphang pat u phud-u-pyrton u paw shynna. Haphang jong ki iakodom shihajar ki pehsylli kysai na ki shipai shong kulai ka Persia ba la bud da shihajar kiba rah sum. Ki rah la ki sum da khongpong, bad ki sohphoh ksiar ha tduh ki phyrnai kling kling ha ka sngi ba dang sharing.

Hadien jong ki wan shiphew tylli ki kulai kyntang ia kiba la pynriam pynkup kordor da ka ksiar, da ka khor hemhem, da ka mormor bajlih linlin, bad la buh da ka palki kyntang jong u blei Zeus ba la shna da ka ksiar bad la ring da phra tylli ki kulai balteh phir phir. Ym don jynthaw ba im u ba ioh shong ha kata ka palki te ki nongñiah ki shu bud nadien ki da bat tbiak ia ki lakam ba da ka rusom bad pynfald na shajngai. Ani ka kynjik kynjak pihuiñ jong u Syrion katba u dang peit ia ki.

U Kserses hi ha la ka palki ba la tynsat da ki bniat hati u bud khongdong hala ka riam ka beit jaiñ rusom kordor bala noh pynkhia da ki piengsohphie bad rupa tylli, da ki mynjli bad kynjri tabah. Nadien jong u wan sa shihajar ki nongrah sum. Ki sum jong ki la pynwan dur ha ki soh appyl ksiar bad, bud nangta, sa ka kynhun pawnsam "Ki-bym-ïap" kaba long ka burom jong ka kynhun shipai jong u. La nam ia ka kumta namar ka jingkheihñkhlieh ia ka: ka la long barobor shiphew hajar khlem da tam ne duna. Shi hajar na ki, ki rah da ki sum ba la pyndait da ki sohpieng ksiar, bad kine ki ker tawiar ia ki khyndai hajar kiba rah da ki sum ba la pyndait da ki sohpieng rupa.

Haba kut wan sa shi kynhun ki nongshong kulai; shiphew hajar khlieh briew bad hadien kane

sa bud sa da ki langrut lynrum lynram. Da u bried harjait harrukom, ki ñaid la ka jong kat kum la ka ri ka ri. La don ki tlar thma har har rukom: ki jymphong saispur jong ki nong India, ki barandi bajrong jong ki nong Arab kiba shong halor ki ut, ki snieh labasa na Etiopia bad ki bried ba airong la ka met thohshuit balieh ba saw sawsynñiang, ki sum jong ki pat la sop da ki reng khat. La don ki tupia ba da ka snieh bad da ka dieng, ki stieh kiba da ka tama bad snieh bthong.

Kynta-pa-kynta la ñaid byr-hien ki kynhun brum brum haduh ba ka tдем khyndew ka tap dum ña ka sngi bad ka jingkyrdem ka sngew kum ban khywin ña ka khyndew. Ki nongpeit kin shym la ñeng na la ka jaka tad haduh ba u bried ba khadduh u la lait bad jah shapoh uta u lyoh khyndew.

Haba baroh la dep u Hemon u ñalam ña ki shapoh nongbah bad sha ka kad-um


"Ña ka bor bah jong ka Persia la plied hakhmat jong phi mynta ka sngi," u kren khain, "Ong ña ki nong Athen ba kin ym lah ban ñeng pyrshah ña kat uta u phud u pyrton bym lah ñew."

"Ngin sa ña peit," kren phuhmat u Kleander, "ngin ña khmih mano batip kael kaba u riew laithuid shikham u lah ban leh pyrshah ña u mraw langrut, japhrut japhret."

Katba u dang kren u phai sha ka lynti arsut, sha ka lieng kaba dang ap ña ki. Katba ka sngi ka dang noh ka lieng rit ka mih na ka kad-um jong ka Smyrna bad ka thew belt sha Sepsngi sha Kris.

## XII

# PYNKHREH BAN İAKHUN BAD KI NONG PERSIA



**K**a ĩng jong u Arkhelaus ka dem ngai ha ka jingjar jar jong ka shiteng sngi. Na ka shyngkup thainjaiñ ka wan ka jingriew tak-klak, tak-klak jong ka tangthari katba ka Akharis ka peit pynkhmih ĩa ka jingthain jong shi lyngkhot ka jaiñ thymmal. Na ka phang jong ka ĩingshetja lah ban ĩohsngew teng teng ĩa ka jingriew kdar kdar jong ki khiew ki pliang. Hynrei ha kaba ka shong ka Daphne ka kynjah jar.

Ka la dang thir ksai, hynrei u ksai u la hap na ki shynriahkti jong ka bad ka latai ka neh sbok



hapneh jong ka. Ka jingshit bad ka jingkynjah ki la pynshoh samthiah ia ka, te da ka khlieh ba shanlah ha u paia ka la ioththiah ngai ngai. Kyndit kyndit ia ka pyrda ba pynkhlad ia ka lynti shynkup na ka bshem la khyllied bad u Kleander u iaïd kynjing mian mian.

Ia shiphang u tharai ba ym don badon hangta. Khliak, pat ki khmat jong u ki shat sha ka khynnah ba ioththiah bad u phuh kmeñ. Sor sor u iaïd pynjem kjat lyngba ka bshem, u dem dlap, u pyndei tiak bad u doh kdok ia ki ngab basngaid lyoiñ lyoiñ. Ka Daphne ka khiih thret bad ka saham sa ka khyllie de suki la ki khmat. Nangta da ka jingpyrta bakmen bad ka jinglyngngoh ka khie joit. Buk bak ka bret ia u ksai bad ka latai bad kynthih sha ki ksangkti jong u Kleander. Ka jingpyrta jong ka ka pynmareh ia ka Akharis da ka jingsngewma bad ia shiphang te ka kulmar thlim. Ka rkhie bad ka iam ki iakhleh lang shipor katba ki iaplam iakdup ia u phetwir-phetkma; sa ka thlia, ka taiñ ia u da ki jingbniah bad jingdoh.

“Ah, papun kynrad”, slok slok ka kren ka Akharis, “naei kane ka ehñud ehksang ba phi mih lyndet bad ieh kynthet ia ngi khlem da ang ka kyntoka-kyntien.”

U Kleander u rkhie pynbor ia kata, naba shisha, hapoh ka slung ha Smyrna u la babe palat sien bad maipap ialade ba u la iehnoh jyndat ia la i mei khlem da kren.

“Ngi tharai ba phi la iap, Kleander”, ka phla ka Daphne, bad da shisha ngam pat sngewlah ngelt ba

phi long ha ka doh ka snam bad, ym ka rngai". Da ki khmat ba khlaij ka wiat moiñ sha u.

Katba u Kleander u dang sum bad plie da ki jymphong thymmai la phah briew ban khot ia u Arkhelaus na ka jimnastum bad la phah briew ruh ban leit tan ia u Ameinias bad ka Iunis ryngkat ka Khlaris kaba la leitkai sha la ka kongdeng.

"Wow ka jingbymkheñ lok jong phi te", hynñitum hynñilam u Ameinias, "ban shu thok lok ha kat kane ka shlan nohiap, bad ban ialam da u Syrion ha ka jaka jong nga. Oo, shael u don?"

"Shatai sha Salamis, naduh hynne", rkhe u Kleander, "U la leit pynbeit na ka bynta ka jingshong kurim jong u bad ka Akte. Bad ko pa", u pynbud da kaba phai sha u Arkhelaus, bad ring ia ka Daphne shakhmat katba u pan ktien, "Nga kwah ia ka jingbit jong phi ban iapoikha bad ka Daphne klol katba lah ban pynbeit".

Ka Akharis ka hylla kyndit, hynrei u Arkhelaus u phuh samrkhie hun ia ki.

"Nga la tharai ba phi la ong ia nga ba phim kwah tnga da u nong Athen. Daphne", u kren shongkhia,

Saw ki ngab ka Daphne sa ka rkhe bad wohnia ba ka la mut ia ki nong Athen lait tang u Kleander. Te u Arkhelaus u ai jingbit da ka jingsngewbha u da batai ia ka jingkren thawnang jong u ha kiwei bad, hapdeng ka iarkhie ka iakmen u Kleander bad ka Daphne ki ia pynhiar la ka synjat ka lator hakhmat

baroh. Hynrei haba baroh ki la iashongsylan ka maiñ jong u Arkhelaus ka noh shongkhia.

"Ngi iakren shongshit shaphang ka poikha poiman", u ong, "hynrei kine ki long ki sngi basohsat haba u briew um tip kin kut da kumne. Klei ki jingshem jong phi ha Smyrna, ko khun?"

Da kaba kren lyngkut u Kleander u iathuh ia ki ia kaba u la dang dep iathuh ha u Themistokles haba u la wan phai. Ki ia sngap dngong ia ki ktien jong u bad ki kynjik kynjak sngewtriem haba u iathuh ba kumno ki la lait thaw na ka jingiap.

"Kurwan! u la ioh kren pleng u Demarathus na ka bynta jong phi," pynhiar mynsiem angnud ka Daphne. "I pa i la shait ong barobor ba ka jingpynryngkangpar ia u ka la long ka kam runar bad ka bym hok. Imat u dang don ka jingield na ka bynta ka Kris."

Ha ka jingaidur shaphang ka jingiaid jong u Kserses bad ki shipai ki swar ba byllien jong u ki khmat jong ki ki kylla matlieh da ka jingsuhjer, bad ka Akharis ka shu kren lymmir.

"Ladep ia ngi, la kut ia ngi. Aiu ngin lah ban leh pyrshah kat uta u paid?"

Ka pajut ia ka kti jong u Arkhelaus da ka jingsngewsyier bad jingtieng, ka da tim da tla ba baroh ki rangbah kin shu shah pyniap bad ba ia ka bad ki khun kin shu kut la ki sngi ha ka jinglongmraw ha u syiem Persia.

"Wat tieng ko mei", kren pynshngaiñ u Kleander. "Ngin pyneh triang na ka bynta ka


jinglailtuid, bad ki blei kin iashan lem bad ngi kumba ki la leh ha Marathon. Kynmaw ngi don u Themistokles bad ka lhien lieng iapom jong ngi”.

“Kaba dei ba phi buh khmat ia u Themistokles”, kem ktien u Ameinias, “naba u dei u dieng tyndung bad u shongshan jong ka jingkyrda jong ngi. Phi la iohsngew shaphang ka khan ha Delphi”?

“Shi kyntien ruh ngam pat iohsngew”, u jubab u Kleander, “ka ong kumno”?

“Ñiuma, ki nongrah ktien ki la mih khala khala hadien jong phi, u iathuh u Ameinias bad haba ki la rung hapoh ka tempyl ha Delphi shwa ba kin loh kren ha ka lyngdohkrenblei ka la phrie, la kynhiet ha ka maisang malpap:

“Ak! khun ka bynrlew, pohjat pohratil  
‘Lei, hangta kyrnai pha shong?  
Ka wait bad ka ding  
Aa, ka ding bad ka wait ha khongdong  
Ha khongdong shalyntem ka Syria  
Sak bad sak ban wiang tyllap ia pha  
Phet, pha ralmaw raidieng



*Khiew shwar u blei  
Apollo. ha Delphi*

Na Kynton, na kyntang her ĩap her im, pha ong  
Pham kthang mo ka sngar?

Mynsiem ba diĥ umjew-um ksang, na kyrpong”.

“Sangsot, mai blei!” kyrpad u Kleander la ju  
don mo kum kata ka jingkhublei?”

“Da ap shwa”, ban biang u Ameinias. “Ha ka  
sngi kaba bud ki la leit kum ki nongkyrpad bad ki  
la smai ban ym leit phai ki ba-im lynda kin sngew  
ki ktien ba ai jingkyrmen. Te haba kut ka shwar ka  
kren biang:

“Dieng ngan, skap, sning tyllan tylli

To kit ho, ĩabah ho, ko phi.

Kedar, diengblei, hei, dieng ngai, dieng bthi

La pom la shtah? Byrthab, ka pad, lyntang mo,  
ĩongngaiñ ngaiñ la sop keiñ phi, ka bsiang set  
pdang

Ka um durlaw te set habar, jngai!

Ka shram, ka biar, dait sbak mo Kedar!

Rijied ho, khnong mo, tden tden ki skhem.

Kynroh pat, byrthab, ka biar, kynroh pat  
byrthap,

Ka shram, kynroh dieng kynroh dieng.

Oo. Salamis.. im, im!

Oo, Salamis...ka blei... khurlei... tim. lait

Pynpra pha ki khun ki thei kmie; pynjot pha?

La ha symbai ne jynot”?

Tlip tlip ki ĩasngap ynda la lah kren u Ameinias.

"Ka mut aïu, phi pyrkhat?" kylli u Kleander da kaba kren mian "Ka thew aïu kane ka jingkyngkhet?" Ha ba sdang te ki briew ki ia kulmar jingmut", u jubab. "Ynnai ia len keiñ ba ka kynroh dieng ka thew ia ki lieng iapom, Hynrei nyngkong ngi la tharai ba ngin shah pynngop ha duriaw. Hangta haba man uwei uwei u la lah pynhieng kren da kumne bad da kumtai, bad ym don ba sngewthuh shano ban iaphai u Themistokles u la ieng pyrta pynsngap ia baroh. U la kyrpad ia ngin ban bynshet la ki jingshaniah ha ki lieng naba lada ka ksiang blei ka la thew ba ngin bijai ei ka la dei ban kynnoh. 'Aa Salamis, apot sngi, ne aa Salamis pap lane kaba kum kata hi'. Hynrei naba ka la kynnoh 'Salamis jong ki blei' u ngeit skhem ba ngin rong ia ka jingjop na duriaw".

U Kleander u noh mynsiem iar bad ki khmat ki khie im biang. "Uba kat u nongialam shisha", u pynroh, "Kaba dei kaba la kren u kpa jong u Demetrius haba u la ong ba u Themistokles un dang leh shuh bun ki kam bakhraw na ka bynta ka Athen. Hynrei iathuh shuh seh. Nangta pat la jia aïu?"

"Toi, nangta ngi la phah pynklit da ki shipai sha Thesali ban pynkriang, ia pakhang ia ki nongshun ha lynti khap pdeng lum jong ka Tempe. Phi tip kaba kumno ka long ka khap-kum kaba la pom hapdeng lum; ka baeh ban ioh lynti marpud ka wah".

"Ki dang don mo katta hangta?" knieh ktien u Kleander da kaba lynga mynsiem.

"Katta te em", noh sa ka khmat u Ameinias. "Kaba la jia te dei kane ba ki la shem ba ka don sa

kawai pat ka lynti na shaneng u lum Olympus bad ruh, u Aleksander ka Macedonia u la phah ktien sha ki ba lada kin sah hangta ha ka jaka ba ki don, kin shu shah pynkriang na ryngkhi bad shah thwat na phang", u kren pynkut tliw tliw, "Namarkata ki la wan phai noh".

"Ki phai noh?" kylli sngewsyier u Kleander", "Te kata ym don elei kaba ieng tyngkhap ia ngi bad u paid jong u Kserses? Ym don jinglada satia?"

"Ia mynta kumne hi te, em. Toi, ngi la phah kyrwoh-tikhun (ka ksah ka barit ha i kti khun) sha Sparta ban ong ia ki ban phah mardor ia ki shipai ryngkew. Ngil pat de ngin nang ia pynstet ia ka jingtei bad jingpynbiang ia ka lhien lieng iapom katba lah bor. Ha kine ki taiew ban mih te ngin da ioh shispah laiphew tylli ki lieng ban iaking".

Ki iasangap jar biang katba ki iashong jawllaw ha ka jingpyrkhat ia ka jingma ba shyrkhei kaba dang byrthen. Khadduh kren sa u Arkhelaus.

"Nga khuslai jingmut shaphang une u Kleon", u kynjik kynjak. "Phi ong Kleander ba u tip ia ka kyrteng jong phi, bad ia ka iing ka-sem, bad ba phi la leit sha Sparta. Kane ka mut ba u tip bniah ia ka kam ha Athen. Nga sngew ba ka long kaba kongsan eh ban tip u dei uei".

"Haw iathuh biang kynum, kaba - kumno ka dur ka dar jong u", la ban biang u Ameinias.

"U balyngkot lpan", iathuh u Kleander, "ka khmat ka lam sawdong na tyngam, u shñtuh klaw

klaw bad lymbnep u tap ia ka sohkhliahg ha ka moimoi kadliang”.

Ka iunis ka kieh kyndit da ka jinglyngngoh bad baroh ki phai sha ka.

“Hei, lehse nga lah ban iarap ia phi”, ka kren kyrkieh. “Phi kynmaw kato ka jingkhawai ba ngi la pynlong ha iing haba ine i leid bad i bah Kleander ki la wan phai na Sparta? Katba phi la dang iabam nga la mih blaith sha tyngkong thaiti jaiti ban shim ksai na ka bynta ka jingsuh shrong jong nga, hamar ba nga la mih na jynkhang la wan u briew nguk pyrshah ia nga. U la dang kyrtiang nador la ki tyrteng te um shym la iohi ia nga. Ngam tip mano na ngi ba la kham her rntiew. Thik ka iaklai ka jingai dur jong i bah bad ka jong uta u briew”.

Ik, kulmar ka kren ka khana da ka kylli ka tohkit bun jaid. U Arkhelaus u rah theng la ka kti ban pynsngap jar bad ka iunis ka bteng”.

“Nga la kylli u dei uei bad u kwah aiu, bad u la iathuh ba u dei u shakri jong u Demetrius bad ba u dang wad lynti ban leit sha ka dong jong ki mraw. Kumta nga la pyni ia ka phang bad nga la shu peit ba u iaid”.

“Hynrei, balei iunis ba phi khlem iathuh ia ngi ha kata ka por?” thlia biang u Kleander.

“Ei ban leit pyrkhath ba kan khraw haduh katta”, phai ktien ka iunis, “ka la i kum ka kam ka bashait long bad ka bym i jingsuba eiei”. “Ka dei kaba ong ka iunis”, ban nia u Arkhelaus, “ym shym la don daw ba kan iathuh ia ngi ne suba eiei ka bama. Jar



katta ruh ngi dei ban pyntip ia kane sha u Themistokles. Ka lah ban pyni syrwet ia ki nongsiar klep hapoh nongbah”.

“Ka sma keiñ, pa”, kren sa u Kleander. “Ka thew beit ia ka iing u Demetrius. Ym dei na ki ba phi la ioh ia u Demon ban sumar ia ka kper olib? Ki dei ban long ki nongshet kylla”.

“Suki suki, ko khun”, knieh ktien u Arkhelaus katba ki khynraw arngut ki ieng. “Ngim dei ban kynjoh khamakha. Leit ai ktien ia kane sha u Themistokles bad peit kumno u ai jingmut. Toi, ia kaba ki la don arngut ki mraw kiba la siar klep kam pat blang sabut satia ban pharep ia ka iing ka-sem kaba don-ba-em bad bakhraw bor”.

“U Demetrius u la ju mynthi kynkok barobor ia kael kael kaba nga la ñiewkor”, khñiañ blang u Kleander. “Wat ha shwa ka Marathon ruh u la ngeit ba ki nong Athen kin shah jop. Ia um, Ameinias, ngin ñaleit ryngkat sha u Themistokles”.

U Ameinias u rkhte jai. “Kata kynum, ngin ia leit lang blang sha kane ka kam-im kam-ïap ryngkat?” danda u Ameinias. “Ka dei hi ban long kumta”. Bad ki arngut ki ñaleit ryngkat ban rah ia kane ka khubor sha u Themistokles.

Khui-shi-khui, arbnai ki ñatrei ban pynkhreh ia ka jingñada ia ka Kris pyrshah u Kserses. Kawei ka lieng hadien kawei pat la shna la pyndait bad la king pynlang sha palat ka ryngkew jong ka Attika. Ki jingkyrpad lymmir ne ba kyrkieh lynga ba la phah sha ki nongbah bamarkhap ki la wan rah ki

jingpynkhlañ ba donkam eh, wat lada ki shnong bajngai ki khlem phah eiei ka balarkam lait ia kaba tam na ka ktien ka thylliej ba jali jaum. Na Megara patde, na Korint bad Ejina, na Treosin bad ki dewlynnong barit na sha kito ki thañ la wan king ki laikyrnah boitha, ki sanphew boitha. Man ka sngi ki leit sha ki lieng ki balang ha man ki suhdong bad ki kad-um.

Ha ki por ki por ki wan ki khubor na shatei jong ka Kris: ki khana shaphang ka jynktieng ba sngewphieng ba dang pun ha ka Helespont na ka bynta u shipai u swar ba un ka am lyngba khlem pynjhieh ia ki khongdongjat ha ka khriang balat-lat jong ka. Nangta wan sa ka ktien shaphang ka jingkhmih suwari ha Doriskus haba u Kserses, ynda un da dep peit rong nala ka jong ka palki ia ki sawphew hynriew ki ri kiba pynlong ia u phud u pyrton jong u u la kiew ha ka lieng heh jong ka Sidonia ban khmih thuh ia ki lhien lieng jong u. Wan ruh sa ka khubor ba ki jong ka Thesali ki la ksam noh sha ka liang u Kserses ba ki la sngewingkhong ba la weng noh ia u pyrton ba la phah sha Tempe ban kyrda ia ki. Kat ba dang wan (uwe! suki hadien uwei pat) juud ki khubor kumne ka jingkhaweit bad ka jingsngew ma ka iai phriang hapdeng ki briew jong ka Attika.

Ha pdeng kine ki jingpyntieng baroh ka jingshlur bad ka jingiaineh jong u Themistokles ryngkat ki nongiarap jong u, kim shym la kynran dien. Da ka ktien bad da ka kam ki la kynrong ia ki mynsiem jong kiba sngewtlod hapdeng u thab u dap. Da ki jingtrel ba la ai ia ki ki nangsngew ioh mynsiem ba ki sngew ba ki ruh ki don ka bhah ha kane ka suh-

mar-ïap kaba ki dang pynkhreh. Ìa ka kitkhlieh kitkhia baroh la tynrong ha ki, bad, haba ka tamasa Olimpik ka la plie ha kata ka snem ym shym don uwei ruh u nong Athen uba ìakop ne peitkai. Ka long-ka-man jong ka Kris hi ka dem ha ka syrtiwait, bad ka Athen ka dei ka nongkieng stieh kiengwait jong ka.

Khadduh la poi sa ka khubor ba u Kserses u lah da poi ha Therma ryngkat ki shipai bad ki lleng khlem da don ba ìapyneh bad u. Da khongpong pynban. Man ka jylla ba u la ìaid ka la pynkloi ban pyndem wait, putet, don na ki kiba la nangai pynbun nongïapom sha u bad sa ka pynbiang bam pynbiang dih ìa ki baroh.

Te ha kawei ka sngi u Kleander bad u Ameinias kiba dang ìaleit sha u lum harud Athen ki la ìohi shajngai ìa u lyoh khyndew ba u jan sha ki. Shi kynhun ki khynnah rit ki ìa bud ìa ki bad da kaba phai sha ki u Kleander u pyrta. "Kloi, mareh sha ìew, ìathuh ha baroh ba ki shipai Sparta ki don hangne".

Kum ki khnam na ryntieh la suh wlaw arngut ki khynnah ban ai ìa ka khubor babha katba kiwei pat ki ìa ap lynga, da kaba shan khmat pyrshah ka jingthaba, ki peit rhing ìa u lyoh uba nangjan nangjan. Shen hapdeng ki lyuh pumpum ki mih paw ki sopsum bad ki stieh kiba phalang ha ki rengsngi kum ka dak barieh ba wanlam ìa ka khubor jong ka jingjarap bad jingkyrmen. Nangta jram jram sawa ki kjat ba kyrdem ha ka jingjar jar jong ka pdengsngi. Kat ban wan phai ki khynnah ba la bud da u paidbhur ki shipai Sparta ki la da poi ha ka jaka ba ìeng ka kynhun barit kaba dang ap ìa ki.

Ha khmatduh ìaid u Leonidas, u sylem, uba palat

liam ka rynneng ia baroh na tyrpeng sha khlieh. Jyllun ka maiñ ka meiñ hapoh ka tupia ba shyrtong nar. U ialam laispah ngut ki kynsai ka Sparta ki baklit, ba kian bad bajuha ha ka thma. Ki tehnoh shadien ia ki 'rangmatti ban pyndap ia ki jaka jong ki. La don artad lai hajar ngut ki shipai na kiwei pat ki nongbah na kiba la iaid lyngba na shaphang Shatei. Ka kynhun riewshlur, khla-ka-wait ki la long, bad da ka jingsngewheh sngewhieng ki nong Athen ki iaid marshruh bad ki shapoh ka nongbah.

Ani, ka jingpdlang burom. Ki shiphew ngut ki jeneral, ha la ki riam shidap shidap kyrdan ki pdlang ia u Leonidas bad kiwei pat ki jeneral lem bad ka kynhun ha ka iingdorbar. Ki khawai pahuh ia ki bad ki ialeit lang sha ka tempyl jong ka Athena ban pyntang ka nguh ka dem, ban kyrpad, ban knia ban dup ksaw ka wait ka stieh. Ki trai shnong ki iakop ha ka jingsbun jingsbur ban khot basa ia kine ki nongwei ki ban dei ki nongpynshah kyrda hapdeng ka Athen bad ki nongwan dakhoh. Arngut na ki nong Sparta, u Pithias bad u Hilarion, kiba la iashong skul ryngkat bad u Ameinias bad u Kleander ki ialeit bam ja sha iing jong u Arkhalaus.

"Hangno phi ieng, Pithias?" kylli u Kleander ynda ki dep byrngia shaphang ki por barim bad shaphang ki jingkylla bamih naduh ba ki arngut ki nong Athen ki la mih na Sparta.

"Ngin ialeit sha Thermopile", u jubab. "Ki ong ba ka bym lah pynpei da kumno kumno ruh. Ka don ka syngket bajrong na kawel ka liang bad ka niur niur na shawei pat. Don ki lyngboh ha kjat lum ha kaba ngi lah ban sher dara, hynrei ha baroh artduh jongka lynti ka khim haduh katta katta ba ka kali ka lah

ban iaid tang kawel kawel shisien. Kat kaba nga lah ban ong, ngin bat ia ki hangta da ki bnai lehse kin iohi ba ka long lehnohei bad kin leit phai noh lymda ki lhien jong ki kin pynkriang bad kynrup ia ngi nadien. Kata pat, ka jong phi keiñ ka kam”.

“Kata kaba ngi sngewthuh hi”, mynjur u Kleander, “ngi dang phah ia ki lieng jong ngi sha Artemisium kaba mar pyrshah ia ka Thermopilee, ka jaka te kaba pura ban kyrshan hapdeng ka lubea bad ka ryngkew. Ngin pynsah ia ki. Wat tieng, Jar katta ruh dei ban ong ba nga kwah ba u Themistokles un shimti ia ka hukum”.

“balei ym dei ma u?” kylli u hilarion.

“Katto katne na ki lok synrop ki kwah ia uba na Sparta”, iathuh u Ameinias, “Te wat lada ngi la phah bun duh ki lieng ngi la mynjur ban tait la ka hok bad ngi la shah ia u Euribides ban shimti”. Kata te phi sbun palat”, ong u Hilarion, hynrei ka paw shai ba u pyrkhata ba ka dei hi ban long kumta. Te, da kaba ieng, u pyndait la u panpoh bad u shim la ka tupla nar. U Pithias ruh u ieng.

“To ho”, ki ia kylliang ktien. “Ka Ksaw-ka-Kpong bad ngi bad ka pap khawia ia kine ki riwkhlaw. Ngi dei ban leit phai sha la ki kynhun.”


Dang step ki iamih bad iaid shatei ban bat ia ka jaka bakhim jong ka Thermopilee, bad ban ap ia ka nusib ba ki blei ki phah.

Ha ka sngi kaba bud ka lhien lieng iapom ka mih na kad-um bad pynkle jafpdung shaneng ka ryndangum lubea sha Artemisium. Ha kita ki leit u

Ameinias bad u Kleander hynrei da ka jingsngewsih ym ryngkat.

"Nga sngewsih Kleander", u kren u Themistokles, "hynrei phi dei ban leit sha ka laikyrnah jong u Phormus. U Demetrius u pyniaid hangta bad ki phi dei ban leit ban kdiap ia u. Ngim lah ban phrlang ia kam jingsuba jong ngi halor lieng, te ym don balah ban leh ia kane. Phin ioh ia u Syrion ban iarap ia phi, bad tang saham siarklep i tyrsim iong ruh, lewliit, trei ngak bad ngak lane kynjoh ktien sha u Phormus, kit bok la ka ksaw ba phin kyndar ia u nongshetkylla".

Te u Kleander bad u Syrion ki leit sha ka Herkules. Bad u Ameinias patde u long kaptenlieng ha ka 'Yiem Khyllud. Bad shwa ba kin ia mih noh ha kaba jar jar khlem jingai sngewbha ne jingkhawai dawai lane jingiaiaid dongmusa na ka daw ka jingma jong ka por, u Kleander bad ka Daphne ki ialong shitnga shidoh da ka jingkyrkhu u Kni u Kthaw ha khmat ka duwan jong ka 'lei longiing longsem.



*Ka lieng ki Kritk*

## XIII

# HALOR KA HERKULES

**K**a jingking lieng ka la long kaba suk na ka Kryndang-um sha Artemisium. Bad, hadien shisngi ne tam ba ki shipai Sparta ki la sher dara ha Thermopilee, ka lhien ruh ka la poi sha la ka jaka.

Haba la kynjat shai, ha ka step babud, U Kleander u dang ieng ha khlieh jong ka Herkules, ka khmat ka phai sha Mihngi, u ap mrong ia ka jingpaw nyngkong jong ki kjat sngi ba un dup suit dup shor ha u Apollo. Byrngut byrnget u lah ban iohi pyrshah ka suiñbneng ia ki lum bajan jong ka dewlynnong lubea ha ka liang kamon. Ha dymmiew jong ki ka ieng ka lhien iapom jong ki Krik kaba pynnoh lyngkor bad, hamar ia dung nyngkong ki kjat sngi na shyngkup mihngi sha ka sad suiñbneng, ka kiew ka jingpadiah phawar ba pynbud ia ka jingknia step.

U Kleander u bud ia ki ha ka phawar, bad haba phai, u iohi nguk ia u Demetrius. Ki arngut ki iakhublei pjah wat lada ka la dei ka sien banyngkong ba ki iakynduh hadien bun snem ba ki la iajngai. U Demetrius u la long kumjuh hi, u khun riewspah, u binong bishon jong ki khynraw ka shnong. U i bym don jingklusai elei ia ka jingdon jong u hangta. Ha ka jinglehheh, lehmeng, u pyni ba u khein dewthala

ia la u paralok shongskul barim. Kane ka jingleh ka la pynsaw-pynsian ia u Kleander artad ha ka jingartatien ia ka jinglehhok jong u Demetrius. Une u long kapten ha ka Herkules katba u Kleander pat u long sekretari ia u Phormus ha ka lieng.

"Tyrwa knia ha u Apollo?" kren jyllud u Demetrius, ha ka sur kaba long kum ka jong u bahalor ba ai huspai, ba leh long kynrad, "Ka badei; u briew um lah ban shanlah than ha kine ki sngi. Hei, la wan poi u nongrah khubor na u Iuribiandes, ka bha ba phin leit peit u kwah aŭu".

Da kaba kren salia u Kleander u leit sha lyngkdong jong ka lieng hynrei u nongrahktien u la da don bad u Phormus te u la dei ban ap iaishah haduh ba la than ia u.

U Phormus basakhui ka met, u rangbah ka duriaw da ki bun snem ka jingshemphang u la shu kyrbam sammut ha kane ka hukum.

"Ngi dei ban king shisyndon", u kren lyngkut, "ong ia u kapten ban pynkhreh ia ki briew bad u rangbah-khawa ban pynmih ia ki boitha".

"Ka lhien lieng baroh, kynrad?" kylli u Kleander, "ne tang ka jong ngi"?

"Tang lai na ngi", u jubab, "Kawei ka Treosin, kawei na Ejina bad ka jong ngi. Ngin ialet ban swait ban peit lada ngi lah ban iakynduh ia ki nongshun".

Tang ha shiphang ka lieng ka khih: ka khrum-khram shane shatai, ka hukum ka kynhiet, ka jingkyrylat ki dieng, ki khnong bad ka jingiapatied



jong ki tlar iapom. Nangta, nalar jong kane baroh ka sawa khamjam ka jingsangoh thum shi thum jong u tyrnem dieng u nongphawar-boltha katba u aipor padiah ia ki nongkhawa, bad ki siang jong ki pat ki peh ryntih bad sar-bad-sar ki thab ia ki sla um.

Ki lai tylli ki lieng ki iamih na ka jaka rieh ha ryndang lubea bad ki king suki shaphang Shatei, ki da wad lynti narud narud ryngkew. Baroh shisngi ki iaking khlem da iohi eiei ia ki nongshun, bad mynmiet ki iarieh ha kawei ka khap-um. Ki brieve ki ialeit sha ryngkew ban jyrtieng la ki mat ki pung bad ban riam rabbit ban dup ioh bam tah ja. Ha ka por mynstep ka suwa um rupa ka per hapteng ki lymphen dieng, ka her tir-ltir ha sla um bad, hapteng jong kine, ki ia-king blang sha durlaw.

La dei ynda la kham noh ka sngi ha kata ka sngi ba na ka kyndangrwat la pyrta. "Jaiñpdung hol" La jan dei ha ka juh hi ka por ba ka laikyrnah jong ka Ejina kaba la don ha marshruh bad ka jong ka Athen, hynrei kham shapteng um, ba ka la aidak ba ka la iohi ia ki jaiñpdung jong ki nongshun. La dei ban shu ia pynkhreh kyrkieh namar ka la paw ba ki nong Persia ki la iohi shwa ia ki bad la dang lynsher beit sha ki.

La don shiphew tylli ki lieng jong ka Persia bad khambun na ki ki khamheh ban ia ki jong ki Krik, te ka pawshai ba kaba kin lah ban leh ka long ban shu pynsyat la ka jingim bad ban pynjot katba lah ia u nongshun ha kane ka jingialeh banoh shiliang. Ha la ka pulit, u Phormus u phong la ka

soptinar bad tupia nar bad, ha kaba shim la u sum bad ka stieh, u khawoit sha u Kleander ban bud ia u sha tyngkong.

katba ki dang ia mih u peit plsa sha ryngkew.

“Ngi jan than sha khyndew, Kleander”, u pyrta lyndet nalar la ki tyrpeng, “Kumno ngin ioh jaka ban pyndong lieng. Ong ia u nongkhyrwait shnet ban rah ia ka khmut sa katto katne dieng sha pdeng um”.

Shwa ba kin poi sha ka tymbetshnet jong ka lieng ki lap ialade pynban ha pdeng ka jingkulmar ka bakhrav. Ki shipai bad ki maji ki shu iamareh lymmir shane shatai, ki ia kyang shla ba la dep ia ki.

“La rong ka lyngkhuh ia phi ba phi ia phet lamwir kumne?” kyrhuh u Phormus u da tied bad tyndung da u sum ban pynsangeh ia kata ka huri hura. “Rangbah ka Athen, kamut aïu kane ka jingiakynroi jingiaklat? Sha la ki wait bad ki stieh bad shala ki jaka. U nongshun la hangne!”

Da kaba mai jubor na pdeng uta u briew lymwir u poi sha ka jynkieng jong ka lyngkdong lieng, u Kleander ha ryngkhi ryngkhi jong u, bad kiew shalor. Haneng u poi markhmat bad u Demetrius bad u kynhiet, u byrthen ia u.

“Blej! la dei ba men hukum ia kine ki briew. Ka mut aïu kane? Balei mem kynhiet ia ki sha la ki jaka? Hato ka iktiar jong me ka kom haduh katta ba men shah jemdaw ha ki?”

U Demetrius u wiat jew-ler bad u shu kynphuit la ki tyrpeng.

"Ki iohi ia ka jingbymler-kam ba shah tam briew, kapten," u kyrda arsap. "Lada ki kwah ban pyndem wait, hato dei ba ngan khang ia ki?"

"Pyndem wait!" ka khmat u Phormus ka saw laiñ laiñ da ka jingkhong-khong. "Ka laikyrnah ka Athen ba kan pyndem wait namar ba rit paid! Me lamwir ne me buaid?"

U phai sha khlieh ka jynkieng bad u kyang pyrta. Ka kynhun ha syngkai lieng ka iasangeh ban iaphet wir bad kulmar.

"Kynmaw ia ka Marathon," kyrhuh u Phormus, "to ngin ia ieng skhem kumba dei ia ki khun shynrang ka kmie Kris balaitluid pyrshah ki riewkhlaw. Sha la ki wait u sum bad sha la ki jaka."

Hynrei ka spah ka phew jong ka iing u Demetrius ka la bam-krang kangar ia uta u maji, bad la theh jyndeï ia ka haba u kapten u la khar ia ki na khlin na lad. Ki ia peit sha u Demetrius ban pyni lynti. U rah la ka kti baswai.

"Eiei ruh ym ioh, lait tang ka iap bad ka shah tehmraw lada ia pyneh bad kine ki shiphew lieng jong ka Persia." U kren jalaij-jalaij. "Shah jem bad dem, bad yn pdiang iaphi da ka burom. Nga hi ngan sa kren na ka bynta jong phi ha ki khun jong u Peisistratus bad phin ioh ka nong bad ka jinglada hapoh ka lama jong ka Persia."

U Phormus bad u Kleander ki shu peit blej tymblong ha kane ka jingkren ba shetkylla. Nangta u Phormus u phai kum u khla sha u Demetrius.

“Nongshet kylla!” u kyrhuh bad rah la u sum. Hynrei shwa ba un ïoh sum, u khnam u suh wlaw na sha tyngkong bad krak u sam na ryndang ba lait na ka jingda ka tupia nar bym shym la syngit. La mih ka jingkyrkait bad jingkyrkaw jong ka haramnimok na shapoh bad ka iatur trait trait katba ka met jong u rangbah jong ki ka kyllon bad hap jraiñ na jynkieng shakjat jong ki.

Baroh ka la jia wiak ha ka shikhyllipmat bad u Kleander um shym la ïoh por ban pakhang. Mynta ba u la ïohi ba la kyllon u Phormus u kyrih ngang sha u Demetrius, bad ha kaba phai u ïohi liak ïa ka tyrtho um ba la lympat ha ki maw ha ryngkew tang katto katne spah pruh ka jingjingai. U nongkhyrwait shnet, ba u shu peit tmang ïa ka jingjia bahakhmat jong u, um shym la ïohi eiei ruh em ïa kaba la jia.

Khliak ka shat sha ka jabieng jong u Kleander kaei kaba u dei ban leh. Katba u Demetrius u dang wan sha u da ka jingwiat tabaiñ ha shyntur, u Kleander u ai shi kura tngang da ka mon na ka tmoh; kum ka tyndaw tylli u kyllon, u pat khlup ha tyngkong; bad, shuwa ba ki nongbud ki peit mat ïa kaba la jia, u Kleander u siet thir bad pum u kynrup ïa u nongkhyrwait shnet, U brielw u siet kum ka malaishito bad u Kleander u khyrwait tynggeh war, shiawat ïa ka shalyntem shnet.

Mar ba ïa-kyrngah ka lieng da kynriang ngak, ka jingpyrta ka wan na ki nongkhawa ba na sha

khrum tyngkong. Kim tip kaei kaba la jia shaneng  
 khlieh jong ki, bad ki ia pyrkhat ba ka jingsawa jong  
 ka jingpyrta bad jingmareh ka dang long ka jing-  
 pynkhreh na ka bynta ka jingialeh. Mynta pat ki  
 iashohbilet thapnger haba ka lieng ka la kyndar haba  
 phai bad rah ia ki boitha shalor sla um ka da  
 pynngop de jlang ia kiba sha ka diang shapoh um.  
 Haba la rah da la ka jong ka jingshah kynjat da ka  
 lyer bad da ka khriang-um, ka Herkules ka lynsher  
 shapoh ka khiewdew bad ia shiphang, ka synrud,  
 ka pakhuu bad tynrah halor ki mawslang mawlong  
 kiba don hapdeng jong ka bad ka ryngkew. Khadduh  
 ka lieng ka takhuu ngak bad jrak ka tynsah ialade  
 ha uwei u mawshynrut banep, uba kham jrong ban  
 ia kiwei pat bad ka neh tden hangta ha ki proh  
 baiong jong u.

Mynta seh! ka jingkulmar kaba dang shu dep  
 long kam long ianujor eiei! Na shapoh khrum u ia  
 kiew ruk ruk u nongkhawa ha ka pyrta ba ka kpoh  
 jong ka lieng la kreng kreng kum ka shalani bad ka  
 um ka la da dap ha khohsiew. Ki pynkhlehang  
 shuhshuh ia ka jingkulmar bad jingtriem halor  
 tyngkong. Bad, kumba man la u briew mynta u don  
 tang kawei ka jingpyrkhat... bad kata ban pynlait im  
 ialade--- ki ia sdang ban rynsiet na ka lieng shapoh  
 um. Don kiba jngi, don kiba snoh ha ki lyntang, ha  
 ki dieng tylli bad wat ki nlut ruh tang ban loh poi  
 sha ryngkew.

Na ki jaka jong ki, ha ki tyngkong harum, ki  
 nong haramnimok kim shym iohi shynna ba la jia  
 afu ia u nongkhyrwait shnet, hynrei ki iohi ba kyllon  
 u Demetrius te khyndiat ngut ki iañlom ruk-ruk sha

u Kleander. Katba ki dang mut kynrup ia u da ka jingbitar laiñ laiñ ki sngew patde ha la poh kjat ia ka jingtyndang bashyrkhei jong ki lyphur, ki khnong jong ka lieng haba ka takhuh. Klet sa ka kput ha ka angum ba byrngem ia ki, ki phai kylla noh, ki da ieh noh la u doh ba kyrsia thapnger ha ka jingbitar, hynrei khlem da mynsaw eiei, bad ki ia pynstet katba lah ban pynim ialade.

Del hangne keiñ, ha lyngkdong jong ka lieng ba u Syrion u lap ia u Kleander hadien ba u la plait lynti ialade jubor justi napdeng uta u paid ba ha kjat jynkieng. U iohi nyngkong ia ka met jong u Demetrius ba la iap ler, bad ka jong u nongkhyrwait shnet, bad nangta sa ia u Kleander, lyngngoh khlem tupia bad ngaiñ ka thangiong da ka jingbitar.

"Kleander," u kren lyngngoh, "ka la jia aiñ? la kem ka Byrdaw mo ia kine ki briew!"

"U Phormus? Syrion," u da kylli da u ryndang bahewhew. "Phi la iohi ia u Phormus? u la iap?"

"A kynrad um khih shuh," la jubab u Syrion da ka jingsngewlyngngoh, "kaei kane ka jingriam klep hangne?"

Baroh arngut ki iapelt dngang ia ki jynker jong ka lieng bad ki iohi dong-ldong ba khih, ha sla um, da ki khlieh baiñong jong ki nongjngi bad ki kynhun barit shane shatai ba mareh ban tan la ki lok na ki khiedew jong ka duriaw. Ym imat ba don ba kynmaw ia ki te, ka la kham idel ban shu sah shipor ha ka jaka kaba ki ieng. Da ki kyntien ba kyrkieh u Kleander u batai ia ki jingjia kiba la pynpoi sha kane ka jingiap mynsaw.

"Pleng, u Demetrius u la dei da u nongshetkylla,"  
noh mynsiem u Syrion. "Balei phi khlem pyniäp iä  
u?"

"Ngan jin da la kwah," jubab u Kleander da  
kyriat briat. "Ngan da pyniäp iä u ha shen hi, hynrei  
mynta ngam lah ba um tip briew. Toi, u dei ban leit  
phai sha Athen bad shah bishar. Kane ka dei ka  
jingsiar Ri, kam dei ka kam wei briew."

"Phi khlar palat Kleander," la rot lam bitar u  
Syrion, "hynrei nga tharai ba phi dei hi."

La ha kane ka por ka lieng ka la jan thylli, bad  
baroh kiba la lait im sha ryngkew ki iä khura iä ki  
khlaw bad wad jynbam bad jaka rieh.

U nongkhyrwait shnet u shong artatien bad u  
Syrion u leit sha u.

"Da peit, iäleh tipbriew ho," U maham, "ban leh  
kumba la ong iä me; men leit pyneh niak iä ki hukum  
jong une u ophisar te ngan pynrung iä kane ka  
jamdor ha met jong me."

U briew, nong Ionia uba na Kos, u pdiang iä  
kaba la ong da ka jingjemnud. Uwei u kynrad um  
pher na uwei pat na ka bynta jong u.

Ha kine ki jingeh jingma la jong ki la jan klet  
jlang iä ka thma kaba kham heh ha kaba ki dei ban  
iäleh lang. U Kleander u khot iä u Syrion sha u bad  
ki iä peit lang shlip na ka khmut lieng jong ka  
Herkules sha ka duriaw ha kaba ki ar tylli kiwei pat  
ki lieng Krik ki dang iäleh bad ki Persia. Ha ka  
peitseh ki iohi iä ka jingiald jong ka jingialeh, ka  
jingiatangon, hynrei ka ban kut ka paw shai naduh

shwa ban ialeh. Shu ngiah-ngiah ngah ngah ka jingiapom ia thlieh da ki wait ki sum ka wan her sha ki shkor jong ki nalar ka sla um, hynrei khadduh ka jah noh. Ki lieng ka Persia ki phai Shatei ki da ieh noh ia ki artylli ban jyllop suki suki hapideng ka synrum synreh ba per.

U Kleander u shu ud jam haba u iohi ia ki ban leit.

"Hangto la leit ki lok jong ngi, lada ki dang ia im. Mynta la leit sa ka lad ruh ban leit rah jingmaham sha ka lhien ha Artemisium. Niuma, ki blei ki dei ban pakhang lada ka Athen ka dei ban im naba ngim lah leh eiei tang da ma ngi mynta".

Ka jingkyنشait slait ka la pynkyndit ia u bad da kaba phai ki iohi ba u Demetrius um don shuh. U Syrion u mareh sha u nongkhyrwait shnet ba dang shong thapnger bad u kylli ia u.

"Haei u Demetrius," u kynhiet bad uta u briew u shu peit lyngngoh tyngheng. Da kaba kdew sha tyngkong u kylli biang:

"Shano uto u briew ba la thiah hangne?"

"U la khie kynrad, bad u la peit sawdong shiphang nangta u la ryngkoh na biar."

U Syrion u pyllait la ka kti bad ma u bad u Kleander ki leit pynstet sha rud ka lieng bad hangta keiñ, khlem bakla, u Demetrius u dang jngi pyrshah ia ka kiew, ka kynting jong ka dhou (jingat phyllung) kaba kynting ia u shajrong bad shapoh, tang ka khlieh ka khih ngop ngop. U kiew sha ryngkew bad



u phai iapeit sha ka lieng bad u byrngem kura shaphang ka lieng nangta u sa jah sha khlaw.

Sa kawei pat ka jingat phyllung ka kham heh ka lympat pyrshah ia ka shynrong ba kyrbeh jong ka Herkules bad ka kylla blup bad pakhar ia baroh lai ngut ki briew shrup sha ka kynroh liang kamon jong ka lieng.

"Ia noh, Syrion, la dei por ban leit," rkhe u Kleander katba ki dang ialeh ban khie na tyngkong ba sharing, "Kito ki riew haramnimok kin da jngai la blang ha la ka lynti ba ngin pynklit. Ngì dei ban poi sha Athen ban iathuh ia ki jeneral ia kaba la jia. Don por hi ban kurup ia u Demetrius bad ban ring ia u sha ka aiñ."

Uwei hadien uwei pat ki ia noh shapoh um bad jngi pyrshah ki khriang bad tyrtho um da kaba klar katba lah na ki maw wat la hangne hangtai ruh ka bniat ne ka snar maw ka trud ka tar ia ki jaiñ bad ki sniehdoh jong ki, ki ia ioh shyiap bad ki iakhawoh jubor phum phum ia ka tyrtho um shaduh ryngkew. U Kleander u kyrtiang ryngkhat bad peit kat ban shu iohi ia ka Herkules ka kylla-prah bad pyni ia ka jingkyriat ki dieng jong ka katba ka pra ha ka jing-lynthaw jong ka khiedew.

Da ka mynslem ba jew u phai bad ialam lynti sha khlaw. Ki dei ban poi sha Thesali bad sha ka lynti sha Athen na ka lynti bakhun ka ban pynkriang-lait ia ki na ki shipai jong u Kserses kiba dang sherdara ha Thermopile.

## XIV

# KA KUPARJOT JONG KA ATHEN

**H**aba khadduh, ba la thaïd la jrem, bad ba saphup da ka lyphuh khyndew naba ïald lynti, ki lai ngut kiba la lait na ka jingïap ki ïa kam sha shiliang ki pud ki sam jong ka Attika. Ki poi tang ban shem ba ka ri-rep ri-riang baroh kawel kam don briew satia. Ki ïing sahbri bad ki trep shu jlang lang-lang ki l'ngam briew; u kew ba la ih khlem ot ne lum sha ki thiar; ki diengsoh ki la shu pyntlor la ki soh na la ki tnad khlem kheïñkor eiei.

“La lah jia aïu Kleander?” Kylli u Syrion, “Nga la tharai ba ngim shem ïa ki briew kynjai hala ki jingtrei ban ïa lum ïa ki soh ha ryngkhi ka jingkyrda jong ki shipai Sparta.”

“La jia eiei kaba triem,” la mynjur u paralok jong u. “Ki khlehblej kine ki briew la da ki ïaboi shapoh nongbah. Ki tharai ba kumno yn bsa ïa ki haba ym don briew ha lyngkha? Ka nongbah kam lah satia ban aïbam aïsa ïa kat u paid jong ka Athen.”

Ki ïald top shi top, ki shu peit rhang khlem ïohi dak batrei ha ki lyngkha ne brisoh. Ha ka shiteng sngi jong ka sngi ba-ar ki la ïohi ïa ka Athen, ka Akropolis ka ïeng kynthung halor ki tnum bad ki

kliar byrngum jong u lum Himatus sha pajih. Ki sangeh tengkhat ban peit suwan ia ka dur baithiang jong ka.

“La don u nongphawar ba dang khie khyndiat uba la iabamja ha iing bad i pa la khyndiat taiew ba la lah,” iathuh u Kleander. “U la rwai da ka sur mieng ba sngewbang shaphang ka Athen, hynrei nga lah ban kynmaw tang khyndiat kyntien na ka. Ka dei shaphang kaei-re-kaei: ‘Kaba ba tyngshaiñ, pansngiat ka jingjngum, ba la phawer ha ki phawar; ka kynroh jong ka Hellas, ka nongbah ki blei’. Kaba dei shisha kata, Syrion.”

U sngap shiphang bad katba ki bteng iaid biang u pynpur: “Ngi don ha ka liang jingjop wat la ka la jia katba jia ruh. Nga sngew pohsah ha la dohnud ba ka mynsiem jong ka Athen ka long ka bym lah pynjot. Wat la katai ka nongbah baieid ka shah khyndiat sha-duh tbian ruh, ka mynsiem ka sugar jong ka kan kyrsoi biang napoh ‘pei ban tynrong shaneng ia ka dongmusa jong ka jinglailuid bad ka jingiphuh junom bhor.”

Ka maiñ shitrhem ka lip noh hakhmat jong u, bad u kyrih-kyriat pynbeit tyrpeng.

“Hynrei nyngkong eh ioh dei ba ngin iaid shwa lyngba ka ding,” u pynkut kren noh.

Katba ki dang iajan sha ka nongbah ki iasang ban iakynduh ia ki kynthun nongphet shnong kiba iaid na ka juh ka lynti. Ki tymmen, shynrang bad kynthel ki iaid dotdot hala ki diengshan diengduh, ki khmat jong ki ki dap da ka pisa ka lynga ha kane ka jingkyrha syndet, ne pyntieng her ngiew. Ki thei

kmie bad la ki khunlung ha ksangkti bad ki khunrit khunjeh ba sdien rtan na ki jaiñpneh ki ãa ãaid thetthet ha ka pumpum ba her sha ki khmat ba dap ummat jong ki. Ki khynnah shynrang bad kynthei ki ãabeh kawei ar tylli ki masi ki blang ne ki rah da ki ruh kiba dap da ki sylar. Don kiba ñlah da ki kali kti ãala ki khiew ki pliang bad ki jaiñ ki nep.

“Ka la jia aũu?” pyrta ki arngut ãa kawei ka kynhun, “Shano phi ãaleit?”

“Sha Athen,” jubab kawei ka theikmie baheh lbing kaba dang kyrshan ãa u kpa tymmen da ka diang bad ka thum, ha kamon, ãa i khunlung ba dang khyndiat-bnal. Ki jeneral ki la phah khubor sha kylleng ka Attika da kaba ong ba ngñ ãehnoh la ki ãing-ki-sem bad wan sha Athen da kit kat ba lah ei. U Kserses u dang wan tur.”

“Hynrei, balei?” nang bnlah u Kleander. “La jia aũu ãa ka kynhun shipai Sparta ha Thermopilee bad ha ka lhien lieng ha Artemisium?”

“ãa kata ngam tip,” jubab ka kynthei, “nga la shu ãohsngew ba ki shipai na Sparta ki la ãap lut kholt, don kat shaba ki don ruh.” Ka jingsngewngiew ka tyllap ãa u Kleander bad u Syrion tang ãohsngew ãa kata. Ki shu ãa pynstet khem sangeh ban kylli ne pan khubor, ki ãadem sia sia ban ãapoi kloĩ sha ka nongbah.

Katba nangjan sha ka nongbah nang ãa kynduh kham bun ki kynhun phetwir. Khadduh ki hap shu phrung na pdeng uta u paĩdbhur bad napdeng ki

jynri jyndup ba ïaid pynkhapngiah ïa ka surok. Ki ïa poi ha ka khyrdop bad ka lynti bah.

Hangne ruh ki juh ki dak jong ka jingtleng bad jingïaphet kyrkieh. Ki jynkhang ïing rynghang ban pyni ïa ki shyngkup basuda bad ki tyngkong bathylli. La teh ïa ki jynsong jingteh, ki tum ki tam ki ap mtung-mtung harud surok; ki khynnah ki ïeng ïaap la ki shang ki kriaah, ka jynbam bad ki jaiñ ki nep. Katba kine kiba lashah pynpait lieng ki dang ïaplait la ka lynti lyngba ka lymbung briew, ka jingsawa ki kjat jraiñ jraiñ ki riew bad ka sur rangbah barwai ka nangkham jan khamjan, te baroh ki hap kynriah sharud ban ai jaka ïa ka kynhun shipai shong kulai. La ïalam ïa ki da u Kimon, u khun jong u Milsïades.

"Kat shano kumne phi ïaleit?" pyrta u Kleander.

"Sha ka Akropolis," la thiejam u Kimon, ban buh Bhet la ki lakam ha u Apollo. Ngï dei ban shong sa da ki dew duriaw mynta ha ka jaka jong ki kulai".

Ki ïaid la ka lynti bad ki arngut ki leit sha la ki jong.

"Kaei kaei kaba shyrkhei ka la dei ban jia," la ud u Kleander. "Ka paw beit ba u Leonidas u la shah jop; hynrei kumno pat shaphang ka pyrton Sparta ba la dei ban bud ïa u? Wow, kane te ka ban ïap."

Khadduh khadwai ki poi sha ka surok Apollo, ki ştet, ba ring u khiewja ban poi sha ïing. Habar, ka ïing jong u Arkhelaus ka la dang`ïeng ka kali khashor, la kynton stai da ki mar ki mata bad hakllar duh shong ka Khlaris, matlieh bad kyïuh, sa ki khmat

basaw triej da ka jinglam. Ha ka ba iohi ia la i bah ka kieh sa ban jan hap nador ba ka shong ka da khot kyrkieh ia kiwei da ka jingkyang ba kmen ban iohi ia u Kleander ba wan na sha ka jingap.

Da kaba pynhiar ia ka u Kleander u rah ia ka sha iing ha kaba kiwei pat ki ialum sawdong ban khublei da ki ummat jingkmén. Hynrei ka dur jingkulmar ka paw ha u. La sloit la sliah ia baroh kat kaba lah ban shim ban weng, bad tang ki kynroh sada bad ki sup ki japi baheh ki dang sah. Kane ka jingkylla kam da pynkthang palat ban ia kata kaba iohi ha ki bahaiing jong u. U Arkhelaus bad u Ameinias ki riam da ki sut ialehthma. Ha ka sten banyngkong eh ba u Arkhelaus u pyni ia ki dak jinglong tymmen. Baroh ar ki i pisa jingmut. Ka jingpliah lymphuiñ jong ka Akharis ka blad, ka i lwait bad lynga mynslem, ka jymphong bani jong ka la bit tngit bad u shñtuh patde rangiep. Ka Iunis bad ka Daphne ruh ki pyni ki dak ba thaid bajrem bad bapisa jingmut. Ka Daphne ka pyrshang ban wiat bad ka snoh khak sha ki ksangkti jong u, ka kyihuh thor thor palat ia kaba mynno mynno lait tang ha kato ka miet jong ka jingiap u kpa jong ka.

“La jia aiü?” u kylli angnud khadduh. “Ah blei kynrad, iathuh ia nga kael ka jingmut jong kine baroh!”

“Ka mut ba ngi dei ban mih noh na Athen,” la batai khia dohnud u Ameinias. “La shet kylla ia ki nong Sparta ha Thermopilee. Ki la iap lut, uwei ruh khlem sah. Da ka Thermopilee kaba plie lynti te ka lhien kam lah bat ia ka Artemisium. Ngí la ialeh

arsien pyrshah ki Persia, bad,--ka nguh ha ki blei--kiba la phah da ka erlong kaba la pynjot shibhah na ki laibhah ki lieng jong ki, ngi ruh ngi la pynjulor shibun ki jong ki, hynrei ngim shym la lah ban bat ia ka ryndang um te ngi la kynran. Ngi la dei ban leit sha Treosin hynrei u Themistokles u la said pynlah ia u Iuribides ban sangeh ha Salamis ban iarap ia ngi ban rong ia ki bahaing-ha-sem sha ba lait jingma. Te mynta phi tip balei ki nongkyndong ki la thylli. Ka Athen ka la sepi!"

Ha kane ka jingfathuh ki kynthel ki suhjer ram bad ki sdang iaam biang. Ka Akharis ka ud iam briew.

"Ah, sangsot ia nga ban im ban iohi ia kane ka sngil! Ka dei keti kumba nga la ong hi. Ym don balah ban ieng pyrshah ia u Kserses. Ia phi baroh yn pyniap, bad manga, lem bad ki khun baroh yn die sha ka jinglongmraw!"

Ka khmat jong u Kleander ka lieh blar blar, bad ka shyntur jong u ka shrang bad tyrkhong haduh ba um lah ban kren. I kumba ka kamra baroh kawel ka shad ngit ngit tawlar ia u. Nangta na sha jngai eh u iohsngew ka sur ba ong: "ka um, ka um, klo! klo!, u la tyrsaw da ka jingthngan bad jingthait".

Ha kane te ki kynthel baroh ki iaklet shiphang ia ki jingma kiba sdien halor jong ki bad ki ia khreh ia khrum ban ai bam ai dih ia ki nongiald lynti. La dei tang ka bam ka dih synlar hynrei ka biang ban aibor ia ki bad katba ki dang iabam u Arkhelaus u batai kham bun ia kaba la jia.

U iathuh shaphang ka jingkyrda dohiap jong u

Leonidas bad ki shipai jong u kiba la ia aireng bat-  
 tden ia u Kserses shadien; haduh katta ka jingshlur  
 bad jingiapyneh rngaiñ jong ki ba wat ki pehsylli  
 jong u Kserses, kiba kynsai duh, kim shym la lah  
 ban kynjrut ia ki na ka khap. Ah, sangsot, sa ka  
 bakthang ka la mih. Ka jingshetkylla! ki nong Persia  
 ki la par hapoh jingdum, ki la klew artet na ka lynti  
 na sha lum ki da kynrup kynsan trait ia ki nong  
 Phosia kiba apkaman, ap karot ia ka lynti. Ym don  
 jingkyrmen shuh hangta, te u nongpelt syntiat u la  
 leitrah khubor sha u Leonidas uba la hukum ban  
 pynphai ia u pyrton baroh sha ka jaka bym bun  
 jingma. Ma u patde, bad ki laispah ki nong Sparta  
 ki la kyntait ban kynran. Ka burom ka hormot jong  
 ki ka dawa ba kin ia ieng ban bat ia ka khap haduh  
 ka jingiap naba kata ka la long ka juban ba la ai ha  
 ki da ka Sparta. Ki khlawait jong ka Thespia ki la  
 kyrngah ban iehnoh ia u Leonidas ki da mon ban  
 iap ryngkat bad u. Bad kumta ka la long. Uwei pa  
 uwei haduh u bakhadduh um don ba la mih na  
 kata ka khap - ka thma bashyrkhei!

"Ka jingkyrmen jong ngi mynta ka long tang ha  
 ki lieng," la pynkut u Arkhelaus. "Ki nong Peloponesia  
 ki dang ia bun kam ha kaba kynton kynroh baroh  
 shi lynter ka kyrking khyndew jong ka Korinth, hynrei  
 kata ka long tang ka jingpynsyrwa por ei. Lada u  
 Kserses um don lieng te ka biang hi, hynrei wei ba  
 la synshar ia ka durlaw ka kynroh jong ki kan long  
 tang ka muri ktieh hi. Ka nusip jong ngi te ka la  
 thikna. Ka Athen kan jot. Hynrei ngin dang lah ban  
 pyllait ia kiwei ki bynta jong ka Kris."



"Shael phin íalam ía í meí bad kí kyntheí, kopa?" kylli u Kleander. "Sha Salamis," jubab u Arkhelaus, "Nga sngewsih Syrion, hynrei kí dei ban shu ía thynñlan katba lah ha kata ka íing jong phi. Nga ía phah ktien sha ka Akte bad u Strepon mynhynnín. Phi pat, tang shudep bam kdang, kan da bha ba phin íahíar lang bad kane ka mar baroh bad kaam sha shiliang ha ka lieng kynda. U Ameinias un íalam ía ngí baroh ha ka 'Ylem Khyllud' ryngkat bad kíwei pat kí kynhun kiba kwah ban sah hajan ban íarap. Kham bun na kí theikmie bad kí khynnah khunlung kí ía da leit sha Ejina ne sha Treosín, hynrei ka Salamis ka bha ía ngí".

"To, phin nang íaleít shwa kata," ía kren u Kleander haba u ía sngewlongbriew biang, "bad ngan sa bud ynda nga ía lah íakynduh bad u Themistokles. Nga dei ban íjar sha u ía kaba ía jia ha ka Herkules. U Demetrius u ía long u nongshet kylla. Ynnai len, u ía pynkhih ka haramnimok bad u ía shah ba kí pyníap ía u Phormus. Hynrei ngan sa íathuh pat ía kata haba ngín íoh khambun ka por."

Da kaba dóh ía ka kmie bad ía ka Daphne u mih pynstet ban wad ía u Themistokles, u da íeh ía u Ameinias bad ía u kpa ban íalam ía ka kynhun sha Salamis kíoi katba kí lah.

Da kí sngí bad da kí miet kane ka kam ba jngan ka ía íaid. Ía kí 'men-kí-woh bad khynnah bad khunlung ía jynrat jubor nála kí íing-kí-sem. Íeh sangsot ía u khaw u kba, ka kper ka prah, ban leit wad jaka ríeh ha ka jingbun jong kí shnong bapher bapher. Ha Ejina bad ha Treosín kí briew kí ía pdiang ía kine kí phetwir da ka jingsbun bad jingíeld. Kí ía

khot basa ia ki sha la ki iing bad ki la sei ka tyngka ka peisa na ki khuiñ paidbah ban bsa ban btiah ia ki. Hynrei kane baroh ka la shu lah tang ban pynsting kam shym la lah ban pyndapdoh ia ka jingmong ba la pynlong da kata ka jingjynrat, ha ki dohnud jong ki nong Athen.

Na ka bynta sansngi hadien ka jingkyllon jong u Leonidas ka jingphetshnong ka bteng ter-shi-ter. Ha kaba hynriew baroh la dep lut. U Kserses bad la ki shipai u tur thait-shi-thait shapoh Athen bad ka tdem jong ka jing pluh jong ka ka la her iakli iamilai bad u lyoh ha baroh ki lymbnep ki shnong kyndong. Ka Athen ka la klang ha ka ding kaba la phalang kat shaduh ki kper jong ka dewlynnong Salamis kiba don ha tymbuit duriaw ha kaba ki lieng jong ki Krik ki pynhlar bnoh lyngkor.

La shim kput ia ka Marathon.

Ha ka juh ka por ka don ka jingkulmar hapdeng ka kynhun Krik. Kim ia don jingmut ban shim ia ka Salamis kum ka jaka ban pakhing thymmai jong ki; ki la shu sangeh hangta tang ban shu long ka jingkyrda pynrieh na ka bynta ki nong Athen ba phet shnong. Mynta ba ki nong Persia ki la king sha Phalerum bad sha ka Pireus ki dei ban rai ia ka ban sangeh ne ban leit shawei pat. Ha kane ka khim-katan ba ar-prong u Iuribides, u rangbah duh ki lieng, u la jari sha ka dorbar ia ki khmat rangbah jong ki pyrton bapher ban ia pyrkhatae kaba kin leh. Sha kane ka jingiatania, ka jingawoh dong la wan ruh u Themistokles, uba ieng traikhlieh ia ki arspah tylli ki lieng na Athen. U da ialam ia u Kleander ban synran ia u.

Na ka bynta bun kynta la iasaidnia, bad haba la lah ban ia mynjur ki rangbah ki iapra noh.

"Ngan da ialeit lang bad phi jeneral sha ka lieng-lama?" kylli u Kleander.

Uta u rangbah uba i lynga bad i duh jingkyrmen u shu kyrngah ka khleeh da ka jingsalia.

"Em, em," u jubab. "Leit sha la ka jong ka lieng. Phi dei ha ka Yiem Khyllud bad u Ameinias, ym dei? Buh kaman uwei u briew bad lada nga donkam ia phi ngan sa aidak. To, thiah suk khynnah. Imat la sep ka daw jong ngi."

Halor ka Yiem Khyllud u Ameinias u khublei ia u Kleander da ka jingangnud. "Te kata, yn leh kumno?" u kylli, "ialeh ne phet noh?"

"Pheti" jubab u Kleander, nangta patde u kynhiet bitar. "Na baroh ki blej-ki-anna khapnap bad mutlop ba nga la iakynduh, kaba tam phngar ia baroh te, ade, kane ka nong Peloponesia hi. Kaba sniew la blang hi kato kawei ba u pyrton ba ki la kular ban phah kum ka jingiarap ia u Leonidas ka la khlem wan poi satia tang na ka daw jong ka rong-ka-rup Karneia jong ki. Mynta ba ki la pashat ia ka Athen sha u suri ki pyrkhath tang ban lait la ka sniehdoh. Ki dawa ba ngin kynran syndon sha ka kyrking khyndew ha kaba ngin lah ban iakhun ia ki shipai ryngkew ha lyndet jong kata ka muri ksew jong ki."

"Hynrei kata ka bym lah long," ban ktien sa u Ameinias. "Kane ka ryndang um ka kham bit jaka ia ngi ban ialeh na ka bynta jong ngi kiba rit briew katne. Nalor kata, lada ngin kynran sha ka

kyrking kata ngin shu pyllait rynghang ia ka Megara bad ka Ejina."

"Nga tip, nga tip," la thnum u Kleander. "U la ban-shi-iaiban u Themistokles ia kata. Lada ngin ieh noh ia ka Salamis ka lhien baroh kan pra phrew, naba man ka kynhun kan shu leit iada la ka jong ka shnong khlem da pyrwa ia kiwei. Ki nong Korinth eh na baroh ki pyrkhat ba kin lait ei halyndet ka kynroh, bad kim kheiñsneþ iano ban kheiñduh."

La bun bun kynta ki arngut ki samla ki iasei la ki nia: ki tai shane, ki rot shatai, ainia shane, wohdong shatai. La lut ka dong ka shnat, ka dang ka duh. Na kano-ma-kano ka khlep ba ki iapeit da ka jingkyrnran kan long ka 'jingkynkaw ka khwak' bad ka jingkyrmen ka la kut. Kyndit kyndit la tied ha jynkhang bad la khot kyrteng ia u Kleander.

"La kawoit u jeneral jong ka Athen ia phi ban leit mar mar sha lienglama jong u Iuribedes," u ong.

Phuh ka khmat jong u Kleander. "Lehse ym pat sepei lut," u pyrkhat marwei. Niat u shim la ka tupla bad u bud dien ia u Kaman. U iakynduh ia u Themistokles ha trai jynkieng bad kiew sha ka lieng jong u Iuribides bad u kylli kyrkieh ia ka daw ba la khot ia u.

"Nga la iakynduh ia u paralok barim jong nga uba la dang ap ia nga haba nga la dang leit phai", la jubab u Themistokles, "bad da ka jingiarap ki nia jong u nga la lah ban pynbor ia u Iuribides ban sani ne bishar biang ia la ka jingrai."

Ha khlieh ka jynkieng ki ia kynduh shi kynhun ki kapten. Baroh kiba la thaid bad i-riang; ha kawei la liang, ki badom naba la shah somon biang ban iakren ia kajuha ka kam ia kaba ki la da dep ia pynbeit. Baroh kiba lam kuhiw bad palat na ki, u Adeimanthus, u kapten jong ka kynhun Korinth; u dei uba la metiaw mlen, bajrong kynshyeng, ki ngab bad tyngam ruh smam, sa ki khmat patde klew, u shu tawah khlup da ka barandi bad da na ka erkhriat jong ka miet bad u pynkynmaw ia u Kleander shaphang ka dngiem sakthup.

Ki arngut ki nong Athen ki ialeit lang sha ka kynhun bad u Themistokles u sdang biang ban pynieng la ka daw, u da sei da ki nia ki baeh bablang ban kyrshan ia ka jingsah jong ki ha ka jaka ba ki dang don. Kyndit kyndit na shapoh kombol baiiong ka sawa ka sur badom riang.

"Themistokles," ka byrngem, "kito kiba ha ka iakop paidbah ki khiih shwa ka dak ki ioh sohramdieng."

"Ade," kahait sa u nong Athen, "kito kiba jalani patde kin ioh pansngiat."

Da kane ka jingsdang bym-kup bym-kem-ka-lar ki rung la ka rung sha kamra u rangbah duh. Mynta u Iuribides u batai ba u la sdang ban artatien ia ka bit ka biang jong ka jingkyrnran sha ka kyrking te u la than biang ia ki ban ia pyrkhath shuh.

Shisyndon ka khie ka kyang ka shla bad jeng u ieng u Themistokles, u pynsngap jar ia ki da kaba rah la ka kti bad sdang sait la ka thma-ka-ktien ha

ka jingshongshit. U da kyrpad ia ki ban ap ha ka ryngdang um Salamis ha kaba ki kham sngew-kob ia ka ktem-ka-ktaij ba ai ka ramew ia ki, bad ha kaba ka nongkunok jong ka Delphi ruh ka la kular jingjop ia ki.

Ynda u la dep kren la don ka jingiaxhñium bad jingiapher jingmut, hynrei bun na ki kapten ki ia artatien. Nangta, da ka khmat kaba kum ka jong u 'Yiarmangkariang ba la pynieng la u shñiuh ryndang, u Adeimantus u ieng tmeng.

"Ko lok, kapten," u kyntelt, "banlei phi sngap sa ia une u lamwir? Ka hok aïu u don ban kren? Hato, ngim shym la iohi mo ia ki thylliej ding jong ka Athen ba ki klang her-her sha ki lyoh? Kumno ma-u u bym don shnong ban kam la kajong un don ktien ha kane ka jingrai? Ade, ban ieng khlieh briew ruh um dei ban ioh u nong klang ba khlem iing, khlem shnong, u iaidwir u iaidrhab tang kata hi".

U shu shong lyngngelt bad bun na ki para kapten ki shu sngewphriei iamrem ba ki sngewthuh-sngewmat ia ka jingpoh bad jingkyshleiñ jong kane ka jingkyntah pharep ia u rangbah jong palat shiteng ki lieng iapom. Ka la pankwah ia ka jubab ba ngak ngak na u Themistokles.

"Ñiuma, kapten," byrngem iaïeng joit, "Kynriah sha kyrking jong phi lada phi kwah, hynrei nga maham ia phi ba yn ym don ki lieng ka Athen ki ban bud ia phi, Ngin king noh soiñ, kumba la leh teng ki kthaw mynnor jong ngi, jngai shaba sep ka sngi, bad hangta ngin tei ka nongbah bad ka raij

ialade, bad phi lah ban jyllop ne jngi katba phi mon khlem ma ngi."

Kane ka jingkren kaba da mut kam shisha da uta u nongialam bashlur ka la biang hi ban pynnoh ia ka tarajur. Khlem da ainia shuh dano dano ruh, putet, khlem da khalai, u Iuribides u rai.

"Ngin ia aireng hangne ha Salamis," u hukum. "Duha!, pynksan ki blei ia ka daw jong ngi ban dule ki nong Athen."

Ka jingialang ka la wal. Ki kapten ki ialeit sha la ki jong ki jong ki lieng ban pynkhreh la ka nusib kaba ka sngi bathymmai kan wan rah.

## XV

# KA THMA HA SALAMIS



*Kserses u peitrong ia ka thma Salamis.*

**S**hilyngner (baroh kita ki por) ha ka sngi babud, ka saham jingartatien bad jingsngewiñdang, (sngewlynga-pisa) ka sdien halor ka lhienlieng jong ki Krik. Ym don dak ban iatur na ki Persia, bad ki Krik kim kwah ban pyndik satia. Baroh shisngi ki lieng kynda ki ia king kyllaiñ na pdeng ki liengheh katba ki kapten bad ki ophisar ki iatalad kam. Ynda la khamnoh ka sngi u Themistokles u kiew sha ka 'Yiem Khyllud. Ki jingkhuslai bad jingduhthlah ki la pynsawtriej ia ki khmat jong u lait na kane u long kumjuh hi- Jylluiñ, jwaiñ, skhem ka jingmut, stot ka jingngelt, ba parai bashynroiñriap. U la ju niewkor shibun ia u Ameinias bad u Kleander te u leit sha ki ban peit ki pyrkhat kumno ia kane ka shyngkhan.



“La khie ka haramnimok hynne mynstep hapteng ki lieng jong ki nong Korinth,” u pyntip ia ki katba u shong aram ha ka kamra jong u Ameinias. “Ngan tip kumno u Adeimantus u la tem ia ka, hynrei nga don jingsuba ba u la kular ban kynrandien”.

“Ki nongrah khubor ki la wan dangstep na ka kyrking Korinth,” phai ktien u Ameinias. “Ioh lehse ki iapan shipai shuhshuh.”

Ki iakren kumba shikyntien kwai ne, haba kyndit kyndit ka wan ka jingiajam bad jingkyrdem kjat ha ka tyngkong bashaneng. Baroh lai ngut ki ieng joit bad mar kumta hi ka plie ka jynkhang jong ka kamra bad ka pyni ia shi kynhun ki kapten ba la ialam da u Iuribides bad u Adeimantus.

“Ah, hangne ngi lap ia phi, Themistokles,” kren shngaiñ u admiral, ne rangbah duh. U la kham i thangiong bad ring ka khmat ban ia u nongialam ka Athen, bad, imat ruh, ba la kham shah pynsalia da uto u paralok heh ktien jong u. Ki iathynnian hapoh kamra ha ka iatainia, ka iarot, ka iakren donduk bad halla haduh ba ka kamra ka win ir.

“Rangbah,” Kyrhuh u Ameinias da kata ka jing byrthen kaba u Kleander um ju iohsngew. “Kane kam dei ka iew luri lura na ka lypung ialympat. Phin da iashong sngewbha, bad u rangbahduh jongngi un pyniaid ba baroh yn leh da kaba iatip briew.”

Ba la kum sngewrem ha kata ka jingshah kynhiet, kita ki nongwanrung ki iashong kat shaba lap wat ha ka shuki kaba u Themistokles u la ieh haba u la ieng. Haba baroh la ia shong u Ameinias u ring ia u Kleander shabar jynkhang.

"Phin da phira hangne Kleander!" u la kyrpad. "Kane ka dei ka lieng jong nga bad nga mut ban shim bynta ha ka jingiakren, hynrei ngam kwah iano iano ruh ban sngap slar, lane u ban shu pynwit ia ngi khlem da pan ktien."

"Hooild, khlempep keiñ," la pdiang sngewbha u Kleander, "hynrei phim sngew eiei keiñ, nga tharai, ba ngan apsiar?"

U Ameinias u phuhsamrkhie bad u rung shapoh kamra bad u khang ia ka jynkhang.

Ka jingtyنشالñ jong ka sngi ba la kyntleiñ (noh shiliang) ne noh arsut, ka rung shapoh ka tyngkong shaneng bad ka shat lynnong kumba suit rongksiar ha kjat u Kleander. Suki suki ka kiew artet ia ka jynkieng bad ka sa jah noh. Ka syrngiew ba bthuh jong ka miet ka hap-pñ ia ka. Tang uwei u khlur u paw ha suiñ. Hynrei ka jingiania ka btur shibtur. Kyndit kynsan ka jynkhang jong ka kamra ka plie bad u mih u Themistokles. Ki shynriah kti jong u ki khnap skhak ia ka ksangkti jong u Kleander haduh ba ki ngam shapoh doh, bad u ring ia u sha ka syrngiew jong u rishot.

"Kleander," u pasiaw, ka sur ka sawa hew hew naba u la kren tynggeh palat, "ka nusib jong ngi ka sdien ha uwei u shñiuh. Ade, kitai ki bieñ ki iadem mutlop ban leit sha ka kyrking Korinth. Lada kin leit ka daw jong ngi ka la rem. Ka lhien baroh kan sa pra. Ia la ki jong ki jong ki shnong kin leit bad iada. Bad u Kserses un shu nguid tylli ia ki da kaba suk uwei hadien uwei pat. Tyndi-tynda, don satang kawel ka lad ba salit katta ruh ban pynbor ia ki ban

İaking hangne. Phi dei ban rah kane ka khubor İa nga, hynrei shwa ngan pynjliah syrtiwait İa phi ba phin bat rieh İa kane junom”.

Ha ka kyrbeh bad thlien, bad angnud u Kleander u sei İa ka soskular. Bad u Themistokles, da kaba buh İa ka shyntur ha ki shkor jong u samla, u pasiaw.

“Leit sha ka İieng jong nga,” u kynhiet, “bad wad İa u mraw Sikinus. Phah un jngi sha shiliang jong ka ryndang um sha Phalerum bad ban rah kane ka khubor sha u Kserses. ‘Ki Krik ki İa kulmar thlim bad ki İapher jingmut. Ki artatien shi katdei sa tang ban İa phet noh. Wat shah ba kin phliat na ki shynriah kti jong phi.’ Lada un tang lah ban pynngeit İa ki nong Persia ba kane ka long kaba shisha yn ym don lad ban kynriah sha ka kyrking Korinth. Leit mynta bad, ynda wan phai u Sikinus, sa wan rah ktien sha nga.”

Katba u Kleander u pynstet ha İa ka kam kyrkieh u İa don por ban sngewlyngngoh İa ka jingshlur dohiap bad ka jingsian phngar jong une u briew uba dang khie rasong ban İeng mih İalam İa ki nong Athen hapdeng kane ka jingma bakhraw jong ki. Ka jingshlur nohiap jong kane ka jingsoisiar ka pynher rngiew İa u, bad u thangİong ha kaba pyrkhat kaba kumno kan long ka apot jong u Themistokles lada yn rah bakla İa kane ka ktien bad ba baroh ka Kris kan İoh jingtip shaphang jong ka! Ha ka angum donkam ka suh mariap. Hynrei kane, lada ki Krik kin shahrem, kan paw ka starklep baharamtam na ki jingshetkylla baroh ha pyrtheil

Ka bajem ban shem ia u Sikinus bad ban pahrah kam ia u. U da ngam jlang shapoh ka um badum jar jar kum u kushia. Ka ryndang um hangne ka long tang kumba shipawa mer eiel, kam long eiel na ka bynta u jald ksilh, U Kleander u ap ha ka lieng jong u Themistokles. Ka kti ka kjat ka smiej-ka-ktik, ka peitmat peit thuh ruh mrong, ki khmat patde shlip sha um hi haduh khadduh ka syrngelew ka noh ha shyngkup lieng bad u Sikinus u ieng hajan jong u ha tyngkong. Ka met bajhieh ka shai klir klir na ki ding khlur.

“La beit baroh kynrad,” u paslaw, “Nga la smai la spot ialade u nongshet kylla, map ki blei ia nga, bad um ki la iaang ha ki ktien jong nga. Ki la pyneh ba ngin ym lait na ki kti jong ki. Shwa ban shai kin sa ker kut na baroh arliang jong ka ryndang um bad ngin dei ban thom lynti jubor ialade”.

U Kleander u kohnguh khlieh ha ka jingmynjur bad king soit sha ka *'Yiem Khyllud*. Ha ka jingtled jynkhang jong u wan mih u Themistokles.

“La beit baroh kynrad,” pyntip u Kleander thik kumba la kren u Sikinus. “Ia ka ryndang um yn set kut shwa ban kynjat shai.”

U Themistokles u kohnguh ka khlieh jar jar bad u rung biang shapoh bad khang ia ka jynkhang. Mynta kam myntoi ia u ban saittlah saittlwet sadhai ban pynsyrrwa ia ka por. Ka kam kam shym long shuh ka baeh namar ba ki kapten ki ia pongpet bad man u wei u kwah ban pyneh la ka daw. U Kleander u ieng sah ha jynkhang ban ap.

Kyndit kyndit sawa ka jing'aid stet bad bakhia, bad u briew ha ka riam riew iapom u hlar na jynkleng, uba jrong bad babha briew, u bakhlaiñ, hynrei ka maiñ ba i kynjah, ki khmat patde ki ba shongkhia.

"U don hangne u Themistokles?" u kylli da ka sur jong uwei uba ju mlien ban hukum.

"Hooild rangbah," jubab u Kleander, "Ma u bad u Iuribides baroh ar ngut ki don hapoh."

"Pynong ia u Themistokles ban wan iakren bad nga," la hukum u nongwei, bad u Kleander u leh kumba la kwah. U Kapten jong ka Athen da kaba lam sngewlyngngoh, hynrei haba iohi mano ba ieng habar, u iaid kloí.

"Aristides!" u kmen. "Haba biang ka por ko lok ne dei mo ba ngan ong; u nongshun jong nga! Ka Athen ka don ha ka shyngkhan bad ka donkam eh ia phi. U Aristides u wiat i shongkun".

"Mynno mynno khlem don jaka ia baroh arngut ia ngi ha Athen," u pynkynmaw. "Phi la bha ka kam bad ma nga pat de la pongpei, sa jyllakharit de. Hynrei nga ngeit ba dei na ka daw jong phi ba mynta la khot ia nga na klapani."

U sangeh, bad u Themistokles u dem ka khlieh ngok khlem da kren.

"Naduh shyllipnud nga ainguh ia phi na ka bynta kane. Mynta, ha ka shyngkhan jong ka Nongbah jong ngi, ai ba ka jing'akop jong ngi kan long tang ban

ĩathong mano uba shakri kham janai ĩa ka. Nga sngew  
ba ka dorbar ka kulmar khlem rai?

"Kulmar?" rkhie u Themistokles, "Ngan ong ka  
thma pohĩing. Ngi te ngi ĩeng ban ĩaleh hangne ha  
Salamis, u babun patde u kwah ban ran sha kyrking  
Korinth. Phi ong kumno?"

"Shaei ban kynran sha kyrking?" ban skhem u  
Aristides. "Ka lieng da kaba nga la wan na Ejina ka  
la lait-sa-i-said na ki tyrsim jong ka Persia. Ki la set  
ĩa ka ryndang. Ym long phet shuh."

Ka puh im ka khmat jong u Themistokles katba  
u dang bñlah shuhshuh ĩa u Aristides. Nangta u  
pynrung ĩa u shapoh kamra ban ĩathuh ma u ĩa  
kane bad kumta ban pynngeit ĩa kiwei pat ki kapten.

Ĩa shipor ar por ka don tang ka jingkulmar bad  
jinglynga jingmut hynrei khadduh ka jai jai noh.  
Mynta ba ym don lad shuh ban kynriah, la don tang  
kawei ka jingkwah ha ki jingmut jong baroh ban ĩa  
ai-reng, ban ĩashut da ka bor ka sor bad ka jingshlur  
ban jop ĩa ki nongshun lada ki blei kin pynĩaid kumta  
ĩa ka thma.

Da kane ka jingrai bad ka mon baskhem ka  
dorbar ka pra bad ki kapten ki leit ban pynkhreh la  
ki jong ki jong ki briew bad ki lieng na ka bynta ka  
jingĩaleh.

Ka step ka ĩohi ĩa baroh ar tylli ki lhien lieng  
ĩapom kiba ĩa ĩeng shriak. Ki Krik ha ka suhdong  
jong ka Salamis. Ki Persia harud ryngkew dewbah ki  
da khang kut ĩa baroh arliang jong ka ryndang um.  
Kynthong, halor u mawsiang bapeit naneng ĩa ki

lieng thma, la pynieng ia ka khet na ka bynta u Kserses. Na shata un peit rong ia ka jingfaking, jingfaleh; ki nongthoh hajan jong u ban thoh kyrteng ia ki bashlur, bad badohiap. Hapoh ka syrngiew jong kita ki khmat pukni ka lhien Persia kan ym dam keiñ ban rong jingjop.

La don, ade, kawei ka jingfapher hapdeng ki ar kynhun ki lieng iapom nalar ka jingheh jong ki. Ki Krik, ia kiba la maham lypa kim sngew suhjer haba ka step ka pynpaw ha ki ba ki nongshun ki la da pakhang lynti ia ki ban phet. Ki Persia patde, ba la pynthame da ka jingphah ktien u Themistokles, ki ia khmih lynti ba ki lieng jong ki Krik kin ia khih kulmar bad iaksait ban phet noh. Ha ka jaka jong kata ka sngi step ka pynphalang ia ka jingthaba phyrnai na ki khmut rhong jong ki lieng kiba iaeng shriak, ki ia ap ban ia pyneh pyrshah na baroh ki liang ia ki lieng jong ka Persia. Na tyngkong jong ki lieng ka kiew ka sur thma, ka sawa kyndiang da ka sur bajam bad bakhlain bad poi shaduh ki shkor jong u syiem hi.

Yn ym don ka tañioñ klep ne ka jingjop ei, hynrei ki Persia ki king shrem da ka jingshaniah. Tang da ka jingtam briew ruh ka la biang hi ban sar ia kine ki khunlung kopsop na sla duriaw.

Ha pdeng jong ki Krik ka don khyndiat ka jingartatien. La pynbiang ia ki haduh khmutwait-khmutsum sa ban shu ialeh, hynrei man uwei u artatien, u da ap ia la u marjan ban lam khmat. Ha la liang kamon ka ap ka kynhun na Ejina, ki da sngew shngaiñ, sngewshlur ha ka jingwan poi,

ba tang shi kynta shwa, jong ka lieng kaba ki la phah ban leit kit ia ki snap kyntang jong ki blei ka Ejina. Ha ka liang kadiang, mamla mar pyrshah ki lieng bakynsai jong ka Persia, ieng ki lieng jong ka Athen, bad thik hapdeng jong ki ka ieng ka 'Yiem Khyllud. Ha lyngkdong jong ka u ieng u Ameinias hajan u nongkhyrwait shnet. Ka jymphongnar ka tynshaiñ, ka maiñ-ka-meiñ jriang ka ieng pyneh la ka daw-ka-hok. Mar shruh jong u don u Kleander, u ruh la riam na ka bynta ka jingīakhun, hynrei ka dur ka dar, ka met ka phad ka khih angnud shirukom, bad ki thied-ki-jaw de trait ki pynpaw ia ka jingskhem ka mon. Na shadien jong u ieng u Syrion.

"Nga la ioh jingbit na u Ameinias ban synran ia phi mynta ka sngi," u iathuh ia u Kleander. "Ngam mon satia ban sah shapoh khрум ryngkat ki nongkhawa haba phi pat phin bret ia-lade ha ka jingma ba bun jaid."

Ki iarkhie lang, bad ki kmen ba ha kane ka por bashyngkhan ka ri jong ki kan lap ia ki baroh laingut ha ka ban ialeh marshruh.

Ha ka por ba ki lieng jong ki Krik ki dang artatien ki nongshun ki ñioñ sia sha ki da ki jingkyang jingpyrta turthma ba bun jaid bun rukom. U Ameinias u khmied la ki khmat sha ka dur ka ka Athena haneng shyllangmat jong u.

"Tur, riewshlur ka Athen," u khot, "Khmih shaba khot ka 'Yiem Khyllud ia phi. Ka kynhiet ban ialeh. Ha ka burom ka jong ka! ia kynrup!"



Shaw ki ia kynkiw ha ka jingkhoh jong u, ki kyang, ki boitha ki thab bad siang ia ka um, sak sak, ha shi khyllipmat ka khmut rnong jong ka 'Yiem Khyllud ka pynngam ialade krak-rak-rak ha ka shruh jong ka lieng heh jong ki Phenisia. Ka jingjyngngan jong ka sangah jong ki kan da blang ban pynkulmar thlm ia ki bym mlien ia ka durlaw, hynrei u Ameinias u tip la ki briew. Ki bat ia la ka lieng la jong ha ka dar, kumta ka lieng jong ki Phenisia kam lah kyrthat; bad katba ki artylli ki lieng ki ialur u Kleander u ialam ia ki shipai ban kynthih na ka 'Yiem Khyllud sha tyngkong jong ki nongshuh.

Ka jingkyngshu jong u Ameinias bad ka jingtur kynsan jong ka lieng jong u ka la ai ka lamkhmat ha ki Krik ba dang ia ap hukum. Mynta, kum kawei ka met ki ieng shrem bad sak sak ki moi ia ka um. Ka jingialeh ka par kylleng.

Ha tyngkong jong ka lieng ka Phenisia ka kam ka la dep khuk khak naba ki shipai bam-nong jong ka Persia kim iallem bad ki Krik, wei ba la kyllon u kapten jong ki. U Kleander bad la ki briew ki ia kynrup bad trait bad trait ia ki nongshun bad nrom ia ki sha um ne shu iehnoh iap ha tyngkong, tang dep ki iaryngkoh shala ka lieng bad aidak sha u Ameinias. Ka 'Yiem Khyllud ka kynran dien, ka jynrat la ka khmut jrait rait-raik da kaba kyryiat bad kdiah ia ki byrthab ha ban da lait. Ka Phenisia ka kylla weng-lyweng bad ngam suki shapoh um. U Ameinias u phai ban wad doh thymmai.

Ha kata hi ka ryndang-um ka win niak bad ka kulmar khrim da ka jingsawa ka dieng ka nar. Ki Krik kiba fasah ryngkat ryngkat shrop bad kiba bat lain

riang ki ioh pynjutor labiang seh ia kata ka lymbrum lieng nongshun kiba lang khapnglah khru! haduh ba kim laitdong ban phai ne kyrtiang khmat da kaba jem. La mih kat kata ka jingsawa, ka jingriewkhram khram jong ka jingiasangoh katba ki khmut lieng ki ia tynrah tynggeh taiñ-taiñ ban pynngam shapoh u nongshun. Ka jingriew jrap rap-rap jong ki boitha bakdiaha haba ki lieng ki iasynrud na krung nakrung ki nongshun bad ieh noh boit-lyboit ia ki bapli khlem lah jngi kum ki dohkha ba la shah phot la ki shnet. Ka jingsiaw wlaw-wlaw jong ki khnam ka dung ia ka lyer. Ka wait ka sum ba pom ba mait ia ka tupla nar bad stieh rong ka pynriew da ki jingtied ba sngewkulmar. Kham kriang ban ia kine la iohsngew ia ka jingshla jong ki nonglapom iamait, ka risa jong ki balah, ka lynñlar jong ki baduh, ka jingkyllon ha tyngkong hapdeng ka kynrum kynram ba pynwit ban ieng, ka jingpharait jong ka um ba siet haba lynshop kiba mynsaw bad ka jingpynthnam ia ka um da ki baiap jylopp.

Katba ka jingñaleh ka nangshit nangshyrkhei ka jingsngewtriem bad sngewsuhjer ka par sha ki lieng jong ki Persia. Haba iohi ialade ha kata ka bijar, baroh ki jingpyrkhat ban ia tylli kawei bad shakri iaineh ka rngop noh tang ha ka iñdang, ka lynga ban pynlait im la ka sniehdoh marwei. Baroh kito ki phew shnong, phew ri ba pynlong ia ka lñien lieng iapom jong ka Persia ki pyrkhat sa tang ia la ka jong ka jinglait im. Ia la ki lok ki ia kheiñduh khlem sahnud eiei. Kane ka la kham pynjem ia ka kam jong ki Krik.

U Ameinias u la jan ioh khongdong ia kaba na Sidonia haba u Kleander u kem ñiat ia ka kti jong u.

"Kloi," u khot, "Katai ka lieng Persia ha kamon. Ieh kato ka Sidonia, nga iohi ia u Demetrius ha lyngkdong. Kloi, kloi,"

Khlem phalang ne sngew wit wat shi khrip ruh u Ameinias u pyllait ia kaba u dang beh bad u hukum ia u nongkhyrwait shnet ban pynphai ia ka *'Yiem Khyllud* mar shruh kawel pat ka lieng. Ba ka la shah phalup pharia bad shah pynjulor ha ka jing'amait ba shyrkhei ka *'Yiem Khyllud* kam don shuh kata ka kynjai bad jingstet kum haba sdang. La katta ruh ka kham bit ban ia ka jong ki Persia. Kane ka la pei phewlynghung, lyngheng, lboit khlem boitha, pa'abab ruh khongreng sharud.

Ha khongdong, hapdeng ka lynrum lynram bad ki briew bamong u Demetrius u dang pyrshang ban khar pyneh la ki paid katba u Kleander bad u Syrion ki ia'niom sha tyngkong, ki tur roit roit sha ka jaka ba ka kynhun rit ka ker tawlar ia u kapten.

"Mih, nongshetkylla," kop shla u Kleander, "mih ban slew ia ka kuna jong me, ka thnem jong ka jingshet kylla jong me ia ka Athen, bad ia nga, ka ram ia ka jing'ap u Phormus,"

Da kaba kdat ia ki briew sharud u Demetrius u ieng mamla ia u Kleander.

"Me blej jakrak," u kren mynths, "Ngam tip kata ka shakri ia'neh hok ia ka Athen lait tang ha ki nongsynshar badei hok jong ka, ki khun u Pelsistratus. Me la padan than bunsien ha ki kam jong nga, ka kam ka bym dei elei ia me. Nga la khmih lynti ba u Kleon u la shakhait ia me ha

Smyrna, hynrei u syiem bakhraw u la isynei palat. Ia ka rhah kynshleiñ jong me shim mynta ia ka lanot ba phah ki blei da ka kti jong nga."

Trait u rynsiet kyryiat bnlat sha u Kleander bad ki wait ki thapslait slait hamar ba ia kynduh. Bad dien bad phrang, bad neng bad rum ki iatalaiñ, ki iakhun; ki tyrsiang ha tyngkong bajhie bad ba sharing. Ka jingphalang jong ki wait jong ki ka phyrnai, pyntyndep wit-lwit ha ka tyngkong lyngur. Halor jong ka kim i eiei lait tang ki khmat klar klar ba peit seh ki rmiang ba am sia, ka khmut ba kysia ba kynphia. Kyndit kyndit, na ka lieng ki Persia bad na ka Yiem Khyllud la kriang ka jingpyrta shyrkhei bad pangnud. Ka sur u Ameinias ka pyrta ia ka kyrteng u Kleander. Ka la pynthlien, pynthlun kti ia u wiak bad u kum pynhiar niak la ka stieh, te ha kata ka salit por u Demetrius u iohi liak ia ka tyrpeng bad krak u dung.

Hamar ba dang sher kumta hi, ani, ka tyngkong ruh ka sngew ba kynting napoh slakjat jong ki bad ka sliah slait. Ka lieng Persia ka kyndar wak, ka sdien shiphang, bad ka kylla prah, ka da panang pashat ia ki jynkit jong ki baim bad ki baiap, bamynsaw bad ba umsnam sha duriaw war! ngit ngit ha ka phei snam u Kleander u sngewkyndit thret tang dei ha ka um pjah. Ka dew um ka tyllep ia u bad um tip eiei shuh.

## XVI

### KA JINGSDANG THYMMAI

**N**a ka jingtyrma hapoh ka jingdum bangaiñ ngaiñ bad ha ka jingpang jingsuh bathar sat u Kleander u plie ia ki khmat ngier ngier hynrei kiba lah ban ioi kyndiang ia kaba ker sawdong ia u. Ka kamra ha kaba u thiah ka long kaba rit hynrei ka sad bad ki biar ki lieh bad thymmai phir phir. Na ka khalki basawdong ka sngi ka rung sharing da ka jingshai ba pynsting met-sting phad. Na jngai jlang wan rah ka lyer ia ka jingkynboo jong ki masi, bad, ha shyngkup shaktar, ki syiar ki kok-kok-kdok ryngkat ka jip-jip jap-jap jong ki khun syiar. U Kleander u peit lyngngoh dhang. Kine ki jingsawa kim don jingidei eiei bad kano kano ka jaka ba u kynmaw, hynrei u tlot than ban mut dur da kumno.

Jang, khlem sawa, la rah ia ka pyrda jynkhang bad ka Daphne ka wan rung bad rah ka mok ba la tap. Haba ioi ba la peitmat u Kleander ka kieh klak da ka jingkmæn bad mar mar ka buh ia ka mok bad dem sha u.

"Daphne," u pasiaw, "la jia aïu? Haei nga don?"

"Phim lei lei tied," kren pasiaw ka Daphne. "Phi don ha ka dewlynnong Salamis, ha kper jong u Syrion. Phi la shitom shibun, ko 'yiem jong nga,

hynrei phin khlaiñ kloi mynta. Nga la wan rah ka syrwa ba bang ba la shet ka Akte. Ka ong ba kan pynkhlaiñ biang ia phi. To, wat kren, bad dih noh 'ylej."

Da kaba shan syngkhien ia u mian mian ka la pjiah ia u da kata ka syrwa haduh ban da thylli ka mok. Nangta ka buh noh ia ka bad ka shong ha jynthiah. U Kleander u pelt angnud ia ka khmat jong ka.

"U Ameinias? u Syrion?" u kylli ngai-ngai ngit-ngit.

"To iathuh Ylej, la jia aïu, ki dang im ne ki la iap."

"Dang ia im baroh ar ngut, khuri-ei," jubab ka Daphne. "Mynta dem khop bad ngan iathuh ia phi ka la jia kumno. Haba ka lieng jong ki Persia ka la ngam, ia phi bad ia u Syrion la lynshop shapoh um ryngkat kiwei pat. U Demetrius u la pynmynsaw ia phi, phi kynmaw? bad phim shym la lah ban kyrda ialade, hynrei u Syrion u la khmih sumar ia phi bad hamar ba phi la kiew sha sla um u la kem khak ia phi bad u la tan ia phi sha u khnong. Hamar hangta hi u Demetrius ruh u la kynrup ia u juh u khnong, haba u la iohi ia phi u la mut ban mait ia phi hynrei u Syrion u la kynthih hapdeng."

Hangne ka artatien shiphang bad ka sur jong ka ka sawa kor. "U Syrion u la pyndep ia u," ka pyntip khadduh. "Nangta u la kynriat jubor justi ia u khnong shajan ka 'Yiem Khyllud bad ki la iatan iaphi baroh arngut sha lor jong ka." U Kleander u shu dem jar jar

shiphang haba ka la dep kren, ka jableng ba thait jong u ka pyrshang suki suki ban pyrkhath pynleit jingmut ia kata kaba ka la iathuh ia u.

"Te kata ngi la jop?" u kylli.

"Hooidei keiñ, ngi la jop." la ban pynskhem ka Daphne, "Ka lhien ki Persia ka la sakma kylleng, man ka lieng ka la pyrkhath tang ialade. Ki khlem suitñiew ia la ki paralok bam-nong. Haba ka kynhun lieng ka la pra kumta, u syiem rangbah u la suhjer riw! Ki ong ba u la khaweit lymmir ioh ba ngin ia king sha Helespont ban pynpra ia ka jynkieng bad kumta ban khang noh ia ka jingphet krad jong u. Hooidei keiñ, tang mar ialeit hi ka lhien jong u, u ruh u la phai lyngkdong ban mih bran na Athen bad khynrat her rñglew sha Persia. U la pynsah ka kynhun shipai ha Thesali patde ban wan ialeh biang myn-Pyrem."

"Oh, Salamis jong ki blei, pha ruh phan pynduh, phan pynjot ia ki khun ki theikmie la ha symbai ne jynot," la kynud biang u Kleander.

Ka Daphne ka syntuid na jynthiah bad ka dem khohsiew ha tbian ka da pyndem la ka khlieh hajan ka jong u Kleander.

"Ki blei ki la lehbha shibun ia ngi," ka pasiaw jaijai. "Ki la ai biang ha ngi ia ka nongbah baitynnad jong ngi; ki la pynher krad ia u nongshun u bym ilah ban jop ki la pyllait ia ka jingim jong ngi baroh ha ka kynta ba kthang tam bad bama tam ia ka ri jong ngi; bad ki la pynphai biang ia phi sha nga na khyrdop jong ka lawpaw."

Da kaba leh jubor u Kleander u phai ka khlieh bad peit sha ki khmat jong ka. Ki ummat bakhleh ia ka jingkmien bad jingpangnud ki phyrnai klar klar ha ki pyllaw bad sdien ruh na ki irmat jong ka, hynrei ka wiat moiñ-lymoiñ da ka jingleid barhem bad bashlur.

“Shu khiah-krat, koit bad khilaiñ kloï, kynrad sylem jong nga,” ka kyrpad lynga. “Hadien kata ngin lah ban sdang ban tei ia ka jingim jong ngi ryngkat ha ka nongbah Athen bathymmai kaba mynta ka la sdang khie blang napdeng ka jingjot jingpra ka barim.”

Pud-shi-pud sngi lynter nadien kata ka jingkhilaiñ ka nangpar suki suki ka met ba la jran jong u. Ka jingmong ruh, naba slem khlem sumar, ka la suki ban kiewdoh, bad kum na ka raibi ba la phyrnop hapoh ka um pjah jong ka Salamis, ka shitdoh, shitmet bajur ruh ka la kem ia u. Miet la bad sngi ka Daphne, ka Akte bad u Syrion ki la sumar ia u khlem da sngewthait bad khadduh, ki la sngewhun-nong ban iohi ia ka rong dohsaw ba klew sha ki ngab jong u bad ka doh ka ksah ka sdang ban skhem ban eh mlan.

Wat la ka long mynta la katto katne taiew naduh bakut ka thmabah durlaw ka mariang ka dang tynnad hi, bad ka paham ha kaba ka kper jong u Syrion ka don ka sah syaid ur-ur naba la iada ka na ka lyer daitthah. Man ka sngi la ialam ia u Kleander shapoh kper bad hangta u shong syaid sngi bad bam lyer pyngngad. Bunsien u Syrion u fehnoh la ka jingtrei bad wan shongkai hajan jong u ban ia khanatang saidlwet ia ki jingialeh thma bad baroh kaba la jia hadien.



Wat la haba paw, ba shynna ba u pyrton Persia u dang shong tlang ha Thesali ruh, la katta ruh ki ri bad ki rajj jong ka Kris ba Shathie ki la iasnoh lang ha ka jingkmnen na ka bynta ka jingpyllait ba maian ia ki. Ka Korinth bad ka Ejina, ka Megara bad ka Treosin, baroh ki la thwat la ka bha, bad ki la lah mynta ban shim pakai ha ka burom jong ka jingjop. Hynrei na baroh ki lok ym don ba kham ieng kynjeng ha ka nam ban ia ka Athen. Bad na baroh ki nong Athen uba khraw burom tam bad ia uba la iaroh tam la dei u Themistokles. Wat ki nong Sparta ba sngewmeng ruh ki ithuh ba dei da ka mon badukhi jong u bad ka jingshalak ba klan jong u kaba la ialam ia ki sha ka jingjop. Ki la kyntiew la kynton ha u ia ka burom kaba ym pat don nong Krik ba la ioh na ki kti jong ka Sparta. Napdeng kito kiba la ioh burom ryngkat bad u u la dei u Ameinias uba, ka jingshlur lamphrang jong u ka la long ka dak ban ia niom rolt rolt na ka bynta ka lhien baroh. U la thoh na Sparta da kaba ai dur ia ka jingpdlang burom ia ki, ki jingai sngewbha bad ka burom ba la theh halor u Themistokles bad ba kumno, haba ki la ia mih leit phai, la dei ban on synran ia ki da ki kynsai shongkulai jong ka Sparta--ka jingleh ka bym pat ju iohsngew mynnor.

Haba ki Persia ki la kynriah noh na Attika ki nong Athen, ba la phet ri phet shnong, ki la wan phai biang sha la ka ri kaba la jakhom. Ki lehsmat leh sting ban tei biang ia kata ka jingim basuk, baphuh baroi ia kaba la khniot runar katta. Na kiba la leit phai nyngkong la dei u Arkhelaus bad ka iingka-sem jong u. Bad mynta, katba nang sngewkhlaif

sngeweh, u Kleander u sdang sngewlynga ban ioh leit phai ban iarap ia ki ha ki jingtrel.

"Ngam sngewlah ban shong alhia khlem jingtrel, khlem myntoi," u la khñium haba ka Daphne ka la pynbor ia u ban ap sa khyndiat por. "Ngi dei ban leit phai ban iatrei lang ha ka kam. Syrion, haba phin phah ka bam ka dih sa pyntip ia i pa ba nga ruh ngan sa wan kloI."

Khyndiat sngi hadien kata ka kynhun barit ka la mih na ka bri ka kper bad shim ia ka phang ba sharing sha ka khap-um ha kaba ka liengkynda jong u Syrion ka snoh ha rynsan dieng. Nyngkong la kiew ki ar ngut ki khynnah mraw ba la thied u Syrion na pdeng ki koldi thma. Ki kit ia ki kriaiah jhur kriaiah soh bad syiar bad pylleng, ka bam ka dih kaba donkam eh hapoh kata ka nongbah kaba la shah pynjutor palat shiteng. Ynda la dep kynton beit ia kine u Syrion, u Kleander bad ka Daphne ki iakiew ban shong. La ring ia ka jaiñ pdung bad soit ka kle ka lieng sha ka um.

Mynta te ym don shuh kita ki dak jong kato ka jingialeh ba shyrkhei kiba la tap lin, da ka lynrum lynreh na ki lyngkhot liengpait bad da ki met briew. Ia ki lieng ba la ngam la dep ktud sha ryngkew hangta ban pynpra ban long dieng thangding ne ban maramot ia ki lieng ba dang bit. Ia ki baiap ruh la lah pynlum bad thang da ka niam ka rukom jong ki Krik. U Kleander u shu pelt jar jar ia kata ka jaka-ka-puta jong ka thma bakhraw-duh ha ka khanapateng-pakit jong ka jaid ka kynja jong u, katba ka 'erdurlaw bapyngngad ka la dang kit pyrdung ia ki sha ka kad um jong ka Pireus.

Shi lynter, ha baroh arliang ka kad-um ki dara shnalieng ki khihklang da ka jingim. Ki lieng thymmai dang iashna, ki lieng rim dang maramot; rangbah bad khynnah ki trei kyrkieh ioh ba u nongshun un wan phai. Palat ban ia ka kad-um, ka surok sha Athen ka khih ka ksaid da u bynriew. Ki nongkhañ kine, ki maswa ne rawon kito. U trai lieng uto, u mistri uto, u kapten shane, u basan shatai, ki ia kiew ia hiar, ki iawan rah ka bam ka dih sha ka nongbah, ki wan rah hukum na ki jeneral, ne ki iaiaid la ka jong ka jong ka kam-ka-duk.

U Arkhelaus u la phah da ka kali ba la pyndait malu mala ban leit tan ia ki. Bad halor kane ki iaiaid hapdeng ka surok paidbah.

"Kane kam pyni ba ka Athen ka la julor", la kren u Kleander.

"La pynjot ! Ngam tharai kumta", mynjur sa u Syron. "Ka nongbah ka long kum ka shympa ngap ha ka por ba iaknieh iing ki kiaw. Bhabok maphi. Ka lyer ka la beh pyrdet ia ki thylliej ding na ka surok Apollo, te ka iing jong phi kam shym la lelei. Kata kan pyllaitkti laitkijat ia phi ban trei ia kiwei pat ki kam".

Katba ki dang iarung shapoh ka nongbah, u Kleander u shu peitseh da ka jingbitar bad jingsngewdukha ia ka jingpynjot ba la leh sang ki shipai Persia. Ki surok baroh ki la dap smam da ki niut ki nier bad synrum synreh bad dei halor jong kine ba, kito kiba la wan phai na ka jingphet wir, ki hap ban thiah ban dem.

“Utai u kpa jong phi”, la kdew u Syrion, bad u pynsangeh ia ka kali harud ka kynhun ki brew kiba dang iakhat ia ka jhep na surok. U Arkhelaus u mareh da ki kti ba kner.

“Kleander”, u pyrta, “kyrkhu ki blei ! ba nga iohi biang ia phi u bakoit bakhliah biang. To iawan suk sha Athen”.

U Kleander u ryngkoh na ka kali bad u kdup ia la u kpa.

“Syrion, ialam seh sngewbha ia ka Daphne sha iing mo”, u ong. “Ngan leit bad i pa. Nga kwah ban iohi katno ka la julor ka Athen bad kumno ki para shnong ki pynieng biang ia ka”.

La niah noh ia ka kali; nangta u Arkhelaus bad u Kleander ki iaiaid, ki iakhun na kawei ka lynti sha kawei pat, ki khmih thuh ia ki iingbha iingmiat ba mynshwa bad mynta kiba la jot, bad ki kren pynshlur ia ki briew ba dang khur dang pynkhuid ia kata ka jingkulmar baroh.

“Ma ngi ki basan, ki lyngskor bad ki riew rangbah ngi la pynbeit kynhun ia ki briew”, la iathuh u Arkhelaus, “kumta kin iatrei lang ryngkat ha la ki jaka jaka ban ia kaba uwei uwei un lur marwei ia ka kam. Kito na ngi kiba don pelsa ngi aishah jynsur, bad ka konsil ka la ioh kham bun ki jingkyrshan na ki par rupa”.

La dei ka prem miet ba ki la poi sha ka surok Apollo. Ia ki sharak la thang ha bshem bad ka iingka-sem ka la lang khruai ban pdiang ia u Kleander.

Ka Akharis ka la don ha ka jaka ba ka shalt shong, ha trai jong u dieng soh jew. Ka la duh shibun ia kata ka jingpliah lymphuiñ, bad katba ka dang shong ruh ki kti jong ka ki khiih ha ka jyrthiaw ksai. Baroh shisngi, ryngkat ki laingut ki khynnah kynthei ka la khreh la khrum ia ka ja ka jhur na ka bynta ki nongtrei lane ka thir ka thaiñ ia ki jaiñ na ka bynta ki wanwir baduk bakyrduh kiba iaboi shapoh ka nongbah ne kiba dang leit phai shala shnong ba shaphang Shatei jong ka Athen.

“Ngi don ki lok ba ngi la wer ban bamja mynta ka miet”, ka iathuh da ka jingkmien, “Ym don bun ki jaid jingbam, la katta ruh ngi sngew ba ngi dei ban khawai jaid ba ngi ia don lang baroh shiing. Bad naba ym don riew phylla ha kane ka jingkhawai, ngi ki kynthei ruh ngin sa iashong lang bad phi ynda la dep bam”.

La wan uwei pa uwei. Nyngkong u Ameinias, u la wan da u kulai na sha ki dara shna lieng ha kaba u dang pynklmih ia ka jingmaramot ia ka *'Yiem Khyllud*. Hadien jong u poi sa u Eskhilus uba la sah shi sngi ha tempyl u Dionisius, ha kaba u la dang pynbeit pynbha ia ka jinglehrong lehrup ka ban bit na ka bynta ki jinglehkmen ha ka Pyrem. Bud sa u Themistokles, u da iehnoh ia ka jingialang ka konsil ban ia kynpham lang ia kine ki lok baiaineh ha ka jingiakynduh lang jong ki.

“Haei u Syrion?” kyli u Arkhelaus, haba baroh la dep pynbiang. “U dei ban don lang bad ngi. Lada ym dei ia u te mynta ngi la dei ban iam briew ha ka jaka ban ia kmen”.

“Bad lada ymdei na u”, paslaw ka Khlaris ha shkor u Kleander, “Ngin ym don elei ban shet mynta ka mlet”.

Kumta u Kleander hi u leit wad ia u bad u la ialam ia u sha ka jingkhawai.

Ani ! katno ki parom, ki khana ba kine ki briew kiba la wan phai kumba na sha ki rngai maiañ - saiañ alu-re na ka lyngwit lyngwat jong ka jingiap bad jingpynjot pynpra kaba ha Salamis! Ki la im kylla ia kito ki kynta jong ka jingsyler jingma jong ka jingim, jong ka khim ka tan, jong ka jingiaxhun iakhing lymmir. Ki shu mar iapeit lyngngoh uwei ia u wei pat, da mutdur kumno ki ioh iashong lang biang ryngkat ha ka jingsuk!

Ynda la dep ia khanatang ia kaba la jia baroh ka jingiakren jong ki ka phai, kumba ka dei ka phang hi, sha ka lawei la-ar. Sha ka kambah kaba ap ia ki briew jong ka Athen.

“Don na ngi kiba la tip la ka bhah-ka-pakai” la ong u Themistokles. “Ha nga ka hap ka jingkit khlieh jong u nongialam”. U kren shongkhia, hynrei ym shym la don ka jingartatien ia ka jingsngewkhaiñ, ka jingskhem ka mon ia kaba ym i lah buhrieh da kaba u la pdiang bad la mon iakane ka kyrdan. Hangne seh u briew u ban ym shah ka iakhing ne u nongiakop.

“U Arkhelaus te u dei ban iarap ha kaba pynbeit pynryntih ia ka kam shnong”, u bteng, “Katba u Eskhilus un kyntiew ia ngi sha ki skit phawar shajrong, sha khlieh u Olympus. Phi, Ameinias, phi

la rai ban sah bad ki lleng, hana ki ong. Bad u Syrion hangne u la kdew shaei u thmu ban shong ban sah. Hynrei, kumno maphi pat Kleander? Satang maphi keiñ ba ngim pat iohsngew. Kaba kumno ka jong phi?"

Kilaw ki iapelt baroh sha u Kleander.

"I pa bad manga ngi la da ia dep pynbeit ia kata hynne mynsngi", u la jubab. "Nga sngew ka la biang kane ka shang kylleng. Ka Daphne bad manga ngin ialeit sha ka Brisoh Olib ban seng la ka iing. Hangta ngin sa lah ban iarap ban bsa ia ki briew jong ka Athen, bad, haka juh ka por, ban allad ia ka ban bteng la ka kam. Ha kine ki nongrim phi baroh phi dei ban tel ia ka burom baphieng jong ka jinglailtuid bad ka nam kiba ngi khmih lynti na ka bynta ka Athen ka ban wan. Ha ka Brisoh Olib nga la ia ioh lad nyngkong ban shakri ia ka Kris. Ha ka, ka Daphne bad ma nga ngi la shem nyngkong ia ka jingiaield iwei ia iwei pat. Ngin iaphai shata ban shong ban sah bad ban trei, bad, hangta yn sa kha ia u khun ha ngi bad un sa hikai ban im na ka bynta ka Athen kumba ngi im mangi".

U Themistokles u ieng joit

"To ngin ia dih ia ka Athen ka ban sa long", u pyrta. "To ki blei kin ai ka parisngiat ia ka da ka nam bad ka burom; to kan pynieng hakhmat ka Kris baroh ia ka dongmusa jong ka jinglailtuid; Ai ba kan bud ia ki khlur synrop jong ka jingitynnad bad ka hok; to keiñ ki briew jong ka kin shakri ia ka da ka mon bymkyrbeh, ka jingshlur ka bymrlej da kaba kymnaw ia ka Marathon bad ka Salamis, ha kiba ki

khun jong ka Athen ki la thung ia u mawdong  
baphyrnai jong ka jinglailtfluid! To iadih bad nga ia  
ka burom jong ka nongbah bakhraw jong ngi".  
Athen! Athen!

Ryngkat shrak ki iaïeng, ka jingshai jong ki  
sharak ka shat ha ki khmat bakhmied jong ki bad  
ha ki khuri waiñ ba la kyntiew shajrong ha la ki kti.  
Ym don syrnglew bakah dum ha kata ka khyllipmat  
ba iarisa ia kynhoi. Ym don ka 'ak-sma-bru na ka  
lanor ka bym ithuh ban pynngiew ia ka jingshngaiñ  
bakmen katba ki kyniw kynhoi ia ka jingdih.

Ki dang khynraw, ki dang khlaiñ bad ia-jingim  
ia-jingieid la tyngkai la tyngdiap na ka bynta jong ki  
wat la ha tyngam jong ka julor-ka-jupra (jingjot).  
Kum ka pheniks, ka Athen ka dei ban khie biang na  
la ka dpei, bad ma ki kin da long napdeng kiba  
hakhmat duh ban kyntiew ia ka shakliar jong ka  
jinglong khraw ka ban pynlyngngoh ia ka pyrthei.

Athen! Athen! ki ia risa haduh ba ki khung ha  
ka tnum iing ki iapatoh sawa.

## **SALAMIS**

Ka miet ngiew ngiew, sor sor ka par, hynrei  
Ka shkor kam sngew, ka khmat kam i shael  
Ki Krik rah sum rah wait phet tuh phet siar  
Napneh ki lieng iaking, kyrpong shakliar.  
Pongpei. Em.  
Haduh kulai balieh tyngab ka step  
Sult rong phyrnai ia mei mariang tyllep  
Lut phar....Hangta



Ka sur sawa ka khot 'lor um kyndiang,  
 Baeh, bakhor, kynthih, iashad, ka kriang;  
 Bad mawsawa syngket, kyrtoh ki kyang:  
 "Sha thma!" Ki Krik  
 Kum phrich ki rangrahwait jong ngi shaphrang.  
 Ka ngiew, ne jingkyrmen, kan Kem-ne-Lar.  
 Ka skit ban ran kam riew hapteng phawar  
 Ba rwai pyneh, pynsyiang la biang ban thom;  
 Tang 'shlur bakmen: to nud, to khluit, to pom.  
 Kriang riang, bikur ka bthet phanang ha lyer  
 Sbak, phrui ! tyrtho ki siang boitha ki per.  
 Jubor ki tan, te lur ki dar ka shnet  
 Ba nang phawar u nongkhyrwait bastet.  
 Ki lieng baroh ki mih bad paw lut khoit,  
 Kynhun ka paw shynna, ka lhien kyntoit.  
 Ka liang Kamon lam khniat, ba dei rukom,  
 Sa bud ryngkhi ka lhien tylli ban n̄lom  
 Ka thnga hadien ka thnga  
 "Mynta, Hellas, ko khun shynrang bakha  
 Ka kmie ! mynta !  
 Shu, kynshu !  
 Hellas!" (na ki kapten)  
 "Pyllait ka Kris, Pyllait ka iing, ka tnga  
 Duwan, ki blei longiing, ki mawbynna,  
 Mawshyieng, mawniam, Mawbah, kulong ki Kthaw.  
 La It-laka na kti Persia b'nym mraw".  
 Hu-u-lahu, Kserses  
 Ka jingkyunku hung heng khru ru jong u  
 Jubab ngi ai. Ka ktien kam lap kynshu  
 La. da mar lieng mar lieng ki khmut barnong  
 La dung tynrah. Ki Krik tynsah nyngkong.  
 Sidonia la phot, la khrai shyrtong  
 Īa bud kiwei, mar shruh, mar khmat, kyrtong!

Ki Persia jlang thlaw..  
 Pynkiang u laiñ nyngkong, ki eh ki shan,  
 Hynrei kumno hangta ha khim ba syam  
 Ban phai ki lah katta shrem rem ki bun!  
 Na lieng ia lieng ym long iarap pynkhun.  
 Sangsot! Da khmut ar prong ki puh lajong,  
 Boitha ki dait, ki kdiah, ki ot lyphong.  
 Ade! Ki Krik, da thew, da mut, da mang  
 Ki ker paron, ki ñlom bad pom naphang.  
 Aa, ngil  
 Ka shram, ka biar lybuit-buij-buij khlem shnet  
 Kylla (shang) prah kyndui-ly-dui ka met  
 Haduh ka um kam paw ba klup byrthap,  
 Bad khnong, bad lyphur bad met baper la iap  
 La tap lin lin ia um, ia maw da SmerTyrut.  
 Ki lieng jong ngi ki kdat lynsher  
 Phet krat umbah....  
 ....Ka iam lynñiar ka per kylleng sawdong  
 Naduh ryndang shaduh ryngkew la rong  
 Jong ki bamong....ia ki baiap  
 Haduh ka miet da jaiñ matlah ka tap.  
 (Aeskhilus: Ki nong Persia)

State Central Library  
 Meghalaya, Shillong.



*La pra la ngam jyllop*

# SHI KYNTIEN ÌA-ONG

**K**a jingroi ka ktien lyngba ka thoh ka pule ka pynphalang ìa ka jingsan ka KTIEN. Ka jingong ba ka Ktien Khasi ka duk, ka mih na kito kibym kloi ban pdiang ìa ka shimkylliang kyntien, la napoh la ka Ri na ki 'tien khun (dialect) ne wat na shabar ki kynroh jong ka. Ka ktien English la ong ba ka long ka ktien kaba riewspah tam ha ka pyrthei ka thoh ka pule; ka daw bah jong kane ka long tang na ka daw ba kane ka Ktien ka ìar mynsiem ban pdiang kyntien na kiwei kiwei de ki jait ktien.

Ha kane ka kot Ka Brisoh Olib, ba la ring ksai sha ka ktien u Hynñiewtrep ne Ktien Khasi da u Rangbah Michael D. Kahit na Barato jong ka dong ka Ri Khasi, ka Ri Pnar, ngin shem ba u nongthoh um shym la tyngkan ban shim kylliang kyntien Khasi la na Ri Pnar ne wat na ki kyntien nongwei haba u shem ba kum ìa kine ki kyntien ym shem tynrai na la ka jong ka thymmei. Kiba kum kine ki kyntien ìapan kylliang ne ki kyntien na ki Ktien khun ka Ri ki don byllai ha kane ka kot kiba halai-halai kin sa kylla kyntien Khasi hi kumba long kiwei kiwei ki kyntien iapan na ka Ktien Sanskrit, Hindi ne ktien Phareng. Da kumne ngi la nang iapynroi ìa ka thiar ki kyntien jong ka Ktien Khasi.

Kawei kaba ngi dei ban ìaroh ìa une u nongthoh ka long ban ìohi ba u da ìit bniah ìa ki kyntien ba u pyndonkam. U la lum ìa ki kyntien kiba la ju iapyndonkam ha ki por ba la leit noh ìa kiba ngi la leh klet ban iapyndonkam mynta. Dei da kumne ba u la lum la lang ìa kine ki kyntien kiba dang sah khyrdong hangne hangtai ba ìoh ki jah noh na ka rukom iapyndonkam paitbah mynta.


Ka Ktien Khasi, la ong wat da ki nongwei hi ruh ba ka long ka Ktien kaba riewspah eh ha ka liang ki 'Adverb' ne ki 'Intensifier' kiba da ka jingpyndonkam ìa ki ngi lah ban pynduna ìa ka jingbun kyntien ha ka kren ka khana ne ka thoh ka pule. Kane ka kot kan sakhi ìa kane ka jingong.

Sa shi ban, ka jingpule ìa ki 'Translation' ka la rung kum kawei na ki *Course* ìa kiba la pule ha University. Da ka jingpynwan Khasi ìa kane ka novel *Olib Garden* jong u J.H. Macklehose, la nang pynkha roi ìa kane ka phang jong ka pule puthi. Ngì dang donkam shibun ki 'translation' la ki dei na ka Ktien nongwei sha ka Ktien Khasi ne na ka Ktien Khasi sha kiwei pat ki jait ktien bariewspah jong ka pyrthei, kane ka kot kan ai mynsiem ìa kiwei ki para nongthoh ban ìapynñap sngi de ha kum kane ka phang.

Hlori dwel dwel pat ki kmit bapher bapher jong kana ka 'transla-  
tion' nga lehroh na ki kmit bad dwel dwel ki hongthoh ban tanoh bapher  
lang ha ka rukom new rukom bisher jong ki.

Nga ai khubel kypang ta ana u Rangban uba hadien buri buri nana  
ba u ta ap ring sai ta kana ka kot sha ta ka ktien, myrie u la lah ban ai  
ka sha ka puiwei ka thoh ka tar Khasi Lada ba Barato mih kael kael ka  
babha ban pyksan mgiew ta u H.W. Sten, nga don jingkyrmen ba don ruh  
ka babha ba Nani dwel ki dong jong ka Ri. Ngih nang ta ap khmih lyat ruh  
ba u Rangban Michael D. Kahit un ngan not synflang shuh shuh sha u  
thar ka khien khasi ta ha kano kano ka dur.

Shad 01, Naitur, 2004

  
Dr. J.S. Shangpilang  
Wahingdoh, Shillong

Tungka: 01/01/04

